

## TOOMIINBA TOONA

*Ki jiin Toomiinba Toona gbouj na po*

Toomiinba toona sobu na tee Luk barɲanii sobu na tukire.

Li barjar mantik tee lin wann Seyeen nba din te ki Yiisa sinsinn weira moont ɲoo Yiisa barɲanii na “Jerusalem doo ni, nan Judea nan Samaria tinii kur po, ki saan tuu tingbouj na lokir kur po nae.” (1.8)

<sup>1</sup> Chanbaa Teofilus:

N sinsinn sobu na ni min Luk din sob bona bonchiann nba ki Yiisa din tuun ki bia want niib, u toonn pinpiin-yoo na mokmok nan Yennu nba din tan donno Yendouj ni. <sup>2</sup> Waa daa din ki doo na, Yennu Seyeen sommir nie ki u din wann waa gann binba ki teemm u toomiinba na nba sii tuun bianinba. <sup>3</sup> U kuun poorpoe ki u din jii dapiinna ki yoo want u moɲ ki teemm, ki li want nan birsuk kaa nan u set jen u manfoor niwa, ki bi din tuu yoo laatɔ, ki u piak namm ki jiin Yennu naan po.

<sup>4</sup> Yosau yaann ki u tan lakin be namm, ki din tan turib mob a, “I daa nyi Jerusalem-i, ɲaan kii be kii guu piinii nba ki n Baa Yennu senn moɲonn a u saa turi, nan maa poɲ beti li po na. <sup>5</sup> Joɲonn ɲarin din wuur niib nan nyume, ɲaan daa ɲanlelee na ni, Yennu Seyeenje saa wuur i para.”\*

---

\* **1:5** 1.5 Li paake tee “Yennu Seyeen saa gbee i ni.”

*Bianjinba ki Yennu donn Yiisa Yendouŋ ni*

<sup>6</sup> Toomiinba nba din lakin nan Yiisa yoo nba, ki bi boio a, “Ti Yomdaano, yoo nba nae ki a yaa a fat timm Israel teeb† yent ki jiint koo nlee?” <sup>7</sup> Ki Yiisa yetib a, “Li ki lai nan yin bann yoo nba ki n Baa Yennu senn a lin tun na; ɲooe moƙ yaak ki senn u yoo. <sup>8</sup> Naan yoo nba ki u Seyeen sa sik i paak na, i saa la paŋ, ki tan sii tee n siara damm Jerusalem, nan Judea yent kur ni, nan Samaria yent ni, nan tingboun na lokir kur po.”

<sup>9</sup> Waa pak maan maŋ ki gbenn yoo nba, ki Yennu te ki u do Yendouŋ ni, ki bi gorioo, ki u saa koo sanpagbant ni, ki bi ji ki lau. <sup>10</sup> Naan baa lek biar see ki kpaanunii ki gorii sanpaapo na, ki soo jab‡ banlee see ki lia tapeenii, <sup>11</sup> ki boib a, “Yimm Galilii teeb, bee ki i see nna ki gorii sanpaapo nna? Yiisa nba nyii i boor ki doo Yendouŋ ni bianjinba na, u bia tan saa nyi Yendouŋ maŋ ni ki jen sik nan yaa gorioo ki u do sanpaapo bianjinba nae.”

*Ki jiiŋ wunba gaar Judas yiar na po*

<sup>12</sup> Li yoo na ki Yiisa toomiinba na nyii Olif Tiinii kunkonn na paak ki ɲmat Jerusalem. Len maŋ nan Jerusalem din tee nan maar jinn nae. <sup>13</sup> Baa baar Jerusalem yoo nba, ki bi saan koo ɲaak nba ki bi tuu be na ni ki doo ditootuk paak. Binba din koo maŋ tee Piita nan Joonn nan Jeems nan Andru nan Filip nan Tomas nan Batolomiu nan Matiu, nan Jeems wunba din tee Alfeus bija, nan Simonn Nikakitik, nan Judas wunba tee Jeems

---

† **1:6** 1.6 Juu teeb sanleere tee Israel teeb. ‡ **1:10** 1.10 Bi din tee malakanbae.

bija na; <sup>14</sup> ki bi kura tuu yoo lakint nan leeb ki pukin poosiab nan Yiisa naa Meeri, nan Yiisa waarii, ki mei Yennu nan dudukyent ki ki naki.

<sup>15</sup> Nanne ki daa njanlee nna tan gar, ki Yii-saweira teen nan kobik nan piinlee nawa ki taan kar, ki Piita tan fiir set <sup>16</sup> ki yet a, “N naa waas, linba ki Yennu Seyeen din te ki Defid din sint bunt buntir ki jiin Judas po, ki li sob Yennu gboun ni na, li kpaab talase ki lin set tan gbee. Judas manje tee daano nba daan wann niib ki bi soor Yiisa na. <sup>17</sup> Naaan Yiisa din gann timm nan njooe a tii tuun Yennu toonn nba ki ti tuun na, ki u din pukin ti kann ni.”

<sup>18</sup> (Judas toonbiit likirii nba ki u la nae, ki u jii ki daa kpaab; leje ki u bia tan baa ki put poor, ki u noot kur nyii. <sup>19</sup> Ki Jerusalem teeb kur gbat nna man, ki pur kpaab man sann bi mon maan ni a Akeldama, ki li paak tee “Sonkpaab.”)

<sup>20</sup> “Ton, li sob yan gboun nba be Yennu gboun nook ni na a:  
‘Naant ki u naak n set langboun ki soo daa koo leni.’

Ki bia jen sob a:

‘Li nan ki soo n gaar u toonn yiar na.’

<sup>21-22</sup> “Li paak ti loon ki tin gann niyenoee ki pukino ti po, ki wun teen Yiisa kuunfiiru siara daano. Li nan ki wuu tee timm nba daan tuu yoo lin nan ti Yomdaano Yiisa man ni yeno, yoo nba ki Joonn din wuur niib Yennu nyunwuru mokmok ki tan baar yoo nba ki Yiisa nyii ti boor, ki Yennu donno Yendoun ni na.”

<sup>23</sup> Nanne ki bi nyinn jab banlee: Joosef wunba ki bi din yiu Basabas na (bi din bia yi njooe

Justus na), nan Matias, <sup>24</sup> ki ji miar Yennu a, “Ti Yomdaano, fine mi soo kur par ni, li paak, wantit jab banlee na ni, wunba ki a gann, <sup>25</sup> ki wun teen toonii ki gaar a toonn yiar nba ki Judas nyik njaan saan saa be siaminba nan nano na.” <sup>26</sup> Baa miar Yennu ki gbenn yoo nba, ki bi to naatoot, a bin gann bi banlee man ni yeno, ki Matias dii, ki bi jiu ki pukino toomiinba piik nan yenokoo na ni.

## 2

### *Yennu Seyeen baaru labaar*

<sup>1</sup> Ton, ki jaamm nba ki bi yir Pentekost na daar baar; daar mane ki Yiisaweira kura lakin leeb boyennkoo ni. <sup>2</sup> Li taakpaak ni ki fuur nyii sanpaapo ki fu nan wonpaaruko da na, ki sik gbee diiuk nba ki bi kar na ni. <sup>3</sup> Ki bi la ki siar naan nan mupeeun na, ki yat too soo kur paak, <sup>4</sup> ki Yennu Seyeen gbee soo kur ni, ki bi piin piak maboorganii nan Yennu Seyeen nba wannib bianinba na.

<sup>5</sup> Ki Juu teeb nba tee yentinna na mun din be Jerusalem li yoo, binba nyii tingboun na tini kur po ki baar len. <sup>6</sup> Baa gbat fuut man yoo nba, ki nibur tikir len, ki li teemm yaarlituk, kimaan Yiisaweira man piak soo kur maan ni ki u gbia. <sup>7</sup> Ki li teemm bakitnaun ki yaar litib, ki bi boi bi leeb a, “Niib nba piak na kur ki tee Galilii teeb kaa-a? <sup>8</sup> Ki li teen nlee ki ti kura tan jia gbia ki bi piak ti mon mon maan nna? <sup>9</sup> Ti siab nyii Patia nan Media nan Elam nan Mesopotamia nan Judea nan Kapadosia nan Pontus nan Asia, <sup>10</sup> nan

Frijia nan Pamflia nan Ijpt, nan Libia yaka po siaminba kpia nan Sairene na; ki ti yemm mun bia nyii Rom; <sup>11</sup> ki ti siab tee Juu teeb, ki siab mun bia tee boorganu nba din lebit bi jiantu ki waa Juu teeb Yennu na; ki ti yemm mun bia nyii Kret nan Arabia, ñaan ki ti kura lek gbia ki bi piak ti mɔŋ mɔŋ maan ni, ki dont Yennu sann nan u bakitnaun toona nba ki u tun na.” <sup>12</sup> Ki li bakitib ki ñmat bi yan, ki bi boi bi leeb a, “Linba na paak tee bee?” <sup>13</sup> Ki siab mun bia laa ki sarikit Yiisaweira maŋ a, “Bi nyuu daame ki yib.”

*Ki jün Piita mɔɔntii po*

<sup>14</sup> Ñanne ki Piita nan u leeb piik nan yenɔkɔɔ na fiir set nibur na tɔɔnn; ki Piita pak sanpaapowa a:

“Yimm Juu teeb, nan yimm nba kur be Jerusalem na, gbiintir man maa yaa n paki linba na, kimaan n mɔk siare ki loon ki i bann. <sup>15</sup> Yaa dukii nan ti yibe na, ñaan ti ki nyuu siari, kimaan li daa tee sanyayondanne. <sup>16</sup> Li tee linba ki Yennu sokinii Joel din yet a li tan saa teene a:

<sup>17</sup> ‘Yennu yet a: Durinya joontu yoo

n tan saa tun linba nae:

n tan saa sikin n Seek sɔɔ kur paak,

ki i bonjai nan i bonpoi tan sii sɔkint n maan,

ki i naasimm mun tan sii laat yirintu,

ki i jakpera tan sii damii damiit.

<sup>18</sup> Ki li yoo maŋ n tan saa sikin n Seek n daaba paak,

li jab nan poob kur,

ki bi mun bia tan sii sɔkint n maan.

<sup>19</sup> N tan saa tun toonjaana sanpaapo, nan bakitnaun nyina tingboun na ni;

ki sɔn nan muu nan munyuuk tan sii be.

<sup>20</sup> Yonnu tan saa kpint ki bɔnn,  
ki n̄maarik mun saa kpint ki mɔnn nan sɔn  
na;

li tan saa teen nnaewa ki min Yennu dajaann  
nba tee biiru daar na n fit baar.

<sup>21</sup> Ki sɔɔ kur nba tan boin sommir po saa la  
tinnu.’ ”

<sup>22</sup> N̄anne ki Piita bia n̄amm yet a, “Yimm  
Israel\* teeb, gbiintir man linba ki n yaa n beti  
ki jiin Yiisa nba tee Nasaref nirɔ na po; i mɔn mi  
nan Yennu-e te ki u tuu tuun bakitnaun̄ toona  
nan nyina i boor ni, ki li set want nan Yennu-e  
tumɔ. <sup>23</sup> N̄aan Yennu mi linba yaa lin tan teen.  
Li paak ki u dɔn lor ki kubinɔ i nuu ni, ki i te  
ki biitdamm kpaa tabinɔ dapunpunn paak ki u  
kpo, ki li want nan yimme set kpiiu.

<sup>24</sup> “Waa daan kpo ki daa be kuun nii ni na, ki  
Yennu fatɔ ki fiinɔ kuun ni, kimaan kuun ki mɔk  
paŋ ki saa diau. <sup>25</sup> Defid din bunt buntir ki jiin  
Yiisa po ki yaa

’N mi nan Yennu yɔɔ be nanin,  
ki u bia see n poorpo ki guun ki n ki laat dan̄i.

<sup>26</sup> Li paak n mɔk parpeenn ki piak parpeenn  
maan.

Mi-i lekii tan̄i kpo, n̄aan n sii mɔk dindann,

<sup>27</sup> kimaan u tan kan nyik n seek ki lin kpakin  
kpeent̄i.

N tee u popeendaanɔe,

ki u kan sak ki n gbanant n tan bati;

<sup>28</sup> ki u bia te ki n bann manfoor sɔnii,  
ki tan saa baar kii be u tɔonn

---

\* **2:22** 2.22 Juu teeb sanleere tee Israel teeb.

kii mək parpeenn bonchiann.’ ”

<sup>29</sup> Ki Piita bia ɲamm yet a, “N naa waas, n yaa n pak yent i numpoe ki jiin ti yeejasaakɔɔ Defid po. U din kpo, ki bi piuu, ki u kaauk daa be nna na. <sup>30</sup> U din tee Yennu səkiniie, ki din mi nan Yennu senn mɔsonn ki turɔ, ki yet a li-i tee ki u kpo, u tan saa jii u yaaboonyenɔ ki dinnɔ u naan. <sup>31</sup> Defid din mi linba ki Yennu yaa wun tan teen. Li paak ki u din pak Yennu Niganntɔɔ Masia kuunfiiru po, ki yet a Yennu Niganntɔɔ tan kan kpakin kpeentɪŋ, ki u gbanant bia kan bati.”

<sup>32</sup> Ki Piita bia ɲamm yet a, “Yiisa nba nae ki Yennu daan fiinɔ kuun ni, ki ti kura na mun tee u kuunfiiru maŋ siara damm. <sup>33</sup> Ki Yennu bia donnɔ a wun kar u niidiitu po. Waa kar yoo nba, ki u gaar Seyeen nba ki Yennu din senn mɔsonn ki yaa u tan saa turit na, ki sikin ti ni. Tɔn, Seyeen maŋe ki i laat ki bia gbia na. <sup>34</sup> Defid nba ɲarin din kpo na, u din ki doo Yendɔuŋ ni nan u gbananti. Tɔn, u buntir maŋ din ki want u mɔŋ donu po kaa, ɲaan u din want Yiisa poe, ki yet a:

‘Yennu din yet n Yomdaanɔ a,

Karin n niidiitu po

<sup>35</sup> mək mək nan maa tan saa jii a datai

ki teemm a taakpakta.’ ”

<sup>36</sup> Ki Piita bia yet a, “Li ɲan ki yimm Israel teeb kur n bann nan Yiisa nba ki i daan te ki bi kpaau dapunpunn paak na, ɲɔɔe ki Yennu wann nan u tee u Niganntɔɔ Masia, ki bia tee ti Yomdaanɔ.”

*Biaɲinba ki niib tusaa ɲantaa teen Yiisa yada*

<sup>37</sup> Niib na nba gbat nna maŋ, ki bi para biir bonchiann. Ki bi boi Piita nan u leeb na a, “Ei! ti naa waas, ti saa teen nlee?” <sup>38</sup> Ki Piita betib a, “See ki i kur nyik toonbiit tumu ki tin wuri Yennu nyunwuru Yiisa Masia sann ni, ki Yennu n nyik i biit ki chabi, ki turi piinii nba tee u Seyeen na; <sup>39</sup> kimaan u poŋ senn moːsonn a u saa jii u Seyeen na ki tur yimm nan i waas, nan binba kur be banfoːka, yimm nba kur ki u tan saa yiini ki yin sak u moːb na.”

<sup>40</sup> Li poorpoe ki Piita pak moːmaan bonchiann ki nyinn siara, ŋaan bia kpaamm a, “Hei! Nyint i moːŋ man Yennu tubdatu nba baat moːtana nibiit paak na ni.” <sup>41</sup> Ki bi bonchiann sak u maan maŋ, ki teen nan niib tusaa ŋantaa nawa, ki bi wurib Yennu nyunwuru, ki bi pukin bi paak li daar maŋ. <sup>42</sup> Ki bi ŋammit tumii ki bant toomiinba maŋ wannu, ki jii bi yoo ki dia leeb nan moːtaauk, ki lakint di jeet, ki bia tikii mei Yennu.

### *Ki jiin Yiisaweira benu po*

<sup>43</sup> Ki jijeet ji moːk soː kur kimaan toomiinba na tun bakitnauŋ toona bonchiann, Yennu paŋ ni. <sup>44</sup> Ki Yiisaweira maŋ kura bia lek dia leeb nan moːtaauk, ki chentir bi bona ki teen leeb, <sup>45</sup> ki tuu koːi bi faar ki jikit li likirii ki toor leeb, soː kur nba saa gaar bianinba, ki lin jaŋo.

<sup>46</sup> Daar kur bi bia lek tuu taan leebe Yenjiantu ŋasaakak ni ki jiant Yennu, ŋaan ji nyi ki baa jedikpaguua bi ŋei ni, ki di nan leeb ki moːk parpeenn, ki ninfokin kaa nan leebi. <sup>47</sup> Ki yoo kur ki bi piak dont Yennu sann, ki soː kur par



mei bi paak. Ki daar kur ki ti Yomdaano bia  
 ɲammit te ki niib laat tinnu ki pukii bi paak.

### 3

#### *Biaɲinba ki bi te ki wabik somm*

<sup>1</sup> Dasiar yenlekir ki Piita nan Joɔnn tan saa  
 Yenjiantu ɲasaakak ni Yenmiar-yoo. <sup>2</sup> ɲanne ki  
 bi saa yaa bin koo Yenjiantu ɲasaakak tammob  
 nba ki bi yi Tammɔɲaɲ na, ki la jasoo kar  
 leɲ, ki poɲ tee wabik u maaru niwa; ki daar  
 yeejaɲaakur ki bi tuu jiiu ki baar nano tammob  
 maɲ boor; a wuu mei niib nba baat Yenjiantu  
 ɲasaakak maɲ ni na likirii.

<sup>3</sup> Yoo nba ki u tan la Piita nan Joɔnn ki bi yaa  
 bin koo na, ki u miarib likirii. <sup>4</sup> Ki bi jiant ki  
 goriio sirrr; ki Piita tan yeto a, "Ii goriit." <sup>5</sup> ɲanne  
 ki u ji nur nunii ki goriib, ki mi a u saa gaar siare  
 bi peɲ. <sup>6</sup> ɲaan ki Piita beto a, "N ki mok likirii,  
 ɲaan maa mok linbae ki n yaa man tura. N tura  
 mob Yiisa Masia nba tee Nasaref niro na sann ni,  
 fiit kii somm," <sup>7</sup> ɲaan soor u niidiitu ki fino. Li  
 taakpaak ni ki joo na taa kakit, <sup>8</sup> ki u tab fiir set,  
 ki ji piin somm ki lin, ki tan weib koo Yenjiantu  
 ɲasaakak maɲ ni, ki yuuk mobit nan parpeenn,  
 ki piak dont Yennu. <sup>9</sup> Ki niib kur lau ki u somm  
 ki piak dont Yennu. <sup>10</sup> Baa ji bann nan ɲooe tee  
 miato nba tuu kaar ki mei niib likirii Yenjiantu  
 ɲasaakak tammɔɲaɲ ni na, ki li ji yaar litib nan  
 waa somm na.

#### *Biaɲinba ki Piita moontir Yiisa barnanii*

<sup>11</sup> Ki wabik maɲ puur wob Piita nan Joɔnn;  
 ki li teen niib na kura bakitnaun bonchiann,

ki bi chiar lakin bi boor. Baa lakin sian na yi Solomonn barintire.

<sup>12</sup> Piita nba la niib na yoo nba, ki u yet a, “Yimm Israel\* teeb, bee ki li yaar liti niro na po? Bee ki i barii timm nna? Taa te ki wabik na fiir somm na, i dukii a li tee ti moṅ paṅ koo ti moṅ yentinu paake-e? <sup>13</sup> Yennu nba din tee Abraham nan Aisak nan Jakob nan ti yeejaleeb Yennu na, ḡoṅee tee daano nba donn u Toontunnṅ Yiisa ki turo u moṅ yabint. Yiisa mane ki i jiiu ki teenṅ ti yudamm nuu ni na, ki Pailat daan bikin a wun ḡaau, ki i bia yêṅ Pailat boor na. <sup>14</sup> Ḥoṅee lek tee Yennu niro, ki jenna tee Popeendaano, ḡaan ki i yêṅ, ki miar Pailat a wun nyinn nikpiiruk ki turi. <sup>15</sup> Li paak, yimme te ki bi kp̄ii Manfoturtṅ maṅ; ḡaan ki Yennu fiino kuun ni, ki timme tee linba na siara damm.

<sup>16</sup> “Yiisa maṅ sann paṅ nba ki ti yi nae te ki joṅ na somm. Wabik na tee wunba ki i poṅ tuu miu ki bia laatṅ, ḡaan ki u tan somm, kimaan waa teen Yiisa sann yada na paak. Waa teen Yiisa yada na paake te ki u somm ki see i numm ni na.

<sup>17</sup> “Tṅ, n naa waas, n mi nan yimm nan i yudamm nba daan te ki bi kp̄ii Yiisa na, i daan ki bann yaa tun linba maṅ paaki. <sup>18</sup> Ḥaan Yennu din pak u maan ki tur u sokiniinba, ki bi mun bia pak tur niib, ki bi yet a see ki u Niganntṅ Masia n dii biak. Tṅ, Yennu set tan te ki li teen moṅii, nan yaa tun bianinba na.

<sup>19</sup> “Li paak, ii nyik biit tumu man, kii waa Yennu sonu, ki wun nyik chab i toonbiit, <sup>20</sup> ki turi

---

\* **3:12** 3.12 Juu teeb sanleere tee Israel teeb.

foon, ki bia tan tun Yiisa Masia i boor, wunba ki u poŋ gannɔ ki turi na; <sup>21</sup> ŋaan Yiisa maŋ lek sii be Yendouŋ nie, ki Yennu n tan ŋamm bona kura, nan waa din te ki u popeenn sɔkiniinba nba din be yaayoo ni na yet bianjinba, ki bi mun pak turit na.

<sup>22</sup> “Ŋann maŋe ki Moses mun din yet a ‘I Yomdaano Yennu saa turi sɔkiniisoo, ki u sii tee i moŋ nirɔ, nan waa nyinnin bianjinba ki teenin u sokinii i boor ni na. Gbiintirɔ man ki tun linba kur ki u saa pak turi; <sup>23</sup> ki daano nba ki gbiint sokinii maŋ maami, Yennu saa nyinn li yoo u niib ni ki biirɔ.’

<sup>24</sup> “Yennu sokinii Samuel nan sokiniiinba nba wei u poor, ki din piak Yennu maan, bi kura din want linba tan saa teen Yennu Niganntoo Masia ti yoo nae. <sup>25</sup> Yennu moosona nba ki u din senn ki tur u sokiniiinba maŋ, li moosona tee i yare; ki lor nba ki u din lor nan ti yeejamm na, li lor mun bia tee i yare, kimaan u din yet Abraham a ‘A yaaboonyeno nie ki tingbouŋ na teeb kura tan saa la n piisin.’ <sup>26</sup> Li paak ki Yennu gann u Toontunno Masia maŋ ki tumo i boor sinsinn, a wun te ki i kur n nyik i biit tumu ki la piisin maŋ.”

## 4

### *Baa bu Piita nan Joonn buut bianjinba*

<sup>1</sup> Yoo nba ki Piita nan Joonn daa see ki piak teen niib maŋ na, ki Yenjiantu nasaakak kunkonkonna yudaano nan Sajusiinba nan mannteeb kpir baar Piita-nba boor, <sup>2</sup> kimaan bi wutoa doo Piita nan Joonn nba want niib a Yiisa

daan fiir kuun ni na paak, ki li want nan kpeemm tan saa fiir kuun ni ki jen bi manfoor ni biak.

<sup>3</sup> Li paak ki bi soorib, ki koomm dansarik a lin yenta, kimaan yoo poŋ gara. <sup>4</sup> Naan niib bonchiann nba gbat Piita maan maŋ na teen Yiisa yada, ki pukin Yiisaweira po. Ki jab na kur kann tee nan tusaa ŋanŋmu na.

<sup>5</sup> Laa tan yent sanyiok, ki Juu teeb yudamm nan saakab nan sennu wantteeb lakin bi tituk kaanu ni Jerusalem; <sup>6</sup> ki bi lakin nan mannteeb yudaano Annas, nan Kayafas, nan Joonn nan Aleksander nan mannteeb yudaano maŋ ŋaatesiab, <sup>7</sup> ki te ki Piita nan Joonn fiir set bi sinsuuk ni, ki bi boib a, “Panboor bee ki i moki? Ki ŋmee sann nie ki i fiin wabik nba na?”

<sup>8</sup> Ŋanne ki Yennu Seyeen fiir Piita ni, ki u yetib a, “Yimm chanbaanba nan saakab, gbiintir man, <sup>9</sup> li-i tee ki i boit dinna na ki jiin toonŋann nba ki ti tun ki tur wabik na, nan waa somm na paakie, <sup>10</sup> ŋann li ŋan ki i kura n bann, ki Israel teeb\* kur n mun bann nan Nasaref niro Yiisa Masia sann nie ki joŋ maŋ somm ki see i numm ni na. Li Yiisa-e ki i daan te ki bi kpaau dapunpunn paak, ŋaan ki Yennu fiino kuun ni na. <sup>11</sup> Ŋooe tee daano nba ki Yennu gbouŋ piak u po na, a ‘Tann nba ki yimm tanmaara yétir na, ŋanne tan tee lotik ni tanŋann.’ <sup>12</sup> Ki soŋ sann ji kaa tingbouŋ na ni ki Yennu tur niib a bin la tinnu, see Yiisa kuukoŋ.”

<sup>13</sup> Toondamm tituk maŋ nba din la Piita nan Joonn parcheenn nba ki bi mok na, ki bia bann nan bi tee damm nba ki mi gbouŋ bonŋann na,

---

\* **4:10** 4.10 Juu teeb sanleere tee Israel teeb.

li din jaar litibe, ki bi ji bann nan bi tuu tee Yiisa weinanleebe. <sup>14</sup> Baa la joo nba ki bi won te ki u somm na see Piita nan Joonn boor na, ki bi ji ki mok mob nba saa pak biiribi.

<sup>15</sup> Nanne ki bi daa naan ki bi nyii bi lakinu diiuk man ni, naan ki bi biar faa leeb sawara, <sup>16</sup> ki boi bi leeb a, “Ti saa teen jab na nlee na? kimaan soo kur nba be Jerusalem na pon mi jaarlituk toonn nba ki bi tun na. Li paak ti ji kan fit noi; <sup>17</sup> naan naant man ki tin kpaamm, ki bi ji daa mi yi Yiisa sann ki teen niibi, ki Yiisa maan man ji daa bia yat ki saa niib boor.”

<sup>18</sup> Nanne ki bi yiimm, ki bi jen koo diiuk na ni; ki bi betib a, “Ti mi man ki i jii Yiisa sann ki pak wann soo.” <sup>19</sup> Ki Piita nan Joonn jiin a, “Ki i yaa mon mon po narin, i dakin nan lanne took Yennu boori? Ti ji sak i mob naan nyik Yennu mob koo nlee? <sup>20</sup> kimaan timm kan fit nyik pinpauk, linba po ki ti la ki bia gbati.” <sup>21</sup> Toondamm tituk man lek kpaamm nan ninmonjar, naan naab a bii saa, kimaan bi ki la sonu nba ki bi saa dat bi tuba, kimaan niib na din piak ki dont Yennu sanne, baa din fiin wabik na paak. <sup>22</sup> Joo nba ki bi te ki u somm na bina din gar piinnawa.

### *Bianjinba ki bi miar Yennu parcheenn po*

<sup>23</sup> Baa naa Piita nan Joonn yoo nba, ki bi nmat kun bi leeb boor, ki saa yetib linba ki mannteeb yudamm nan saakab man pakib.

<sup>24</sup> Baa mun gbat nna man ki bi kur taan leeb nan dudukyent ki miar Yennu a, “Ti Yabint Yennu, fine nan sanpaak nan tin, nan mokgbenja nan linba kur be li ni, <sup>25</sup> ki a Seyeen man nie ki a

din wann ti yeeja Defid, wunba tee a toontunno,  
ki u bunt buntir ki yet a:

‘Binba ki tee Israel teeb na pir nan wutoa,  
ki Israel teeb lorin lor yana,

<sup>26</sup> ki tingbounj na kpanbara nan yudamm taan  
leeb

a bin kon nan Yennu nan u niganntoo Masia na.’

<sup>27</sup> “Li tee barmoniie nan Herod, nan Ponsius  
Pailat, nan binba ki tee Israel teeb† na, nan Israel  
teeb set daan lakin doo na ni, ki lor lora a bin kpi  
a popeenn toontunno Yiisa, wunba ki a gann ki  
sennoo na. <sup>28</sup> Nanne ki bi lakin, a bin tun linba  
kur ki a ponj din dakin a yanboot nan a panj ni,  
ki yaa li tan saa teen na. <sup>29</sup> Ton, motana, Yennu,  
gbiintir niib na nba fo konfoot nan ninmonn ti  
paak na, ki njan timm nba tee a daaba na-ii  
piak a maan nan parcheenn bonchiann, <sup>30</sup> ki  
tant a nuu ki te baatib n la laafia, ki njan ki  
tii tuun bakitnauj toona, a popeenn toontunno  
Yiisa sann panj ni.”

<sup>31</sup> Baa gbenn Yenmiaru na yoo nba, ki  
siaminba ki bi tikir na ji jek, ki bi kura gbee  
nan Yennu Seyeen, ki piin piak Yennu maan nan  
parcheenn.

*Baa chentir bi bona ki teen leeb bianjinba*

<sup>32</sup> Li yoo na ki Yiisaweira manj kura taan leeb  
nan dudukyent ki chentir bi bona ki teen bi  
leeb. Bi soo din ki yaa u yen siari. <sup>33</sup> Li  
yoo na jik ki toomiinba manj nyint ti Yomdaano  
Yiisa kuunfiiru siara, ki siara manj mok panj  
bonchiann, ki Yennu piisin bonchiann be bi kur

---

† 4:27 4:27 Juu teeb sanleere tee Israel teeb.

ni. <sup>34</sup> Ki sɔɔ din kaa bi ni ki pɔt siari, kimaan binba din mɔk bi mɔŋ mɔŋ kpaant nan bi ŋei din tuu kɔie, ki gaar li likirii ki baar nann, <sup>35</sup> ki tan tur toomiinba na, ki bi chentir ki teen bi leeb nan baa loon bianinba. <sup>36</sup> Jasɔɔ din be leŋ ki u sann tee Joosef, ki u tee Liifai booru ni nirɔ, wunba ki bi marɔ Saiprus, ki toomiinba na yiu Banabas (ki li paak tee Sommtɔɔ), <sup>37</sup> ki u tan kɔi u kpaab, ki gaar li likirii ki baar nann, ki tur toomiinba na.

## 5

### *Ki jiin Ananias nan u ŋaapoo Safaira po*

<sup>1</sup> Jasɔɔ mun din be ki u sann tee Ananias, ki u ŋaapoo sann mun tee Safaira, ki u tan kɔi u kpaab ki gaar li likirii, <sup>2</sup> ki paat likirii maŋ ki bɔr, ki u ŋaapoo mi li po, ŋaan jii linba tenn na, ki baar nann ki tan tur toomiinba maŋ. <sup>3</sup> Ki Piita boio a, “Ananias, bee ki a ŋaan Sintaanii kɔɔ yent a pari, ki a faar faak ki loon ki a kpann Yennu Seyeeni, ki paat likirii nba ki a kɔi a kpaab na paaki? <sup>4</sup> Faa daan daa ki kɔi a kpaab maŋ na, li daan ki tee a yar kaa-a? Ki faa bia kɔir na, likirii maŋ bia ki be a yent ni kaa-a? Bee teen ki a lor a par ni ki tun linba na? A ki faar faak maŋ ki tur nirɔ kaa, ŋaan a faar ki tur Yennu-e.”

<sup>5</sup> Ananias nba gbat nna maŋ yoo nba, ki u kpo ki baa li yoo na. Ki janmaanchioŋ kɔɔ binba kur gbat u kuun maŋ po. <sup>6</sup> Ki naasimm jiiu ki pɔbin chinchenn ni, ki nyii ki saan piiu.

<sup>7</sup> Nanne ki li yann waaminna, ki u ŋaapoo baar kɔɔ, ŋaan daa ki mi linba teeni. <sup>8</sup> Ki Piita bia boio a, “Betirin, li set tee barmoniie nan fin

nan a sɔrɔ kpaab likirii nba ki i gaar na kurii na-a?" Ki u jiin a, "Nn, li kure na." <sup>9</sup> Ki Piita boio a, "Bee ki fin nan a sɔrɔ taan mɔb, ki lor a yin bikin ti Yomdaano Seyeenji? Naasimm nba jii a sɔrɔ ki saan piuu na, nhamme koo tammɔb ni na, ki bi mun bia saa jii nnae ki saan pii." <sup>10</sup> Li taakpaak ni, ki u kpo ki baa, ki naasimm na koo ki la ki u kpowa, ki bi bia jiiu ki nyii ki saan piuu ki kpian u sɔrɔ. <sup>11</sup> Li yoo na ki janmaanchion soor Yiisaweira kur nan binba kur gbat maan maɲ na.

<sup>12</sup> Tɔn, ki toomiinba na tuun nyina nan yaarlituk toona bonchiann niib na ni. Ki Yiisaweira kura tuu taan leeb Yennu nasaakak bokir nba ki bi yir Solomonn barintir na ni. <sup>13</sup> Binba ki tee Yiisaweira na din ki mɔk par nba saa lakin nammi, njaan niib din piak dont Yiisaweira maɲ bonchiann, <sup>14</sup> ki jab nan poob bonchiann teen yada ki pukin Yiisaweira na po.

<sup>15</sup> Nanne niib din nyi nan baatib, ki doontib gadoi nan dindoonii paak sonjokpinii a Piita-i taji gaar yoo nba, u yunyun n lek baa bi paak, ki bin la laafia. <sup>16</sup> Ki niib nba din be Jerusalem digbanbis ni mun jikit baatib, nan binba ki narinbiit daamiib na, ki baat namm, ki bi kura laat laafia.

### *Ki jiin toomiinba na biak dinu po*

<sup>17</sup> Li paak ki mannteeb yudaano nan u weinanleeb kur nba tee Sajusiinba na fiin punponn bonchiann nan toomiinba na, <sup>18</sup> ki te ki bi saan soor toomiinba maɲ ki koomm dansarik. <sup>19</sup> Li nyioɔk maɲe ki Yennu malaka sik loot dansarik na tammɔi, ki nyinn toomiinba maɲ, njaan betib



a <sup>20</sup> “Ii saa man Yennu n̄asaakak ni, ki saa set, ki m̄oont tur niib manfopaann na po.” <sup>21</sup> Baa gbat u maan maŋ, ki bi saan ki saa k̄oo Yennu n̄asaakak maŋ ni, sanyapob ni, ki ji piin ki want niib manfopaann na maan.

Ki mannteeb yudaano nan u weinanleeb na yiin Israel teeb\* yudamm kura, ki lakimm tituk kaanu, ki bi tan tun a bin nyinn toomiinba maŋ ki baar namm. <sup>22</sup> Ki bi saan dansarik maŋ ni ki saa got, ki ki labi, ki n̄mat t̄oondamm tituk maŋ ni ki saa betib a <sup>23</sup> “Taa baar dansarik na boor yoo nba, ti la ki tamm̄oi kpare kenkema, ki dansarguura na be tamm̄oi boor ki guu, ki ti loot tamm̄oi na, n̄aan ki ki la soo dansarik diiuk maŋ ni.”

<sup>24</sup> Yenjiantu n̄asaakak yudaano nan mannteeb yudamm nba gbat nna maŋ, ki li teemm yaarlituk toomiinba na po, ki bi ji biris linba saa teen. <sup>25</sup> Ki taan soo jasoo nna k̄oo, ki yetib a, “Gotir man, jab nba ki i won k̄oomm dansarik na see Yenjiantu n̄asaakak ni ki want niib Yennu maan.” <sup>26</sup> Li yoo na ki yudaano na jii u jab, ki bi saan ki saa nyinn toomiinba maŋ ki jen namm, n̄aan bi ki nyinnib nan paŋ kaa, kimaan bi tiin jaŋmaanii a niib na tan saa mann jaatib tana.

<sup>27</sup> Baa baar namm yoo nba, ki bi te ki bi saan set t̄oondamm tituk na sinsuuk ni. Ki mannteeb yudaano na yetib a <sup>28</sup> “Ti daan turi m̄ob nan ninbinm̄onii, ki yaa i daa want niib Yiisa sann ni, n̄aan gotir yaa tan tun linba na, yaa jii i wannu maŋ ki yat Jerusalem kur po, n̄aan ji

---

\* **5:21** 5.21 Juu teeb sanleere tee Israel teeb.

loon yin nyiirit Yiisa kuun paak.” <sup>29</sup> Ki Piita nan toomiinba leeb na jiin a, “See ki ti lek sak Yennu mɔb ki gar nisaarik mɔb. <sup>30</sup> Yiisa mane ki i daan poŋ kpaa tabinɔ dapunpunn paak ki u kpo na, ŋaan Yennu nba tee ti yeejamm Yennu na, ŋɔɔe fiin Yiisa kuun ni, <sup>31</sup> ki jii donno ki kaano u niidiitu po, ki teeno Yudaano nan Tinntoo, a Israel teeb n nyik biit tumu, ki wun nyik bi biit ki chabib. <sup>32</sup> Timm nan Yennu Seyeenje tee Yiisa kuunfiiru maŋ siara damm; ki Yennu jii u Seek maŋ ki tur wunba saak u mɔb.”

<sup>33</sup> Tɔondamm tituk maŋ nba gbat nna yoo nba, ki bi wutoa fiir, ki bi ji yaa bin kpi toomiinba maŋ. <sup>34</sup> Ŋaan Farisiisoo nna din be tituk na ni, ki u sann tee Gamaliel, ki u tee sennu wantoo, ki niib kur teeno baakir, ki u fiir set, ki yet a bin daa nyinn toomiinba na nanyer po; <sup>35</sup> ŋaan bet tɔondamm tituk damm maŋ a, “Hei, Israel teeb, ii mi man yaa yaa yin teen niib na linba na. <sup>36</sup> Sianyoo dinn, ki Tiudas want u moŋ nan u tee nijaansooe, ki niib nan kobii ŋanna na tee u poorpojoomu, ŋaan baa din tan kpiiu, u joomu na kur din yate, ki u jagberin na gbenn. <sup>37</sup> Ki ŋann gar, ki Judas, wunba din tee Galilii niro na mun nyii set nikant yoo, ki want u moŋ, ki tunn niib bonchiann yan ki bi waau; ki niib bia mun din tan kpiiu, ki u joomu na kur yat. <sup>38</sup> Motana, kpan ŋaant Yiisaweira maŋ, ki daa teeb siari; ki li-i tee bi lora nan bi toona na tee nisaarik yarie, li tan saa gbenna. <sup>39</sup> Ŋaan li-i tee Yennu yarie, i kan fit nyannibi. I saa la ki i kpet kon nan Yennue gbaa.”

ᑲanne ki toondamm tituk maᑲ ji sak Gamaliel moᑲ na, <sup>40</sup> ki yiin toomiinba maᑲ ki koomm, ki te ki bi boob kpaasir ᑲaan ᑲaab, ki turib moᑲ a, “Ii mi man ki i jiki moontir Yiisa sann maᑲ.”

<sup>41</sup> ᑲanne ki toomiinba maᑲ nyii toondamm tituk na ni nan parpeenn, kimaan Yennu nba la ki bi jaᑲ nan fedinu Yiisa sann paak na. <sup>42</sup> Ki daar kur ki bi saa Yenjiantu ᑲasaakak ni, ki bia lin niib ᑲei ni, ki want niib a Yiisa tee Yennu Niganntoo Masia-e, ki bia moontir u barnanii na, ki ki nyikiti.

## 6

### *Bianᑲinba ki bi gann sommteeb banlore*

<sup>1</sup> Li poorpoe ki Yiisaweira ᑲammit pukii, ki bunburimii tan baar Juu teeb nba piak Griik maan, nan Juu teeb nba piak bi moᑲ maan na sinsuuk ni; kimaan binba piak Griik maan na din yet a bi-i toor jeet daar kur, bi pakoi ki laat bi tora nan leeb na. <sup>2</sup> ᑲanne ki toomiinba piik nan banlee na yiin Yiisaweira maᑲ kura, ki tan yetib a, “Ti naa waas, li ki ᑲan ki tin nyik Yennu maan moontii ᑲaan biar jeet toru ni. <sup>3</sup> Li paak, gotir ki gann jab banlore i sinsuuk ni, binba ki i mi nan bi binbeᑲ ᑲan, ki bi bia mantik gbee nan Yennu Seyeenᑲ nan yanfantir, ki tin teemm toona na yudamm; <sup>4</sup> ᑲaan timm n jii ti moᑲ yoo ki teen Yenmiaru ni, nan Yennu maan wannu ni, ki daa naki.” <sup>5</sup> Niib na kur ji din moᑲ parpeenne toomiinba maan maᑲ paak. ᑲanne ki bi gann Stiifenn, wunba mantik gbee nan Yennu Seyeenᑲ nan yada na, nan Filip, nan Prokorus,

nan Nikanor, nan Timonn, nan Pamenas, nan Nikolaus, wunba nyii Antiok, ki ki tee Juu niro, n̄aan din kpint u jiantu ki waa Juu teeb jiantu na. <sup>6</sup> Niib na nba gannib yoo nba, ki bi te ki bi saan set toomiinba na t̄oonn, ki toomiinba maŋ yii bi nii bi paak n̄aan miar Yennu ki turib.

<sup>7</sup> Li poorpoe ki Yennu maan n̄ammit yat k̄oo niib ni, ki Yiisaweira mun bia yabitir ki pukii bonchiann Jerusalem, ki Yennu mannteeb bonchiann sak Yiisa barn̄anii na ki teeno yada.

### *Stiifenn sooru labaar*

<sup>8</sup> Stiifenn din la Yennu sommir nan yiiikoo bonchiann, ki din tuun bakitnaun̄ toonjaana, niib na sinsuuk ni. <sup>9</sup> N̄aan nisiab din ki sako. Binba din n̄oi nan Stiifenn maŋ tee Juu teeb nba din tee daaba, ki bi n̄aab bi daabisin ni, ki bi nyii Sairene nan Aleksandria nan Silisia nan Asia nae. Bi mun din m̄ok bi m̄oŋ Yenjiantu diiuko. <sup>10</sup> Ki Yennu Seyeen̄ tur Stiifenn yanfantir bonchiann, ki bi ki fit nyanno, u maan maŋ ni. <sup>11</sup> Baa din ki fit nyanno na, ki bi k̄oo nisiab a bin yet a, “Ti gbat ki u piak bonbilankant ki biir Moses nan Yennu.” <sup>12</sup> Baa yet nna maŋ yoo nba, ki niib na naŋ saakab nan sennu wannteeb na wutoa doo, ki bi fiir ki sooro, ki saan nano bi t̄oondamm tituk boor; <sup>13</sup> ki bi tan baar nan nisiab nna biak a bin faar faak, ki yet a, “Yoo kur j̄oo na yoo piak ki biir Yenjiantu n̄asaakak, nan Moses sennu nae, <sup>14</sup> kimaan ti gbat ki u yeen a Yiisa nba tee Nasaref niro na saa bet Yenjiantu n̄asaakak na, ki bia lebit Moses kaar nba ki u din senn na.” <sup>15</sup> Binba kur din lakin kar tituk maŋ ni din kpa

bi ninbina ki gorii Stiifenn, ki tan la ki u numpo lebit ki ji naan malaka numpo.

## 7

### *Stiifenn pinpauk*

<sup>1</sup> Nanne ki mannteeb yudaano boi Stiifenn a, “Li set tee mōniie-e?” <sup>2</sup> Ki Stiifenn yaa:

“Chanbaanba nan n naa waas, gbiintir man. Yoo nba ki ti yeeja Abraham din be Mesopotamia yent, Kaldii tiŋ ni na, li yoo ki u din daa ki saan Harann, ki paŋ daano Yennu dokit u paak, <sup>3</sup> ki yeto a ‘Nyikin a tiŋ nan a niib, ŋaan saan siaminba ki n saa wanna.’ <sup>4</sup> Li yooe ki u fiir ki nyik Kaldii tiŋ maŋ, ŋaan saan ki saa kar Harann doo ni. U baa kuun poorpoe ki Yennu bia te ki u fiir, ki baar tiŋ nba ki ti be na ni. <sup>5</sup> Nnaan Yennu daa din ki turo tiŋ na nan bonmintika a wun yenti, ŋaan senn mōsonn a u tan saa turo tiŋ na, ki ŋoo nan u yaaboona-ii yen. Yennu nba din senn mōsonn na yoo nba na, ki soo Abraham daa ki mōk biki. <sup>6</sup> Yennu din yeto a ‘A yaaboona tan sii be tingaŋ niewa, ki tee daaba leŋ, ki tan saa la mukisuk bonchiann, ki saa tuu bina kobii ŋanna. <sup>7</sup> Nnaan tiŋ maŋ niib nba ki bi sii tuun ki teemm na, n tan saa dat bi tuba. Li poorpo, a yaaboona maŋ saa nyi tiŋ maŋ ni, ki baar tiŋ na ni, ki jiantin.’

<sup>8</sup> “Yennu din senn mōsonn ki tur Abraham, ki bia wanno mōsonn maŋ nyinn, a ŋoo nan u yaaboona-ii porii puna. Ki Abraham din tan mar Aisak, ki li daa ŋanniin daar ki u potō; ki Aisak mun din tan pot u bik Jakob; ki Jakob mun

din tan pot u waas piik nan banlee, binba tee ti yeejajaana na. <sup>9</sup> Ki Jakɔb waas maŋ din tan mɔk punponn nan bi waarɔ Joosef, ki din soorɔ ki kɔɔ, ki siab daau ki saan nanɔ Ijɔpt tinj ni, ŋaan Yennu din be nanɔ, <sup>10</sup> ki nyinnɔ biak kura ni, ki bia turɔ yan, ki te Ijɔpt kpanbar Faaro nianɔ ki jiiu teenɔ yudaanɔ Ijɔpt tinj ni, ki bia te ki u tee yudaanɔ u ŋaak ni.

<sup>11</sup> “Li poorpo ki kon tan baa Ijɔpt tinj ni nan Keenann tinj ni kura, ki kon soor niib bonbiir, ki ti yeejamm kɔŋ jeet. <sup>12</sup> Jakɔb nba din gbat a jeet be Ijɔpt yoo nba, ki u tun u waas leŋ. Nanne din tee bi sinsinn saanu.

<sup>13</sup> “Ki bi saanu taar munlee nie, ki Joosef ji din te ki u naa waas maŋ bannɔ. Nanne ki Faaro ji bann Joosef baa ŋaateeb. <sup>14</sup> Ki Joosef ji tumm a bin ŋmat kun u baa Jakɔb boor, ki saa jii ŋɔɔ nan u ŋaateeb kur ki jen namm Ijɔpt na; ki bi din tee niib piinlore nan banŋmu.

<sup>15</sup> “Nanne ki Jakɔb nan u ŋaateeb maŋ fir saan Ijɔpt ki saa kar; li poorpo ki ŋɔɔ nan u waas din tan kpo gbenn leŋ. <sup>16</sup> Ki bi jii bi gbanant\* ki kun nann Sekem nba be Keenann tinj ni na, ki saa pii kaauk nba ki Abraham din daa Hamor ŋaateeb boor na ni.

<sup>17</sup> “Yoo nba din tan per nan Yennu n gbeen u mɔsonn nba ki u senn Abraham na. Li yoo maŋ, ti niib Israel teeb† nba be Ijɔpt na ji din yab bonchiann. <sup>18</sup> Li poorpoe ki sɔɔ dii Ijɔpt naan, ŋaan ŋɔɔ din ki mi Joosef po. <sup>19</sup> Ki kpanbar maŋ

---

\* **7:16** 7.16 Li din tee Jakɔb nan Joosef gbanante. † **7:17** 7.17 Juu teeb sanleere tee Israel teeb.

din dia ti niib diabiuk, ki ton namm bonchiann, ki bia tuu miab a bin nyinn bi sanpantii ŋei ni ki lub ki bin kpo.

<sup>20</sup> “Ŋanne ki bi din tan mar Moses, ki u fan bonchiann, ki be u baa ŋaak ŋmaarii ŋantaa.

<sup>21</sup> Baa din tan nyinnɔ ŋaak ni yoo nba, ki kpanbar na bipoo lau, ki gaarɔ ki wubiio; ki u ji tee u mɔŋ bik. <sup>22</sup> Ki bi din wann ŋɔɔ Moses yan kur nba ki Ijpt teeb mɔk, ki u tan tee wunba mi pinpauk bonchiann, ki bia tuun paŋ toona.

<sup>23</sup> “Moses nba din tan teen binpiinna yoo nba, dasiar ki u tan dukin a wun gɔn u mɔŋ booru Israel teeb. <sup>24</sup> Waa lin gontib na, ki u tan la ki Ijpt nirɔ boo Israel nirɔ; ki u baar a wun fatɔ, ki kpɔi Ijpt nirɔ na. <sup>25</sup> (U din mi a u naa waas na saa bann nan Yennu tan saa te ki ŋɔɔe n nyinnib daabisin ni, ŋaan bi din ki bann nna.) <sup>26</sup> Ki li yent sanyiɔk, ki u bia la Israel niib banlee kɔn; ki u loon wun taamm ki bin maŋ nan leeb, ki yetib a ‘Gotir man, i tee naa waase, ki bee teen ki i boo leebi?’ <sup>27</sup> Ki wunba mɔk kaat na pii Moses, ŋaan betɔ a, ‘Sɔɔ ki teena ti yudaanɔ koo ti barbuurɔ. <sup>28</sup> A yaan loon ki a kpin nan faa won kpɔi Ijpt nirɔ nae-e?’ <sup>29</sup> Moses nba gbat nna yoo nba, ki u chiar nyii Ijpt tinj ni, ki saan Midiann tinj ni ki be leŋ, ki tan kɔɔn poo ki mar bonjai banlee.

<sup>30</sup> “Bina piinna poorpoe, ki u saan muuk ni dasiar, ki saa baar Sainai jɔɔr boor ki la mupeenu, ki li di tibik paak ki lenii, ki malaka dɔkit muu maŋ ni.

<sup>31</sup> “Moses nba din la nna maŋ ki li teenɔ yaarlituk. Ki u chat nakin a wun ŋamm got, ki ji gbat Yennu kunkɔr ki u beerɔ a, <sup>32</sup> ‘Mine

tee Abraham Yennu, ki bia tee Aisak Yennu nan Jakob Yennu na. Mine tee a yeejamm man Yennu.’ Moses nba gbat nna yoo nba, ki janmaanii koo, ki u ji see ki jekir ki ki mok par nan wun goti. <sup>33</sup> Ki Yennu beto a ‘Pitir a taasaat, kimaan siaminba ki a see na tee kasii boore. <sup>34</sup> Ton, n la Ijpt teeb nba dint n moŋ niib Israel teeb biak Ijpt tiŋ ni bianinba, ki n bia gbat bi fabinii. Nanne ki n sik maa n fatib. Li paak, n saa tuma Ijpt.’ ”

<sup>35</sup> Nanne ki Stiifenn bia lek piak ki saa a, “Moses nba nae ki Israel teeb din yeto na, ki beto a, ‘Soo ki teena ti yudaano koo ti barbuuro,’ naan nooe ki Yennu ganno a wuu tee bi yudaano nan bi fat-too; ki noo Yennu te ki malaka pak nano tibik paak, muu ni, ki tumo na. <sup>36</sup> Noo Moses-e din tee daano nba nyinnib Ijpt tiŋ ni, ki bia tun bakitnaun toona Ijpt tiŋ man ni, nan baa din saa poot Mokmun na, nan baa bia din be muuk ni binpiinna na. <sup>37</sup> Li Moses-e bia din yet Israel teeb a ‘Yennu tan saa tun sokiniiso i boor nan waa tumin bianinba na, ki u sii tee i booru.’

<sup>38</sup> “Moses mane bia din be nan ti niib Israel teeb, bi lakinu ni, muuk ni na. U din be leje ki tan doo Sainai jojaann paak, ki saa be nan Yennu malaka, ki malaka man pak nan Moses, a Moses n sokin ti yeejamm Israel teeb na. Li yooe ki Moses gaar Yennu manfoor maan na ki turit. <sup>39</sup> Naan ti yeejamm din ki loon bin sako. Li paak ki bi yeto, kimaan bi yan tunn Ijpt-a; <sup>40</sup> naan din bet Aaronn a wun maa yenbis, ki bii tee bi nmakit-teeb, ki bia yeto a ‘Moses narin, wunba nyi nant Ijpt na, ti ki mi linba teeno.’



<sup>41</sup> Nanne ki bi maa tingbann ki nanno naajabik, ki mann maruᅇ li paak, ki teen jaamm a bin mantik donno, linba ki bi maa nan bi moᅇ nii na.

<sup>42</sup> “Li paak ki Yennu ji ki goriibi, ᅇaan chabib ki bi ji jiantir ᅇmaabira, nan laa soᅇ bianᅇinba Yennu soᅇkiniinba gbounyeuᅇ ni na, a Yennu yet a:

‘Israel teeb, yaa din kpi bonkobit ki mann maruᅇ muuk ni bina piinna na, i din ki mann maruᅇ maᅇ ki teen min kaa.

<sup>43</sup> I din tuu jikit tingbann Molek lanbouᅇo,‡ ki bia jikit ᅇmaabir Refann naauᅇ, ki li tee tingbann, ki saa namm.

Bi din tee yenbise ki i maa ki jiantir.

Li paak, n saa te ki i datai n nyinni i tiᅇ ni ki saan nani siaminba foᅇ ki gar Babilonn.’ ”

<sup>44</sup> Nanne ki Stiifenn bia piak a, “Ti yeejamm din faa Yennu lanbouᅇ muuk ni, ki li want a Yennu be namm. Yennu-e din wann Moses baa saa faa lanbouᅇ maᅇ bianᅇinba, ki bi faa. Li din tee nan Yennu nba te ki Moses lar bianᅇinba nae.

<sup>45</sup> “Li poorpo ki ti yeejamm ji tan jii lanbouᅇ maᅇ ki tur bi waas, ki bi gaar ki mun jikit ki saa nann, ki ᅇamm nan Joosua tan baar nna, ki fat tiᅇ nba ki boorganii daa din yen li yoo na. Yennu-e din ber nyinn niib maᅇ ti yeejamm toᅇnn, ki lanbouᅇ na ji din be nna dik dik nan Defid yoo mun. <sup>46</sup> Yennu numm din gboot Defid maᅇ, ki u tan miar Yennu a wun chabo ki wun maa ᅇaak ki tur ᅇoo Yennu nba tee u yeeja Jakob Yennu na.

---

‡ 7:43 7.43 Bi din dia bonkobit gbante ki faa lanbont.

<sup>47</sup> Nnaan η̄ɔɔ Defid bija Solomonn-e din tan maa η̄aak maŋ.

<sup>48</sup> “Ti lek mi nan Yabint Yennu ki kaar η̄ei nba ki niib maa ni kaa. Li tee nan Yennu s̄okinii nba din yet a:

<sup>49</sup> ‘Yennu yet a, Sanpaak tee n naangbouŋo, ki tingbouŋ na mun tee n taakpakitir.

Ŋaboorbee ki i saa maa turimi?

Binbebolanne ki n sii be?

<sup>50</sup> Min kaa nan bona na kuri-i?’ ”

<sup>51</sup> Ki Stiifenn lek bia piak ki saa a, “I mantik tee nigbaba hei, ki i dudukit bia fok nan Yennu bonchiann, ki i ki sak yin gbiint Yennu maan. I kpan mun k̄on nan Yennu Seyeen nan i yeejamm nba din tun bianinba nae. <sup>52</sup> Yennu s̄okinii s̄oɔ kaa ki i yeejamm ki mukis̄o. Bi bia din kp̄ii binba poŋ s̄okint a Yennu Popeendaan̄o Masia tan saa baar nawa. T̄on, m̄otana yimme tee damm nba nyii u poor ki bia tee u kpiira. <sup>53</sup> Yimme bia tee damm nba din gaar Yennu sennu nba ki i yeejamm din gaar malakanba nuu ni, η̄aan bia lek ki sakir na.”

### *Bianinba ki bi din kp̄ii Stiifenn*

<sup>54</sup> T̄oondamm tituk na nba gbiint Stiifenn maan maŋ, ki bi donn wutoor bonchiann ki gbab m̄ogbaba.

<sup>55</sup> Ŋanne ki Yennu Seyeen fiir Stiifenn ni, ki u yaat got Yendouŋ ni, ki la Yennu maŋ yentsaakar, ki Yiisa see η̄ɔɔ Yennu niidiitu po; <sup>56</sup> ki u yet a, “Gotir, n la ki Yendouŋ loot ki Nisaarik Bik see leŋ, Yennu niidiitu po.” <sup>57</sup> Ŋanne ki t̄oondamm tituk na yikin sanpaapo, η̄aan pii bi tuba; ki bi kura wuur baar ki wor̄o, <sup>58</sup> ki dat nyii nan̄o doo

man̄ kpɪŋ, ki liat bi liata ki bir naasimō nba ki bi yiu Sool na boor, a wuu guu, ŋaan jaat Stiifenn tana. <sup>59</sup> Bi din jaatœ dik dik; ki u tan yiin ti Yomdaanō a, “N Yomdaanō Yiisa, gaat n seek;” <sup>60</sup> ŋaan gbaan ki yiin sanpaapowa a, “N Yomdaanō, daa jikit bi biit na ki biiribi.” U yet nnae ŋaan ji kpo.

## 8

### *Bian̄inba ki Sool mukis Yiisaweira*

<sup>1</sup> Ki Sool sak nan baa kp̄ii Stiifenn na, li ŋan.

Li daar man̄e ki mukisubiiuk baar Yiisaweira nba be Jerusalem na paak; ki bi kur nyii yat ki saan Judea nan Samaria yentnba po, ŋaan nyik toomiinba na kuukō leŋ. <sup>2</sup> Ki yentinsiab jii Stiifenn, ki saan saa piuu, ŋaan mō fabin bonchiann u paak.

<sup>3</sup> Sool ŋarin din loon wun biir Yiisaweirae, ki lin kō ŋaak ŋaak, ki so Yiisaweira, jab nan poob, ki nyintib ki saa kōontib dansarii.

### *Bian̄inba ki Filip mōont Yiisa barnanii na Samaria doo ni*

<sup>4</sup> Yiisaweira nba din yat na ji din saa lokir kur poe ki mōontir Yiisa maan man̄. <sup>5</sup> Ki Filip nyii sik Samaria doo ni, ki saa mōont Yennu Niganntō Masia na po ki tur leŋ niib. <sup>6-7</sup> Ki nibur tikir ki gbiint Filip mōontii man̄, ki bia la u baktinaun̄ toona nba ki u tuun. U din nyinn narinbiit niib bonchiann ni, ki bi yikin sanpaapo ki nyi; ki u bia te ki gbanankpeena damm nan wobii bonchiann la laafia. Li paak din teen ki bi mantik gbiint u

maan fanu nan dudukyent. <sup>8</sup> Ki parpeenn be doo maŋ ni bonchiann.

<sup>9</sup> Jɔɔ nna mun din be doo maŋ ni, ki tee nyɔkdaano, ki u sann tee Simonn, ki yosau ki u tuu tan tun bakitnaun toona, ki lin bakit niib kur nba be doo maŋ ni, ki u yi u mɔŋ nijaann. <sup>10</sup> Niib kur din baakitɔe, li nijaana nan tarii, ki yaa, “Jɔɔ na mɔk paŋ nba nyii Yennu boore.” Li paak ki bi yiu Panchiɔŋ Daano. <sup>11</sup> U bakitnaun toona maŋ din jaar litib ki yukira. Li paak ki bi din teeno baakir ki bia gbiin u maan.

<sup>12</sup> Naan ki Filip nba din tan baar ki mɔontir Yennu naan barnanii nan Yiisa Masia po na, jab nan poob din sak u mɔontii maŋ, ki u wurib Yennu nyunwuru. <sup>13</sup> Simonn mɔŋ mun din teen yada, ki u wurɔ. Ki u teen Filip weinanloo, ki laat bakitnaun toona nba ki u tuun na, ki li tuu jaar lito.

<sup>14</sup> Ki Yiisa toomiinba nba din be Jerusalem na gbat a Samaria teeb gaar Yennu maan maŋa; ki bi tun Piita nan Jɔonn, <sup>15</sup> ki bi saan Samaria ki saa miar Yennu ki turib, a bin gaar Yennu Seyeen, <sup>16</sup> kimaan Yennu Seyeen maŋ daa din ki sik bi soɔ ni. Bi kpan din wurib Yennu nyunwuru ti Yomdaano Yiisa sann ni kuukɔe. <sup>17</sup> Ki Piita nan Jɔonn yii yii bi nii bi paak, ki bi gaar Yennu Seyeen.

<sup>18</sup> Simonn nba din la ki toomiinba na yii bi nii niib na paak, ki Yennu teemm Seyeen na, ki u yaa wun tur toomiinba na likirii, <sup>19</sup> ki yetib a, “Chabimin yiikoo na man, ki n mun tuu yii nii soɔ paak, ki wun gaar Seyeen maŋ.” <sup>20</sup> Naan ki Piita betɔ a, “A saa kpo yiake nan a likirii

maŋ, kimaan a mi a a saa jii likiriie ki gaar Yennu piinii. <sup>21</sup> A lek kan tun siar ti toonn na ni, kimaan a par ki be fanu nan Yennu. <sup>22</sup> Li paak, nyikin dudukbiit maŋ, ki lebit a binben ŋaan kii mei Yennu; li pasiari u saa nyik chaba dudukbiit maŋa, <sup>23</sup> kimaan n la nan a gbee nan nɔontonte, ki bia tee biit yommik.” <sup>24</sup> Ki Simonn betib a, “Miat i Yomdaano ki turin man, ki linba ki i yet na ji daa baat n paaki.”

<sup>25</sup> Tɔn, li poorpoe ki Piita nan Joonn pak siara ti Yomdaano po ki tur niib, ki bia moont u maan, ŋaan ŋmat saan Jerusalem. Baa din saa nae ki bi moontir Yiisa barnanii, Samaria digbanbis bonchiann ni.

### *Ki jiin Filip nan Itiopia nijaann na po*

<sup>26</sup> Nanne ki ti Yomdaano malaka tan baar ki bet Filip a, “Fiit saan tokin sonu nba nyi Jerusalem ki gaar kunkoouk paak ki siik Gasa na.” <sup>27-28</sup> Ki Filip fir ki saan. Tɔn, ki Itiopia jatookir nna mun din nyii u sonu ki kun. Joɔ maŋ tee nijaann nba tee Itiopia poobat nba ki bi yiu Kandes na likirii karachinba yudaano. U din saan Jerusalem-e, a wun saa jiant Yennu, ki tan ŋmat kun, ki kar u toruk ni, ki taanii daaro.

Waa saa yoo nba, ki u karin Yennu sokinii Aisaya nba sob gbouŋ nba na ni. <sup>29</sup> Ki Yennu Seyeen yet Filip a, “Ii saa nakin toruk na.” <sup>30</sup> Ki u chyar saan leŋ, ki gbat ki u karin Yennu sokinii Aisaya gbouŋ na. Ki u boio a, “A bant linba ki a karin na paaki-i?” <sup>31</sup> Ki u jiin a, “Nlee ki n saa bann li paaki, ki li ki tee soɔ wannin kaa?” ŋaan

barin Filip a wun koo wannoo. Ki u koo toruk man ni, ki bi lakin kar.

<sup>32</sup> Yennu gbouj ni maan nba ki nijaann man din karin na, nanne na a:

“Ki u sak saan nan peeuk nba ki bi daaroo a bin saa kpiu na,  
ki nmin nan pegann nba ki bi tuu porii u kobit ki u nmin na,  
ki ki pak nan mɔbona.

<sup>33</sup> Ki bi sikin u baakir ki yet bin bu u buut bonnann,  
u din ki mok yaaboona,  
kimaan u manfoor jit tingbouj na niwa.”

<sup>34</sup> Ki nijaann na boi Filip a, “Betirin, nmee ki sokinii na piak u po? U yeen u moj po amii sooe?” <sup>35</sup> Ki Filip piin siaminba ki nijaann man karin na ki saa, ki piak Yiisa barnanii.

<sup>36</sup> Baa tok sonu man ki siik yoo nba, ki bi la nyun nna doo. Ki nijaann na yeto a, “Gotir, nyume na, bee yaa lin teen ki a kan wurin Yennu nyunwuru?”

(( <sup>37</sup> Ki Filip yeto a, “Li-i tee ki a teen Yiisa yada nan a par kura, n saa wurawa.” Ki u jiin a, “N teen yada nan Yiisa Masia tee Yennu Bijae.”))

<sup>38</sup> Ki nijaann man te taanii na set, ki hoo nan Filip sik nyun na ni, ki Filip wuroo Yennu nyunwuru.

<sup>39</sup> Ki bi tan nyii nyun na ni ki doo; ki Yennu Seyeen jii Filip ki yaat nana, ki nijaann na ji ki lau; ki u namm soor u sonu ki kun nan parpeenn.

<sup>40</sup> Filip ji din saa be Asotus-ewa, ki lin digbana kur ki moontir Yiisa barnanii mokmok nan waa tan baar Siisarea.

## 9

*Bianjinba ki Sool teen Yiisaweiro*  
*(Toona 22.6-16; 26.12-18)*

<sup>1</sup> Tɔn, Sool lek bia din fɔɔ kɔnfɔɔt, ki yeen a u sii dint ti Yomdaano Yiisa poorpoweiteeb biake, ki kpib; ki tan saan mannteeb yudaano boor ni, <sup>2</sup> a wun gaar kadaat, ki saan Damaskus ki saa wann Yenjiantu diit yudamm, a wuu la wunba waa Yiisa sɔnu maŋ, li jab koo poob, wun soorib ki lorib ki jen namm Jerusalem.

<sup>3</sup> Tɔn, waa ji din saa yoo nba ki saa per Damaskus, ki yentu nyii sanpaapo, ki sik yent lintɔ. <sup>4</sup> Ki u baa tiŋ ni, ki gbat ki kunkɔr yiu a, “Sool, Sool, bee ki a mukisirimi?” <sup>5</sup> Ki u boi a, “Yomdaano, fin ŋmee?” Ki kunkɔr na jiin a, “Min Yiisa-e ki a mukis. <sup>6</sup> Ŋaan fiit ki saan doo na ni, ki bi saa beta faa saa teen bianjinba.”

<sup>7</sup> Li yoo na, ki jab nba chiant Sool na ji biar see surimm. Bi din gbia kunkɔr na ŋarin, ŋaan ki ki laat sɔɔ. <sup>8</sup> Ki Sool tan fiir tiŋ ni, ki munt u nunii, ŋaan ki laati. Ŋanne ki bi dat u nuu ki saan nanao Damaskus. <sup>9</sup> U din ki fit laat ki saa tuu damunjaa ŋantaa. Li daa maŋ ni, u din ki dii koo ki nyuu siari.

<sup>10</sup> Ki Yiisaweisɔɔ din be Damaskus maŋ, ki u sann tee Ananias, ki ti Yomdaano yiino yirintu ni a, “Ananias!” Ki u jiin a, “Mine na, n Yomdaano.” <sup>11</sup> Ki ti Yomdaano yetɔ a, “Fiit ki saan tɔkin sɔnu nba yi Sɔnsunsonn na, ki saa kɔɔ Judas ŋaak ki boi jɔɔ nba nyii Tarsus, ki u sann tee Sool na po. U mei Yennu-e motana, <sup>12</sup> ki la jasɔɔ yirintu ni,

ki u sann tee Ananias, ki u koo ki jii u nii ki yii u paak, a wuu jikii laat.”

<sup>13</sup> Ki Ananias jiin a, “N Yomdaano, niib bonchi-  
anne piak joo na po, ki jiin linba kur ki u tuun  
a moŋ niib Jerusalem. <sup>14</sup> U daan gaar yiikoo  
mannteeb yudamm boor ki baar nna, a wun soor  
wunba kur yi a sann.” <sup>15</sup> Ki ti Yomdaano beto a,  
“Fini saawa, ŋooe tee wunba ki n ganno a wuu  
tuun n toonn, ki te boorganu nan bi kpanbara  
nan Israel teeb\* n bann n sann, <sup>16</sup> ki n moŋ saa  
wannoo biak nba kur ki u saa di n paak.”

<sup>17</sup> Nanne ki Ananias saan koo ŋaak na ni, ki  
yii u nii Sool paak, ŋaan yeto a, “N naa bik Sool,  
n Yomdaano Yiisa-e tumin. Nooe tee daano nba  
ki a daan baat nna ki tan lau sonu paak na, ki u  
tumin a n tan te ki fii jikii laat, ki bia gbee nan  
Yennu Seyeen.” <sup>18</sup> Li taakpaak ni ki siar nyii u  
ninbina ni ki baa, ki naan wakii, ki u ji laat ki fiir  
set; ki bi wuroo Yennu nyunwuru, <sup>19</sup> ki u dii jeet  
ki paŋ jen.

### *Bianjinba ki Sool moont Yiisa baryanii*

Li yoo na ki Sool lakin be nan Yiisaweira nan  
daa ŋanlee na Damaskus, <sup>20</sup> ki tan saan yiama  
Yenjiantu diit ni, ki moontir Yiisa po, a Yiisa  
kpan set tee Yennu Bijae. <sup>21</sup> Binba kur din gbat  
u moontii maŋ, li din teemm jaarlituko, ki bi  
boi a, “Joo na kaa daan kpi binba yi Yiisa sann  
Jerusalem na-a? U yaan ki baar a wun soor ki lor  
Yiisaweira, ki ŋmat namm ki saa turib mannteeb  
yudamm kaa na-a?”

---

\* **9:15** 9.15 Juu teeb sanleere tee Israel teeb.



<sup>22</sup> N̄aan ki Sool m̄oontii maŋ bia lek ŋammit pukii nan Yennu paŋ, ki u maan maŋ want nan Yiisa-e set tee Yennu Niganntoo Masia ki birsuk kaa; ki Juu teeb nba be Damaskus na ki fit jiino siari. <sup>23</sup> Ki daa bonchiann tan gar, ki Juu teeb na lakin leeb ki lor a bin kpi Sool, <sup>24</sup> ki yonnu nan nyiook ki bi guu doo maŋ tammoi bonŋann a bin kpiu. Ki soo tan kumio baa lorin u paak bianinba; <sup>25</sup> ŋaan nyayouŋ ki u weinanleeb tan jiuu ki teeno chibuk ni, ki nyinno doo maŋ joonfonn ni, ki sikino tij ni.

### *Ki jiiin Sool benu Jerusalem ni po*

<sup>26</sup> N̄anne ki Sool saan Jerusalem ki saa yabir u moŋ paak a wun lakin nan Yiisaweira na, ŋaan ki bi ki teeno yada nan u ji tee Yiisaweiro, ki tiino janmaanii. <sup>27</sup> Ki Banabas tan jiuu ki baar nana toomiinba na boor, ki kat wannib bianinba ki Sool daan la ti Yomdaano Yiisa sonu ni, nan waa pak nana bianinba, ki bia ŋamm wannib Sool nba daan moontir Yiisa po nan parcheenn Damaskus bianinba. <sup>28</sup> Banabas nba wannib linba na, ki Sool lakin be namm, ki bi kak lin Jerusalem kur po, ki moontir ti Yomdaano sann nan parcheenn. <sup>29</sup> U bia din pak nan Juu teeb nba piak Griik maan na ki jiiin Yiisa po, ŋaan ki bi noi nana, ki koor a bin kpiu. <sup>30</sup> N̄aan yoo nba ki Yiisaweira bann nna maŋ, ki bi jii Sool ki sik nana Siisarea, ki te ki u kun Tarsus.

<sup>31</sup> N̄anne ki Yiisaweira nba be Judea nan Galilii nan Samaria na ji ki laat mukisuk, ki ŋammit tumii ti Yomdaano barrii, ki tee yentinna, ki

Yennu Seyeen be namm ki kóontib para, ki bi pukii.

*Bianjinba ki Piita tun baktinaun toona*

<sup>32</sup> Li poorpoe ki Piita lin lokir kur po, ki tan sik a wun gón Yennu niib nba be Lida na. <sup>33</sup> Leje ki u din saa la jasó, ki u sann tee Eneas, ki u tee gbanankpeenn daanó, ki din ki fit fi u dónu ni tee-e ki tan tuu bina nanniin. <sup>34</sup> Ki Piita tan yetó a, “Eneas, Yiisa Masia te ki a la laafiawa. Fiit ki namm a dónu.” Li taakpaak ni ki u fiir. <sup>35</sup> Ki Lida nan Saronn doi niib kur lau, ki lebit bi binben, ki waa ti Yomdaanó.

<sup>36</sup> Poosó mun din be Jopa, ki u sann tee Tabiita, naan Griik maan ni, ki bi yiu Dókas, ki li paak tee piaró. U din tee Yiisaweiróe, ki tuun toonnana bonchiann ki teen niib, ki bia sommit talasdamm. <sup>37</sup> Ki u din tan yiar ki kpo, ki bi wuró, ki doo nanó ditóotuk ni ki saa biro. <sup>38</sup> Jopa mun din ki fók nan Lida saami, ki Yiisaweira nba be Jopa na gbat nan Piita be Lida, ki bi tun jab banlee u boor a wun kakit ki baar na. Ki jab banlee man saan ki barin Piita. <sup>39</sup> Ki u fiir, ki bi jen nanó. Waa baar yoo nba, ki bi jiiu ki doo nanó ditóotuk man ni. Ki pakoi be diiuk na ni, ki bi kur naa lint Piita, naan mó, ki jikit bi sootnba nan liata ki wantó, ki yeen a, “Dókas nba tuu be u manfoor ni ki nyar linba ki teente na.”

<sup>40</sup> Nanne ki Piita nyinn bi kur diiuk na ni, naan gbaan ki miar Yennu, ki tan nmant kpeemmó na paak, ki yiin a, “Tabiita, fiit.” Ki u munt ki la Piita, ki ji fiir kar. <sup>41</sup> Ki Piita donn soor u nuu ki

fiin sennɔ, ɲaan yiin pakɔi na nan Yennu nileeɓ,  
ki tan jiiu ki wannib nan u jen u manfoor niwa.

<sup>42</sup> Ki li labaar yat saan Jɔpa kur po; ki niib  
bonchiann teen ti Yomdaano Yiisa yada. <sup>43</sup> Ki  
Piita ji biar be Jɔpa daa bonchiann; u din be jasoo  
nba tee gbanfabirtoo ki bi yiu Simonn na ɲaak  
nie.

## 10

### *Piita yirintu labaar*

<sup>1</sup> Tɔn, jasoo din be Siisarea, ki u sann tee  
Kɔnelius. U din tee Rom teeb lanjimanba yu-  
daanoɛ, ki dia lanjimanba kobik, u paabu ni. Ki  
paabu man yi Itali tin paabu. <sup>2</sup> U din tee Yenjiant-  
too; ki ɲoo nan u ɲaateeb kura jiantir Yennu.  
U din sommit Juu teeb talasdam bonchiann, ki  
bia mei Yennu yoo kur. <sup>3</sup> Li din tan tee yenlekire,  
ki u la Yennu malaka nan u ninbinn, yirintu  
ni, ki u koo ɲoo Kɔnelius diiuk ni ki tan yiin a,  
“Kɔnelius.”

<sup>4</sup> Kɔnelius nba la malaka man na, ki janmaanii  
sooro, ki u yet a, “N yomdaano, bee?” Ki malaka  
man jiin a, “Yennu gaar a miaru, ki bia sak a  
ninkpabaun toona nba ki a tuun ki teen niib  
nawa, ki tian a po. <sup>5</sup> Mɔtana, tumin siab Jɔpa, ki  
bin saa yiin joo nba ki bi yiu Simonn, ki u sanleer  
tee Piita na. <sup>6</sup> U tee saamoɛ ki be gbanfabirtoo  
nba ki bi yiu Simonn na ɲaak, ki u ɲaak man  
kpia nan mɔkgbenjir na.”

<sup>7</sup> Malaka nba pak nana man ji din yaate,  
ki Kɔnelius yiin u ɲaatoontunna banlee nan  
lanjima nna, wunba din tee Yenjiant-too, ki tee  
u kpaakyeno. <sup>8</sup> Waa betib linba kur teen na

poorpoe ki u tumm Jopa. <sup>9</sup> Laa yent sanyiok, ki bi saa, ki saa per Jopa; li yoo na ki Piita mun doo ditootuk paak yonsuuk ni, a wun miar Yennu. <sup>10</sup> Ki kon tan gbatō, ki u ji loon jeet wun di. Baa tee jeet maŋ na, ki u la yirintu, <sup>11</sup> ki sanpaapo loot ki bonsiar nna naan chinchenn ki nyii sanpaapo, ki bi dia li moŋbana ŋanna ki sikint tiŋ ni, <sup>12</sup> ki u la ŋamm Juu teeb koot booru kur ki li be chinchenn maŋ ni, bonkobit nan bonfurinkaa nan bon-yuyukit linba kur koo; <sup>13</sup> ki u gbat kunkor yiin a, “Piita, fiit ki kpi ŋman.” <sup>14</sup> Ŋaan ki Piita jiin a, “O! O! O! N Yomdaano, nna kaa. N ki mi dii ti kooti.” <sup>15</sup> Ki kunkor na bia ŋamm yeto a, “Linba ki Yennu ŋammir ki li yeen, daa yaa li koo.” <sup>16</sup> Li din teen nna ki jaŋ taar muntaa, ki bi jiin bont maŋ sanpaapo.

### *Binba ki tee Juu teeb na nba teen Yiisaweira bianinba*

<sup>17</sup> Piita din daa biris waa la yirintu nba na paake. Li yoo na ki Konelius toonii na boi, ki bi wannib Simonn ŋaak, ki bi baar ŋaak maŋ tammob ni ki set, <sup>18</sup> ŋaan yiin ki boi a, “Soo be nna ki u sann tee Simonn Piita-a?”

<sup>19</sup> Ki Piita daa koor a wun bann yirintu maŋ paak, ki Yennu Seyeen yeto a, “Gotir, jab bantaa be nanyer ki loona. <sup>20</sup> Li paak, fiit ki sik, ki daa biris nan a tok nammi, kimaan mine tumm.”

<sup>21</sup> Ŋanne ki Piita sik, ki bet jab na a, “Mine ki i loon na. Bee teen ki i baari?” <sup>22</sup> Ki bi jiin a, “Chanbaa Konelius-e tunt. U tee Rom teeb lanjimanba yudaano, ki bia tee niburchimo, ki jiantir Yennu, ki Juu teeb kur teeno baakir. Ton,

Yennu malaka won baar beto a wun yiina ki a baar u njaak ni, ki wun tan gbat linba ki a saa pako.”

<sup>23</sup> Ki Piita yiin jab na a bin koo kii be ki sanyiok n yenta. Laa tan yent, ki u teen siir, ki bi saa; ki Yiisaweira nba be Jopa na siab chiano.

<sup>24</sup> Li din tan bonn ki yentewa ki bi baar Siisarea, ki soo Konelius pon yiin u ninjamm nan u yoonsba, ki bi kur ji kar guu Piita baarue.

<sup>25</sup> Piita nba tan baar ki yaa wun koo, ki Konelius cheto tammob ni, ki gbaan pukio. <sup>26</sup> Ki Piita yeto a, “Fiit, n moŋ tee nirœ,” njaan fino. <sup>27</sup> Waa din piak nan Konelius njaan koo njaak man ni na, ki u la niib bonchiann tikir ki guu-u. <sup>28</sup> Ki u betib a, “I moŋ mun mi nan timm Juu teeb sennu ki chabit nan tin saan binba ki tee Juu teeb boori, koo ki taan nammi; njaan Yennu wannin a n daa yeen soo, waa ki tee Juu nirœ na paaki. <sup>29</sup> Li paak, yaa yiinin na, n baar, ki ki yeŋi. Nanne ki n boi-i maa n laan bee teen ki i tun yiinimi.”

<sup>30</sup> Ki Konelius yeto a, “Li daan tee nna yooe dinna daar kut muntaa yenlekir, ki n mei Yennu n njaak ni. Li yoo na ki n la ki soo nna see ki lia tannyinyira n toonn, <sup>31</sup> ki yet a ‘Konelius, Yennu gbat a miaruwa, ki bia tian a ninkpabaun toona po. <sup>32</sup> Li paak, tumin soo Jopa, ki wun saan yiin wunba ki bi yiu Simonn, ki u sanleer tee Piita na. U tee saamœ, ki be gbanfabirtoo Simonn njaak nba kpia nan mokgbenjir na.’ <sup>33</sup> Li paake ki n daan tun a po yiama, ki a mun tun bonjann ki baar na. Ton, ti kura be Yennu toonn, ki ji guu a tin gbat linba ki ti Yomdaano Yennu tura mob a

fan pak turit.”

*Piita mōmaan*

<sup>34</sup> Nanne ki Piita piin paku ki yaa, “N ji bann nan li tee mōniie nan Yennu set ki lukitir sɔɔ, <sup>35</sup> n̄aan nibooru kur ni, daansɔɔ nba jiantirɔ ki bia teenɔ baakir, ki bia tee popeendaanɔ, n̄ɔɔe n̄an nan Yennu. <sup>36</sup> I mi nan Yennu din tur Israel teeb\* u maan nba want barn̄anii na po, a Yiisa Masia nie ki timm nan Yennu maŋ nan leeb; n̄ɔɔ Yiisa Masia-e tee ti kur Yomdaanɔ. <sup>37</sup> I poŋ mi nan Jɔɔnn nba din mɔɔnt u nyunwuru po ki gbenn na, li poorpoe ki Nasaref niro Yiisa din piin ki tuun u toonn Galilii yent ni, ki tan saan tuun Judea yent kur po. <sup>38</sup> I bia poŋ mi bian̄inba ki Yennu nyinn Yiisa maŋ, ki turɔ u Seyeen̄ nan u paŋ, ki u lin tuun toon̄nana, ki bia te binba kur ki Sintaanii teemm baatib na la laafia, kimaan Yennu be nanɔ. <sup>39</sup> Ki ti la toona kur nba ki u tun Juu teeb tingbouŋ ni nan Jerusalem doo ni, ki ti tee u siara damm. Ki bi kpaau dapunpunn paak ki u kpo. <sup>40</sup> Ki daa n̄antaa daar, Yennu fiinɔ kuun ni, ki ti din laatɔ. <sup>41</sup> N̄aan niib kur kaawa din lau. Timm nba ki Yennu gannit a tii tee u siara damm nae din lau, ki bia dii ki nyuu nanɔ, u kuunfiiru maŋ poorpo. <sup>42</sup> Ki u chabit mɔb a tii mɔɔntir Yennu barn̄anii kii teen niib, kii beerib nan ninmɔnn a Yiisa-e tee daanɔ nba ki Yennu nyinn a wuu tee footib nan kpeemm barbuuro. <sup>43</sup> Yiisa nba nae ki Yennu sɔkiniinba kur din piak u po, ki yeen a sɔɔ kur nba teenɔ yada, Yennu saa nyik chab u toonbiit, Yiisa maŋ sann ni na.”

---

\* **10:36** 10.36 Juu teeb sanleere tee Israel teeb.

*Bianjinba ki binba ki tee Juu teeb na gaar Yennu Seyeen*

<sup>44</sup> Piita nba din daa piak na, ki Yennu Seyeen sik koo binba kur gbiin maan man ni. <sup>45</sup> Ki Yiisaweira nba tee Juu teeb ki nyii Jopa ki chian Piita na, ki li teemm bakitnaun nan Yennu nba jii u piinii nba tee u Seyeen, ki tur binba ki tee Juu teeb na mun, <sup>46</sup> kimaan bi gbia ki bi piak maboorganii ki dont Yennu sann. Nanne ki Piita yet a <sup>47</sup> “Niib na gaar Yennu Seyeen nan taa mun din gaar nae, ki soo be nna ki saa tiat a ti daa wuurib Yennu nyunwuru-u?” <sup>48</sup> naan chab a bin wurib; ki bi wurib Yennu nyunwuru Yiisa Masia sann ni. Nanne ki bi goor Piita a wun biar namm nan daa nanlee na.

## 11

*Linba ki Piita wann Yiisaweira nba be Jerusalem*

<sup>1</sup> Li yoo na ki Yiisa toomiinba nan Yiisaweira nba be Judea lokir kur po na gbat a binba ki tee Juu teeb na mun gaar Yennu maama. <sup>2</sup> Li paak, Piita nba din tan doo Jerusalem, ki bisiab nba dukii nan punpotu kpaal talas ki tur Yiisaweira kur na yakii nana, ki beto a <sup>3</sup> “A saan ki saa be binba ki pot naak ni, ki bia di namm gbaa.”

<sup>4</sup> Nanne ki Piita piin li pinpiik, ki kat wannib linba kur tun a, <sup>5</sup> “N daan be Jopa ki mei Yennu-e ki tan la yirintu, ki bonsiar nna naan chinchengbenir ki nyii sanpaapo, ki bi dia li mogbana nanna ki sikint n boor. <sup>6</sup> Ki n doont li nook ni, ki la ti koot booru booru kur,

bonkobit nan bonsusoot nan bonfurinkaa nan bon-yuyukit kura. <sup>7</sup> Nanne ki n gbat ki kunkor yet a 'Piita, fiit, ki kpi nman.' <sup>8</sup> Maa, 'O! O! O! N Yomdaano, nna kaa. N ponj ki mi dii ti koo.' <sup>9</sup> Ki kunkor na bia namm yet Yendounj ni a 'Linba ki Yennu namm ki li yeen, a daa yaa li koo.' <sup>10</sup> Li daan teen nna ki jan taar muntaae, ki bi jiin donn sanpaapo.

<sup>11</sup> "Li tonton na ki Siisarea jab bantaa nba ki bi daan tumm n pej na baar njaak nba ki n be na ni. <sup>12</sup> Nanne ki Yennu Seyeenj betin a n tok namm ki daa yeeni. Ki Yiisaweira nba be Jopa na, bi ni banloob nba be nna na mun chianin ki ti saan Siisarea, ki ti kura baar koo Konelius njaak. <sup>13</sup> Ki u betit bianjinba ki u la malaka baar set u njaak ni ki beto a "Tumin soo Jopa, ki wun saa yiin joo nba ki bi yiu Simonn, ki u sanleer tee Piita na, <sup>14</sup> ki u saa pak maan ki tura ki fin nan a njaateeb kura n la tinnu.'

<sup>15</sup> "Ton, maa piin maan paku yoo nba, ki Yennu Seyeenj sik bi paak, nan waa din sik ti paak li pinpiik bianjinba na. <sup>16</sup> Nanne ki n tiar ti Yomdaano Yiisa nba din yet a 'Joonn narin din wuur niib nan nyume, njaan yimm narin, Yennu Seyeenje saa wuur i para.'\* <sup>17</sup> Ton, li-i tee ki Yennu set pib u Seyeenj man nan waa din pit bianjinba, yoo nba ki ti din teen ti Yomdaano Yiisa Masia yada naie, n tee nmee ki mun sii yaa n tia Yennu ki u daa te boorganu tee u niibi?" <sup>18</sup> Baa din gbat nna man yoo nba, ki bi ji nyik kpayakit na, njaan dont Yennu sann, ki yeen a,

---

\* **11:16** 11.16 Li paake tee "Yennu Seyeenj saa gbee i ni."



“Yennu chab binba ki tee Juu teeb mun a bin nyik biit tumu ki teen Yiisaweira ki la manfoor nba kaa gbennu na.”

*Antiok teeb nba teen Yiisaweira bianjinba*

<sup>19</sup> Tɔn, Stiifenn kpinu poorpoe ki mukisuk baar Yiisaweira paak, ki bi yat; ki bi siab yaat saan Fonisia, nan Saiprus, nan Antiok, ki mɔontir Yiisa maan ki teen Juu teeb kuukoo. <sup>20</sup> Naan ki Yiisaweira siab nba tee Saiprus teeb, nan Sairene teeb na, saan Antiok, ki saa mɔontir ti Yomdaano Yiisa barnanii ki teen binba ki tee Juu teeb na; <sup>21</sup> ki Yennu paŋ be namm, ki niib bonchiann teen Yiisa yada ki lebit bi binbeŋ ki teen u weira.

<sup>22</sup> Ki Yiisaweira nba be Jerusalem na gbat labaar maŋ, ki tun Banabas a wun saan Antiok. <sup>23</sup> Waa din saa baar leŋ ki la Yennu nba turib sommir bianjinba, ki li turo parpeenn bonchiann, ki u chee bi para, ki kpaan bi kur a bi daa nyikit Yiisa weiu. <sup>24</sup> Banabas din tee niŋanɔe, ki mantik gbee nan Yennu Seyeen nan yada, ki niib bonchiann din teen ti Yomdaano Yiisa yada ki waau.

<sup>25</sup> Nanne ki Banabas tan saan Tarsus, a wun saa lon Sool. <sup>26</sup> Waa saa lau yoo nba ki u jen nano Antiok, ki bi jii binmunn ki taant leŋ Yiisaweira nba yab bonchiann, ki wantib Yennu maan. Li din tee Antiok-o ki bi din sint pur Yiisaweira, “Kristo yab.”

<sup>27</sup> Li yoo maŋe ki Yennu sokiniinba siab nyii Jerusalem ki sik Antiok. <sup>28</sup> Bi yeno sann din tee Agabus, ki Yennu Seyeen paŋ ni ki u fiir set ki bunt buntir, ki yet a kon bonchiann tan saa baa

tingbouŋ na kur po; ki kon maŋ din set tan baa yoo nba ki Klodius din tee kpanbara yudaano na. <sup>29</sup> Yoo nba ki Yiisaweira gbat a kon yaa lin baa na, ki bi lor a bi saa tur sommir; a wunba fit nyann bianjinba, wun tur Yiisaweira nba be Judea na. <sup>30</sup> Ki bi teen nna, ki tun Banabas nan Sool nan likirii na, a bin saan tur Yiisaweira saakab, Judea yent ni.

## 12

### *Baa koon Piita dansarik bianjinba*

<sup>1</sup> Li yoo na ki kpanbar Herod din jak Yiisaweira na siab nan mukisuk, <sup>2</sup> ki te ki bi kpil Joonn yoo Jeems nan jukbanjiak. <sup>3</sup> Kpanbar Herod nba bann nan waa tun bianjinba na penn Juu teeb para na, ki u ŋammit tee nna, ki tan soor Piita, yosau nba ki bi mok jaamm ki di boroboro nba kaa datin na. <sup>4</sup> Waa soor Piita yoo nba, ki u koon dansarik, ki tur dansarguura. Bi din tee paabu munnae ki guu-u, ki paabu kur mok guura banna; ki Herod lor a jaamm maŋ poorpoewa ki u saa nyinn Piita, ki Juu teeb n bu u buut ki kpiu. <sup>5</sup> Ki Piita daa be dansarik ni, ŋaan ki Yiisaweira paa Yenmiaru paak ki jiin u po nan ninmonn.

### *Bianjinba ki malaka nyinn Piita dansarik ni*

<sup>6</sup> Ton, Herod din lor nan li-i yent sanyok u saa nyinn Piita ki bu u buut, li daar nyok maŋ ki Piita daa lor nan jarit ŋanlee, ki goont guura banlee na sinsuuk ni, ki guura maŋ siab mun guu dansarik diiuk na tammoi.

<sup>7</sup> Li taakpaak ni ki ti Yomdaano malaka dokit, ki yentu yent dansarik diiuk na ni, ki u nik nik

Piita bopiook ki munto, ki yeto a, “Fiit yian yian.” Ki u fiir. Waa fiir yoo nba, ki jarit na pit u nii ni ki baa. <sup>8</sup> Ki malaka na yeto a, “Lian a tiat, ki pir a taasaat.” Ki Piita teen nna. Ki u bia beto a, “Gbabin a chinchenn kii waa-n.” <sup>9</sup> Ki u gbab ki waa; ki bi nyii dansarik diiuk na ni, njaan Piita din ki bann nan malaka nba tuun linba na tee moniie. U din mi a u laat yirintue. <sup>10</sup> Ki bi din baar gar sinsinn guuro na boor, ki bia tan baar gar loo na boor, ki ji saa baar kutganjoontik na boor. Ki gann man loot li tione ki turib. Ki bi nyii nanyer, ki tokin sonu ki saa, ki malaka na lir bot njaan nyiko. <sup>11</sup> Nanne ki Piita ji yerik, ki yet a, “Motanae ki n ji daa bann nan li set tee moniie nan Yennu-e tun u malaka ki u baar nyinnin kpanbar Herod nuu ni, ki bia nyinnin Juu teeb nba lor a bin tumin bianjinba na ni.”

<sup>12</sup> Waa bann u mon po na, ki u saan Joonn Mak naa Meeri njaak; ki soo niib bonchiann pon tikir lej ki mei Yennu. <sup>13</sup> Ki u kpaa kpaa nanyer po gann, ki sapaantoontunno, wunba sann tee Roda na, baar gann man pen a wun laan nmee, <sup>14</sup> ki ji bann Piita kunkor, ki chiar nmat nan parpeenn niib na ni, njaan ji ki loot gann na, ki yetib a, “Piita be nanyer po.” <sup>15</sup> Ki bi beto a, “Waatuko moka.” Njaan ki u bia nammit lek yeen a u be; ki bi yaa, “Li tee u malakae.” <sup>16</sup> Ki Piita bia lek see ki kpaan gann na; ki bi tan loot gann man ki lau, ki li ji yaar litib. <sup>17</sup> Ki u donn nuu a bin nmin, njaan wannib bianjinba ki ti Yomdaano nyinno dansarik ni. Ki u betib a, “Ii saa man, ki saa bet Jeems nan Yiisaweira leeb linba na po.” Li poorpo ki u nyikib njaan yaat saan siar po.

<sup>18</sup> Nanne ki li yent sanyiok, ki mukir muk dansarguura na, ki li ki tee jeruku, kimaan bi ki mi Piita nba ji be siami. <sup>19</sup> Ki kpanbar Herod tur mɔb a bin lon u boor. Ki bi lomɔ ki ki lau. Ki u boi guura maŋ buboit, ŋaan tur mɔb a bin kpib.

Li poorpo ki kpanbar Herod nyii Judea ki sik Siisarea, ki yann leŋ waan.

### *Ki jün Herod kuun po*

<sup>20</sup> Kpanbar Herod par din biir bonchiann Taya nan Sidonn teeb paak. Bi din tuu laat jeet kpanbar Herod yent nie; li paak, ki bi lakin leeb a bin saan lau. Sinsinn baa baar ki la Blastus, wunba tee kpanbar Herod saakayenɔ na, ki bi marik mɔi ki maŋ nanɔ, ki tan saan kpanbar Herod boor ki saa diiu sindant. <sup>21</sup> Nanne ki kpanbar Herod senn daar, ki tan lia u kpanbar liatgbeŋa, ki nyii kar u naangbouŋ paak, ŋaan pak tur niib na, ki bi wuus a <sup>22</sup> “Nisaarik kunkɔr kaa na. U tee yensaue.” <sup>23</sup> Li taakpaak ni ki ti Yomdaanɔ Yennu malaka te ki yiarbiiuk baa u paak, ki tee gungobii ki mɔɔu ki u kpo, kimaan u din ki tur Yennu dontir maŋi.

<sup>24</sup> Li yoo maŋe ki Yennu maan ŋammit yat kɔɔ niib ni.

<sup>25</sup> Yoo nba ki Banabas nan Soɔl gbenn bi toona nba ki bi saan a bin tun na, ki bi ji jii Joɔnn Mak ki nyii Jerusalem ki ŋmat kun Antiok.

## 13

*Bianŋinba ki Yennu Seyeŋ tun Banabas nan Soɔl*

<sup>1</sup> Yennu sɔkiniinba siab nan wanntesiab din be Yiisaweira na ni Antiok. Njamme din tee Banabas nan Simeonn (wunba ki bi yiu Jabon na), nan Lusius, wunba nyii Sairene na, nan Manaenn (wunba ki bi din lakin wubii ηoo nan kpanbar Herod na), nan Sool. <sup>2</sup> Dasiar ki bi daa be ki jiantir ti Yomdaano ki lor moi, ki Yennu Seyeen tan betib a, “Nyint Banabas nan Sool, ki bin tun toonn nba ki n yiimm a bii tun na.” <sup>3</sup> Ki bi lor moi ki miar Yennu, ki yii nii bi paak njaan te ki bi saan.

### *Saiprus tiη ni labaar*

<sup>4</sup> Yoo nba ki Yennu Seyeen tun Banabas nan Sool a bin saan tun u toonn na, ki bi sik Selusia ki koo naruη, ki saa baar Salamis nba be Saiprus tiη ni na, <sup>5</sup> ki nyii naruη na ni, ki saan Juu teeb Yenjiantu diit ni, ki moontir Yennu maan ki teemm. Ki Joonn Mak tee bi kpaakir ki be namm. <sup>6</sup> Li poorpoe ki bi nyii Salamis, ki gar tiη maη doi kur ni, ki saa baar Pafos. Leηe ki bi din la nyokdaano, ki u sann tee Bajiisus, ki u tee Juu nirɔ nba kpann a u tee Yennu sɔkiniie. <sup>7</sup> U din be Saiprus tiη yudaano boore; ki yudaano maη sann tee Sejius Poolus; u din tee yandaano, ki din yiin Banabas nan Sool a bin tan pak Yennu maan ki wun gbat. <sup>8</sup> Naan ki nyokdaano maη, wunba sann tee Elimas, Griik maan ni na, ki sakibi, ki koor a wun tia yudaano maη ki u daa tee Yiisa yada.

<sup>9</sup> Nanne ki Yennu Seyeen fiir Sool ni, wunba sann bia tee Pool na ni, ki u got nyokdaano na sirrr, <sup>10</sup> ki tan yeto a, “Fin nibiiuk nba gbee nan kpinkpannii na. Fine tee Sintaanii bik, ki bia tee

toonjana kur dataak. Fin narin, yoo kur a jikit Yennu barmonii ki kpintir faake. <sup>11</sup> Ton, Yennu saa sikin nuu a paak ki a joon ki kan la yentu ki lin yann.” Li taakpaak ni, ki wunn nba bon baa u ninbina ni, ki u ji somm turin, ki loon soo n dato.

<sup>12</sup> Ki yudaano na nba la linba teen na, ki u teen Yisaweiro, kimaan linba ki u bann ki jiin ti Yomdaano po na yaar lito bonchiann.

*Antiok nba be Pisidia yent ni na labaar*

<sup>13</sup> Li poorpoe jik ki Pool nan u weinanleeb koo naru, ki nyii Pafos ki saan Pega nba be Pamfilia yent ni na. Leje ki Joonn Mak nyikib njan nmat saan Jerusalem. <sup>14</sup> Ki bi nyii Pega, ki toot baar Antiok nba be Pisidia yent ni na. Ki foon daar ki bi saan koo Yenjiantu diiuk ni ki kar, <sup>15</sup> ki la ki bi karin Moses sennu ni nan Yennu sokiniinba sobu ni. Ki Yenjiantu diiuk man ni saakab yetib a bin yet Pool nan Banabas a, “Ti naa waas, li-i tee ki i mok labanann nbaie ki saa pakiti, yin pak.” <sup>16</sup> Ki Pool fiir set ki donn nuu njan piin paku a:

“Yimm Israel teeb\* nan yimm nba kur be ki jiantir Yennu na, gbiintir man. <sup>17</sup> Timm Israel teeb, Yennu din gann ti yeejamme ki te ki bi yabit bonchiann, yoo nba ki bi daa din tee saamm ki be Ijpt tin ni na; ki njo Yennu jii u pan ki nyinnib lej. <sup>18</sup> Ki baa din be muuk ni binpiinna na, ki u goriib. <sup>19</sup> Li poorpo ki u biir nibooru munlore nba be Keenann tin ni na, njan te ki u moj niib Israel teeb yent tin man. <sup>20</sup> Linba na kur din tun bina kobii nanna nan piinnmu sinsuuk nie.

\* **13:16** 13.16 Juu teeb sanleere tee Israel teeb.

“Yoo nba ki bi din yent tinj manj na, ki u turib yudamm a bii bu bi maan daann nan yoo nba ki Yennu sokinii Samuel tan saa baar. <sup>21</sup> Li poorpo, bi bia din tan boi Yennu a wun turib bat. Nanne ki Yennu gann Sool, a wuu tee bi bat. U din tee Kis bijae, Benjamins booru ni nirɔ, ki dii naan manj bina piinna. <sup>22</sup> Ki Yennu tan liat u naan na, naan dinn Defid a wuu tee bi bat jik. Nnae ki Yennu din pak Defid po a ‘N la nan Defid nba tee Jese bik na mantik gboo n numm, kimaan u saa tun linba kur ki n loona.’

<sup>23</sup> “Joo na yaaboona nie ki Yennu nyinn ti Tinntoo Yiisa, a wun tinn Israel teeb, nan waa din senn mɔsonn bianjinba na. <sup>24</sup> Naan Joonn-e din doŋ baaru ki moontir teen Israel teeb kura a bin nyik biit tumu, ki wun wurib Yennu nyunwuru. <sup>25</sup> U toonn nba ji din tan gbent na, ki u boib a ‘I dukii a n tee nmee? N ki tee Yennu Niganntoo Masia na kaa. Gotir man, ɲooe yaa wun tan baar n poorpo, ki n ki ɲan nan ki n pit u taasaati.’ ”

<sup>26</sup> Nanne ki Pool bia yet a, “N naa waas, yimm nba tee Abraham yaaboona, nan i kur nba be nna ki jiantir Yennu na, maan nba ki Yennu turit ki li want tinnu manj po na tee ti yare. <sup>27</sup> Niib nba be Jerusalem, nan bi yudamm na, din ki mi nan nirɔ nba nae tee Yennu Niganntoo, ki bia ki bann Yennu sokiniinba maan nba ki bi tuu karin foon daar kur na paaki; naan baa din pak biirɔ na, bi din gbeen Yennu sokiniinba maan manja. <sup>28</sup> Bi din ki la u biit nba tee linba nan bin kpiu, naan lek bia yaa Pailat n kpiu. <sup>29</sup> Baa din tun Yiisa linba kur ki gbenn, nan Yennu gbouŋ nba want bianjinba na, ki bi kpaato dapunpunna na

paak, ki sikino ki piuu kaauk ni; <sup>30</sup> ɲaan ki Yennu fiino kuun ni. <sup>31</sup> Ki binba din tok nanao ki nyii Galilii ki lin tee-e ki tan baar Jerusalem na, ji din laato daa bonchiann, waa din fiir na. Li paak ki bi ji tee u siara damm motana, ki teen niib.

<sup>32-33</sup> “Nanne te ki ti baar i penj a tin wannu Yennu barnanii na. Ton, Yennu nba din senn ti yeejamm mɔsonn na, u gbeen tur timm nba tee bi yaaboona nawa, kimaan waa din fiin Yiisa kuun ni na. Nnae ki li sob Yennu gbouj ni, yanii nba pukin munlee na ni, a ɲoo Yennu yeto a:

‘Fine tee n Bija,

ki dinnae ki n teen a Baa.’

<sup>34</sup> Ki bia jenna, Yennu din yet a u saa fiin Yiisa kuun ni, ki u ji daa mi kpenni, ɲaan yeto a:

‘Mɔsona nba ki n moɲ moɲ din senn Defid na, see ki n set tur fin nba tee u yaaboonn na.’

<sup>35</sup> Ki bia jenna, gbouj na siarpo, Defid din yet Yennu a:

‘A kan sak ki a Popeendaano gbanant n bat kaauk ni.’

<sup>36</sup> Ton, Defid din tun linba ki Yennu wanno ki gbenn; li poorpoe ki u kpo, ki bi piuu, u yeejamm kaauk ni, ki u gbanant bat. <sup>37</sup> ɲaan Yennu din fiin Yiisa kuun niwa, ki ɲoo yaa gbanant ki bati.

<sup>38-39</sup> “N naa waas, li paak, i kura n bann nan li set tee barmɔniie ki n beeri, li-i tee ki i teen Yiisa yada, u paake ki Yennu saa nyik chab i biit. N beerie nan daano nba kur teen Yiisa yada, ɲoo wur nyii biit niwa; ɲaan Moses sennu na ɲarin, niro kan fit wur nyi biit ni.



<sup>40</sup> “Li paak, soot i moŋ man, ki daa te ki Yennu sokiniinba nba din yet linba na n diini. Nnae ki Yennu din yet a:

<sup>41</sup> ‘Gotir man, yimm garuk damm na, ŋaant ki lin bakiti; toona nba ki n tuun i yoo na, soo-i lekii beti li po nyik nyik gbaa, li tee linba ki i kan mi teen yadae. Li paak, see ki i kpo.’ ”

<sup>42</sup> Baa gbenn lakinu yoo nba, ki Pool nan Banabas nyii Yenjiantu diiuk na ni, ki niib na barimm a bin teen paaru ki daan jen foon daar nba baat na, ki tan wannib labaar man ki pukin.

<sup>43</sup> Boorganu bonchiann nba din lebit bi jiantu ki waa Juu teeb jiantu na, nan Juu teeb bonchiann ji din waa Pool nan Banabas. Ki bi piak namm ki kpaamm a, “Ii kpanjii dia nna man, kii waa Yennu ki yabir la Yennu ninbatinu.” <sup>44</sup> Ki foon daleer nba baar, li din biar waaminnae nan doo na ni soo kur n baar ki gbat Yennu maan.

<sup>45</sup> Juu teeb nba din la nibur tikir na, ki bi fiin punponn, ki piak biir Pool wannu, ki bia sukii.

<sup>46</sup> Naan ki Pool nan Banabas lek bia yeen nan parcheenn a, “Li daan kpaa talase ki ti sint pak Yennu maan ki tur yimm Juu teeb. Naan yaa yet maan man, ki bia dukin nan i ki nan nan yin la manfoor nba kaa gbennu na, li paake te ki ti nyikiti, naan saa binba ki tee Juu teeb na boor; <sup>47</sup> kimaan Yennu turit mob, nan laa sob u gboun ni ki yet Yiisa Masia a:

‘Mine ganna a fii tee yentu, kii yentir kii teen binba ki tee Juu teeb,

kii bia kii baat nan tinnu kii teen tingbounj na teeb kur.' "

<sup>48</sup> Tɔn, binba ki tee Juu teeb man nba din gbat nna, ki bi ji mɔk parpeenn, ki piak dont Yennu maan. Ki binba ki Yennu gannib a bin la manfoor nba kaa gbennu na teen Yiisa Masia yada.

<sup>49</sup> Ki Yennu maan man jat tinj na lokir kur po. <sup>50</sup> Li yoo na ki Juu teeb na fiin Antiok yudamm, nan poojaana nba tee yentinna wutoa, ki bi jak Pɔɔl nan Banabas mukisuk, ki ber nyinnib bi yent ni. <sup>51</sup> Ki toomiinba na ji yet a, "Ti nii nan ti taae na,"† njan yaat saan Ikonium. <sup>52</sup> Ki Yiisaweira nba biar Antiok na gbee nan Yennu Seyeenj nan parpeenn.

## 14

### *Ikonium doo ni labaar*

<sup>1</sup> Pɔɔl nan Banabas nba din baar Ikonium, ki bi saan Juu teeb Yenjiantu diiuk ni, ki mɔontir Yiisa barnanii, li paak ki nibur teen Yiisa yada; bi siab din tee Juu teeb, ki siab mun tee Griik teeb. <sup>2</sup> Njan ki Juu teeb nba tee kangbata na biir Yiisaweira na sann, ki fiin boorganu na wutoa. <sup>3</sup> Ki toomiinba man ji jii yoo bonchiann ki be lenj, ki njammit piak nan parcheenn ki jiin ti Yomdaano Yiisa po, ki u turib panj a bii tuun bakitnauj toona, ki li want nan baa piak u ninbatinu po na, li maan set nyii u boore. <sup>4</sup> Ki doo na niib bokit, ki siab see Juu teeb nba tee kangbata na poor, ki leeb na mun see toomiinba na poor. <sup>5</sup> Njanne ki Juu teeb na siab, nan

---

† **13:51** 13.51 Bi maan ni tee "Bi njak bi taapant ni tant."

boorganu na siab, nan bi doo man yudamm lakin leeb, ki lor a bin dinn toomiinba na biak ki jaatib tana kpib. <sup>6</sup> Toomiinba na nba ji tan bann nan bi yaa bin jaatibe na, ki bi chiar saan Listra nan Debe, nan digbanbis nba be Likaonia yent ni.

*Listra nan Debe doi ni labaar*

<sup>7</sup> Baa din saa baar lej yoo nba, ki bi mɔontir Yiisa barnanii na. <sup>8</sup> Ki jasoo nna be Listra ki tee wabik. Bi din maro ki u tee wabike, ki ki mi sommi. <sup>9</sup> Ki u tan gbat Pɔol mɔontii na. Ki Pɔol goto sirrr, ki tan bann nan u mok yada nba saa la laafiawa. <sup>10</sup> Ki u yeto sanpaapowa a, “Fiit ki set a taa paak.” Ki u tab naat ki fiir ki ji somm.

<sup>11</sup> Niib na nba din la Pɔol nba tun linba man na, ki bi ji piin yeen sanpaapowa bi maan ni a, “Ti yenniie kpant nisaarii ki sik ti boor.” <sup>12</sup> Ki bi taan pur Banabas a Seus, ki Pɔol mun, ki bi puro Hemes, kimaan ɲooe din tee barpakiro. <sup>13</sup> Ki bi yennu nba ki bi yiu Seus na poochianfeek din see doo na tɔonn poe, ki u manntoo baar nan naajai nan tipuut, doo na tammob ni, ki ɲoo nan nibur na loon a bin mann mannu ki tur toomiinba man.

<sup>14</sup> Ki toomiinba man, Banabas nan Pɔol nba gbat baa yaa bin tun bianjinba na, ki bi para biir, ki bi pat pat bi liata, ki chiar koo nibur na ni, ɲaan yikin a, <sup>15</sup> “Bee ki i tuun nna? Ti mun tee nisaariie nan yimm na, ki mɔontir Yiisa barnanii, a tin ɲmanti ki yin nyik bon-yana man, ɲaan kii waa manfodaano Yennu, wunba nan sanpaak nan tin nan mokgbera nan linba kur be li ni. <sup>16</sup> Yaayoo niewa ki u din ɲaan nibooru kur

tuun bi yamani mǝkmǝk nan mǝtana, <sup>17</sup> ɲaan yoo kur u tuun bonɲana, ki li set want nan u be; ki u te ki saak nyi sanpaapo ki baa ki teeni, ki bia teeni dii dijaan-yoo, ki gboonti jeet, ki i laat parpeenn.” <sup>18</sup> Toomiinba na nba pak nna maɲ, ɲaan bi lek din la faraewa ki tan gǝɔr nibur maɲ a bi daa mann mannu ki teemmi.

<sup>19</sup> Li poorpoe ki Juu tesiab nyii Antiok nba be Pisidia yent ni, nan Ikonium doo ni, ki baar ki pak tunn nibur na yan a bin biir Banabas nan Pǝɔl. ɲanne ki nibur na jaat Pǝɔl tana, ki ji fuuro nyinn doo na ni, kimaan bi mi a u kpoe. <sup>20</sup> Ki Yiisaweira baar ki set lintǝ; ki u tan fiir, ki ɲamm nan ɲǝɔ ɲmat doo na ni biak.

*Biaɲinba ki bi ɲmat jen Antiok nba be Siria yent ni*

Ki li yent sanyiǝk, ki Pǝɔl nan Banabas saan Debe ki saa mǝɔnt Yiisa barɲanii na leɲ, <sup>21</sup> ki dak niib bonchiann, ki bi teen Yiisaweira. ɲaan ki bi ɲmat saan Listra nan Ikonium nan Antiok nba be Pisidia yent ni na, <sup>22</sup> ki ɲammit want Yiisaweira u maan, ki cheen bi para doi maɲ ni, ki beerib a, “Ti kpaɲii dia i yada maɲ nna man,” ki wantib a, “Nan tin tan kǝɔ Yennu naan ni na, see ki ti dii biak bonchiann.” <sup>23</sup> Ki doi kur ni, ki bi tuu gann Yiisaweira saakab, ki mei Yennu ki lorin mǝi, ki jikit Yiisaweira nan bi saakab na ki kubintib bi Yomdaano Yiisa nuu ni, wunba ki bi poɲ teeno yada na.

<sup>24</sup> Baa din gar Pisidia digbanbis na poorpoe ki bi baar Pega nba be Pamfilia yent ni na, <sup>25</sup> ki pak Yiisa maan leɲ ki fit lian sik Atalia. <sup>26</sup> Leɲe ki bi

din koo ɲaruɲ, ki ɲmat saan Antiok nba be Siria yent ni na, ɲaan soo leɲ ki Yiisaweira poɲ teemm Yennu nuu niwa, a wun sommib bi toonn ni. Ki mɔtana bi tun toonn maɲ ki gbenna.

<sup>27</sup> Bi baaru Antiok maɲ nie, ki bi tikir Yii-saweira na, ki tan betib linba kur ki Yennu tun namm, nan waa loot sɔnu bianɲinba ki tur binba ki tee Juu teeb a bin teen Yiisa yada kii waa.

<sup>28</sup> ɲaan ki bi ji din biar leɲ ki yukir bonchiann nan Yiisaweira maɲ.

## 15

### *Toomiinba na nan Yiisaweira saakab lakinu labaar*

<sup>1</sup> Li yoo na ki jasiab nna nyii Judea ki sik Antiok, ki want Yiisaweira na a, “Li kpaa talase ki i pot i puna, nan Moses sennu nba wann bianɲinba na. ɲann-i kaa, i kan la tinnu.” <sup>2</sup> Ki Pɔɔl nan Banabas nan ɲamm noi nan leeb nan ninmɔnn, ki Yiisaweira na tan lor ki nyinn Pɔɔl nan Banabas nan bi ni siab, a bin saan Jerusalem, ki saa la toomiinba nan Yiisaweira saakab na, maan maɲ po.

<sup>3</sup> Tɔn, ki Yiisaweira na turib sɔnu, ki bi saa ki gaar Fonisia nan Samaria yentnba po, ki bet Yiisaweira nba be leɲ na, a binba ki tee Juu teeb na siab lebit bi binbeɲ ki teen Yiisaweirawa. Ki labaar maɲ turib parpeenn ki li saa yakir.

<sup>4</sup> Baa baar Jerusalem yoo nba, ki Yiisaweira nan bi saakab nan toomiinba na gaarib saauɲ. ɲanne ki Pɔɔl nan Banabas betib linba kur ki Yennu te ki bi tun. <sup>5</sup> ɲaan ki Yiisaweira na siab nba tee Farisiinba na fiir set, ki yet a, “Li kpaa

talase ki boorganu na n pot bi puna, ki bia dia Moses sennu na.”

<sup>6</sup> Li paak ki toomiinba nan saakab na lakin leeb, a bin dukin maan man po. <sup>7</sup> Nanne ki bi din pak yukir nan leeb, ki Piita tan fiir ki yet a, “N naa waas, i mi nan yoo nba gar, Yennu din gannin a n wann Yiisa barnanii na ki tur boorganue, ki bin fit lian gbat ki teen Yiisa yada. <sup>8</sup> Yennu nba mi nisaarik par ni na, ηooe tur boorganu u Seyeen, nan waa kpan din turit na, ki li wann nan boorganu nba teen yada nae ki u gaarib. <sup>9</sup> U ki mək lukitimi, kimaan baa teen Yiisa yada na paak, ki u nyik bi biit ki chabib, nan waa din nyik chab timm na. <sup>10</sup> Li paak, bee ki i loon ki i bikin Yennu? Bee ki i loon ki i te ki boorganu nba tee Yiisaweira na n dia sennu nba ki timm nan ti yeejamm gbaa din ki fit dia na. <sup>11</sup> Ti daa tee nna. Timm nan ηamm jame; ti kur teen ti Yomdaano Yiisa yada ki la tinnu, u ninbatinu paake.”

<sup>12</sup> Nanne ki Yiisaweira na kur ηmin, ηaan ji gbiin Banabas nan Pool. Ki bi beerib bakitnaun toona nba ki Yennu din te ki bi tun ki tur boorganu na.

<sup>13</sup> Baa betib gbenn yoo nba, ki Jeems yetib a, “N naa waas, gbiintir man, <sup>14</sup> Simonn betit bianinba ki Yennu sint tin boorganu ninbaauk, ki nyinn bi siab a bii tee u mon yab. <sup>15</sup> Ki Yennu sokiniinba mōmaan mun bia pak nae, kimaan li sob Yennu gboun ni a:

<sup>16</sup> ‘Li poorpo min Yennu saa jen,  
ηaan Defid yaaboona nba lek ki dia u naan na,

see ki n dinn u yaaboonyenɔ, ki ɲamm naan maɲ,

<sup>17</sup> li paak, niib kur nba be tingboun na ni ki ki tee Israel teebi, ɲaan ki n gannib a bin nakin min nba tee bi Yomdaanɔ.

<sup>18</sup> Nnae ki Yennu, wunba te ki bi bann linba na yaayoo niwa na din yet.' "

<sup>19</sup> Ki Jeems bia yet pukin a, "Li tee n dudukite nan ti daa jikit linba paar ki teen boorganu nba lebit ki waa Yennu sonu na. <sup>20</sup> Laa sii tee bianjinba, li ɲan ki tin sob gbouno, ki betib ki bi daa di linba ki bi mann pata, kii so bi moɲ nan bonchonchontoona, nan joonbaanu, ki daa ɲman bonkobuk nba ki bi ɲmakir kpil,\* ki bia daa di somi. <sup>21</sup> Moses sennu na ɲarin, binba moontir sennu maɲ poɲ bee doo kur ni yaayoo niwa ki tan tuu dinna, ki bi karin u sennu maɲ, Yenjiantu diit ni, foon daar kur."

*Baa sob gboun ki tur binba ki tee Juu teeb na bianjinba*

<sup>22</sup> Nanne toomiinba maɲ, nan saakab na, nan Yiisaweira na kura lor, ki nyinn siab bi ni, a bin tun ɲamm nan Pɔɔl nan Banabas ki bin saan Antiok. Namme din tee Judas, wunba sann tee Basabas na, nan Sailas. Bi jab banlee maɲ din tee Yiisaweira toondamm na yemme.

<sup>23</sup> Ki bi din yaa bin tumm nan gboun, ki sob a:

"Timm Yiisa toomiinba nan Yiisaweira saakab sobin gboun na, ki foont yimm ti naa

---

\* **15:20** 15.20 Kimaan u son ki nyii.

waas nba ki tee Juu teeb ki be Antiok nan Siria nan Silisia na. <sup>24</sup> Ti gbat a ti siab baar i peŋ, ki piaki barsai ki li damii-i ki ŋmat i yan, ŋaan ti ki tummi, <sup>25</sup> li paake te ki ti taan leeb ki soor ki gann Judas nan Sailas, ki tuumm i boor, ki ŋamm nan ti naa walonkai Pool nan Banabas-e saa tok baar, <sup>26</sup> binba likin bi saanmanii ti Yomdaano Yiisa Masia toona paak na. <sup>27</sup> Judas nan Sailas maŋ bia saa beti linba ki ti sobin na. <sup>28</sup> Yennu Seyeen nan timm kure sak nan li ŋan ki ti te ki i dia sennu nba kpaa talase, ŋaan daa pukii linba paari. <sup>29</sup> Yaa sii tuun linba mane na: I daa di jeet nba ki bi mann pata. I bia daa di somi. Ii biaki mi ki i ŋman bonkobuk nba ki bi ŋmakir kpai, ki bia soor i moŋ nan bonchonchontoona nan joonbaanu. Li-i tee ki i dia i moŋ nna, li sii ŋan i po. Li kure na.”

<sup>30</sup> Ŋanne ki bi tumm, ki bi sik Antiok, ki saa lakin Yiisaweira na kur, ki turib gbouŋ na. <sup>31</sup> Niib na nba karin gbouŋ maŋ yoo nba, ki bi la parpeenn bi kpaanii maŋ paak. <sup>32</sup> Ki Judas nan Sailas nba tee sokiniinba na yukir namm ki betib Yennu maan bonchiann, ki cheen Yiisaweira maŋ para ki totib. <sup>33</sup> Bi yukiru maŋ poorpoe ki Yiisaweira na chabib, ŋaan yetib a, “Yennu n turi taanann.” Ki bi ŋmat kun binba tumm na boor. (( <sup>34</sup> Ŋaan ki li maŋ Sailas ki u biar Antiok.))

<sup>35</sup> Pool nan Banabas mun bia din yukir Antiok-a. Ki ŋamm nan leeb bonchiann moontir ti Yomdaano maan ki teen niib ki bia wantib li paak.



### *Bianjinba ki Pɔɔl nan Banabas bokit leeb*

<sup>36</sup> Li din yann waame ki Pɔɔl yet Banabas a, “N̄aant ki tin ŋmat gon ti naa waas nba be digbana nba kur ki ti din saan ki saa mɔɔnt ti Yomdaano maan na, ki laan baa be bianjinba.”

<sup>37</sup> Ki Banabas loon bin jii Joonn Mak, <sup>38</sup> ŋaan ki Pɔɔl ki sak bin jiiu, kimaan u din tan ki joont namm bi toona na ni, ki nyikib Pamflia, ŋaan ŋmat kun. <sup>39</sup> Ki moniok fiir Pɔɔl nan Banabas sinsuuk ni, ki bi bokit leeb. Ki Banabas jii Mak, ki bi koo ŋarun ki saan Saiprus. <sup>40</sup> Ki Pɔɔl mun gann Sailas, Yiisaweira na ni. Ki Yiisaweira na jiiib ki kubimm Yennu nuu ni, a wun sommib.

<sup>41</sup> Ki bi din saan, ki saa gar Siria nan Silisia yentnba po. Ki Pɔɔl piak ki cheen Yiisaweira para doi na ni.

## 16

### *Ki jiiin Timoti po*

<sup>1</sup> Li poorpoe ki Pɔɔl nan Sailas tan baar Debe nan Listra, ki la Yiisaweitɔɔɔ, ki u sann tee Timoti, ki u be leŋ. U naa din tee Juu nirɔ nba tee Yiisaweirɔe, ŋaan ki u baa tee Griik nirɔ.

<sup>2</sup> Yiisaweira kur nba din be Listra nan Ikonium na din pak Timoti po bonŋann. <sup>3</sup> Pɔɔl din loon wun jiiu ki bii saa sonii. N̄aan Juu teeb nba din be digbann na ni yakir kur din mi nan Timoti baa tee Griik\* nirɔe. Li paak ki Pɔɔl pot Timoti punn. <sup>4</sup> Ki bi din saa doi ni, ki teen Yiisaweira na sennu nba ki Yiisa toomiinba na nan saakab din senn Jerusalem na. <sup>5</sup> Ki linba na chee Yiisaweira

---

\* **16:3** 16.3 Griik teeb ki porii bi waas puna.

maŋ para u sɔnu ni. Ki niib bia tee yada ki pukii Yiisaweira po daar kur.

### *Bianjinba ki Pɔɔl la yirintu*

<sup>6</sup> Ki bi gar saan Frijia nan Galasia yentnba ni, ki loon bin saan Asia yent ni, ŋaan Yennu Seyeen din ki sak bin pak Yiisa maan Asia yent ni. <sup>7</sup> Baa din tan baar Misia kpaar paak, ki bi koor a bin saan Bitinia yent ni, ŋaan ki Yiisa Seyeen ki sak bin saani. <sup>8</sup> Ŋanne ki bi gar Misia, ki sik Trowas. <sup>9</sup> Leŋe ki Pɔɔl la yirintu ni nyiok, ki Masedonia nirɔ baar see ki barimɔ a, “Pootir mɔkɔbenjir na ki baar Masedonia na, ki tan sommit.”

<sup>10</sup> Pɔɔl nba la yirintu maŋ na, li taakpaak ni ki ti teen siir a tin saan Masedonia, kimaan ti ji din la nan Yennu-e betit a tin saan kii sakii mɔontir Yiisa barnanii kii teen leŋ niib na.

### *Bianjinba ki Lidia teen Yiisaweirɔ*

<sup>11</sup> Ŋanne ki ti bia kɔɔ ŋaruŋ, ki nyii Trowas, ki tokin baar Samotras, ki li yent ki ti baar Neapolis. Leŋe ki ti nyik ŋaruŋ na, <sup>12</sup> ŋaan gar baar Filipi, doo nba tee digbansaakar Masedonia yent ni na. Doo maŋ din tee Rom teeb yente. Ti din be doo maŋ ni ki li mann daa ŋanŋawa. <sup>13</sup> Ki foon daar ki ti nyii sik doo maŋ kpenu ni. Ti din mi a Juu teeb Yenmiaru boor tee leŋe, ki ti baar kar ki pak nan poob nba tikir leŋ na. <sup>14</sup> Poob nba gbat ti maan maŋ, bi yenɔ sann din tee Lidia. U din nyii Tiataira-e, ki tee chinchenmɔnt nba ki li daauk paar na kɔitɔɔ, ki bia tee wunba jiantir Yennu. Ki Yennu loot u par ki u sak maan nba ki Pɔɔl pak na. <sup>15</sup> Ki ti din wur ŋɔɔ nan u ŋaateeb Yennu nyunwuru. U din gɔɔrit, ki yet a, “Li-i tee ki i mi

nan n set teen ti Yomdaano yada nan barmoniie, yin baar kii be n njaak ni." Ki ti baar be.

*Baa koon Pool nan Sailas dansarik bianjinba*

<sup>16</sup> Dasiar ki ti tan nmat saan Yenmiarboor, ki sapaandaabir nna mok u yomdamm, ki tan chetit. Narinbiiuk din be u ni ki yento, ki teeno ninnyoontoo. U ninnyoonsin man ni, ki u laat likirii bonchiann ki teen u yomdamm man. <sup>17</sup> Ki u waa timm nan Pool poor ki tian sanpaapowa a, "Niib na tee Yabint Yennu daabae. Bi moontir ki teen yimm doo na teeb bianjinba ki i saa la tinnue." <sup>18</sup> U din tian nna ki li mann daa njanjawa. Nanne ki Pool ji tan miat nan u yikini man, ki jiant bet narinbiiuk nba be u ni na a, "Yiisa Masia sann ni, n tura mob, nyimin u ni." Li taakpaak ni ki narinbiiuk na nyii u ni.

<sup>19</sup> U yomdamm na nba bann nan bi lik-kpaan sonu gbenne na, ki bi soor Pool nan Sailas, ki dat baar namm bi yudamm linlakin boor. <sup>20</sup> Baa baar namm Rom teeb barbuura boor yoo nba, ki bi yet a, "Niib na tee Juu teebe, ki baat nan daamii bonchiann ti doo paak, <sup>21</sup> ki wantit bi kasia nba ki ti sennu ki chab a tin gaari, kimaan ti tee Rom teebe."

<sup>22</sup> Nanne ki nibur nba be lej na mun lek Pool nan Sailas. Ki barbuura na te ki bi liat Pool nan Sailas liata, nnaan boob lanbann. <sup>23</sup> Baa boob bonchiann ki gbenn yoo nba, ki bi ji saan koomm dansarik, nnaan bet dansarguuro na a wun kparib kenkema. <sup>24</sup> Waa gbat bi mob man, ki u mun jiiib ki koomm dansarik diiuk man ni piba, ki baamm daat baana.

<sup>25</sup> Laa din tan baar tansuunii, ki Pɔɔl nan Sailas mei Yennu ki yiin yanii ki piako, ki dansarkooleeb na ji gbiin. <sup>26</sup> Li taakpaak ni ki tinj jek bonchiann ki nak dansarik na fiakir, ki tammɔi loot, ki jarit nan baana na yabit yommii na kur nii nan bi taa ni, ki baa baa. <sup>27</sup> Li yoo na ki dansarguuro na fiir goon ni, ki la yommii diit tammɔi na loot yaa yaa, ki u mi a yommii man kur nyiie, ki u noot u jukbanjiak a wun kpi u moŋ. <sup>28</sup> Ki Pɔɔl tian sanpaapowa a, “Daa tee a moŋ danj, kimaan ti kur be.”

<sup>29</sup> Nanne ki guuro na yaa bin turo muu, naan faar koo yommii diiuk man ni, ki gbaan ki jekir Pɔɔl nan Sailas toonn, <sup>30</sup> ki tan fiir nyinnib, naan boib a, “Chanbaanba, n saa teen nlee ki la tinnu?” <sup>31</sup> Ki bi jiin a, “Teent ti Yomdaano Yiisa yada, ki a naateeb n mun teeno yada, ki i saa la tinnu,” <sup>32</sup> naan pak ti Yomdaano barjanii na ki tur noo nan u naateeb kura.

<sup>33</sup> Li nyiok na, ki u jiib ki wuur bi fiat na. Li poorpoe ki bi wur noo nan u naateeb na kur Yennu nyunwuru. <sup>34</sup> Ki u bia jii Pɔɔl nan Sailas ki koo namm u naak ni, ki saa turib jeet ki bi dii. Noo nan u naateeb ji mok parpeenn ki li saa yakir, kimaan baa teen Yennu yada ki kpint teen Yisaweira na paak.

<sup>35</sup> Li din yent sanyioko, ki Rom teeb barbuura na tun lanjimanba dansarguuro na boor a bin yeto a, “Naaan jab man ki bii saa.” <sup>36</sup> Ki dansarguuro na bet Pɔɔl a, “Barbuura na tun lanjimanba a n te ki fin nan Sailas n nyi. Li paak, ii nyi man kii saa nan laafia.” <sup>37</sup> Ki Pɔɔl jiant bet

lanjimanba na a, “Bi daa ki bu ti buuti, ŋaan won boot lanbann niwor ni, ŋaan ki ti lek tee binba ki Rom teeb chabit<sup>†</sup> bi yaak nae, ki i barbuura bia won jii ki lut dansarik ni, ki motana ki bi ji loon bin bɔr ŋaati-i? Waa! Nann kan teeni. Naant barbuura maŋ n baar bi mɔŋ ki tan nyinnit.”  
<sup>38</sup> Ki lanjimanba na ŋmat ki saa bet barbuura maŋ Pɔɔl nba pak linba.

Barbuura maŋ nba ji bann nan Pɔɔl nan Sailas tee binba ki Rom teeb chabib bi yaake na, ki janmaanii soorib. <sup>39</sup> Li paak, ki bi baar Pɔɔl nan Sailas peŋ, ki tan teemm gafara, ŋaan nyinnib dansarik na ni, ki barimm a bin lek nyi bi doo ni. <sup>40</sup> Ki Pɔɔl nan Sailas seet leŋ, ki saan kɔɔ Lidia ŋaak. Ki Yiisaweira tan baar; ki bi pak Yiisa maan ki chee bi para, ŋaan yaat.

## 17

### *Tesalonika doo ni labaar*

<sup>1</sup> Tɔn, ki Pɔɔl nan Sailas ji gar Amfipolis nan Apolonia, ki baar Tesalonika. Leŋe ki Juu teeb jiantu diiuk din be. <sup>2</sup> Ki Pɔɔl tan saan kɔɔ leŋ nan waa tuu kɔɔ bianjinba na. U din jii foon daa ŋantaae ki kɔɔ leŋ, ki fiitir Yennu gbouŋ, <sup>3</sup> ki want binba be leŋ na, ki karin Yennu gbouŋ ni, a li wann nan li kpaa talase ki Yennu Niganntɔɔ Masia na dii biak ki kpo ki bia tan fiir kuun ni, a “Yiisa maŋ nae ki n piaki u po, ŋɔɔe tee Yennu Niganntɔɔ Masia maŋ.” <sup>4</sup> Ki u din tan pak tunn bi siab yan, ki bi ji baar taan ŋɔɔ Pɔɔl nan Sailas.

---

<sup>†</sup> **16:37** 16.37 Rom teeb-i chab nirɔ yaak, bi sennu ki sak ki sɔɔ n dat u tubir, ŋaan ki bi daa ki bu u buuti.

Ki Griik teeb bonchiann nba jiantir Yennu na, nan poojaana bonchiann mun pukin bi po ki waa Pɔɔl nan Sailas maŋ.

<sup>5</sup> Juu teeb nba din la nna yoo nba, ki bi jii punponn, ki lin tikir niyoona ki taamm, ki te ki bi muk doo na, ki tan baar lek Jasonn ŋaak, ki loon Pɔɔl nan Sailas, a bin nyinnib ki baar namm niib na boor. <sup>6</sup> Baa ki lab yoo nba, ki bi soor Jasonn nan Yiisaweitesiab, ki dat baar namm doo na yudamm boor, ki tian a, “Niib na lin labii tingbouŋ na ki te ki mukir muk niib, ki mɔtana ki bi ji tan baar ti doo na, <sup>7</sup> ki Jasonn gaarib u ŋaak ni, ki bi lin want niib barsaanii ki biir kpanbar Siisa sennu, ki yaa kpanbarlɔɔ mun be, ki bi yiu Yiisa.” <sup>8</sup> Baa yet nna yoo nba, ki li daan nibur na nan yudamm na para bonchiann. <sup>9</sup> Ki yudamm na te ki Jasonn-nba pa likirii ŋaan ki bi ŋaab.

### *Berea doo ni labaar*

<sup>10</sup> Nyiok nba tan bonn yoo nba, ki Yiisaweira na chab Pɔɔl nan Sailas, ki bi saan Berea, ki saa kɔɔ Juu teeb jiantu diiuk ni. <sup>11</sup> Leŋ niib yan din kɔɔ Yiisa maan maŋ ni ki gar Tesalonika teeba, ki bi sak maan na nan bi para kur, ki daa kur ki bi karin Yennu gbouŋ, ki gorii, a bin laan Pɔɔl nba piak linba maŋ set tee monii koo nlee. <sup>12</sup> Nanne ki bi bonchiann teen yada ki lebit ki teen Yiisaweira. Ki Griik jab nan poojaana bonchiann mun teen yada ki lebit ki teen Yiisaweira.

<sup>13</sup> Nnaan Juu teeb nba be Tesalonika na nba gbat a Pɔɔl bia mɔontir Yennu maan Berea na, ki bi baar leŋ ki pak biir Pɔɔl, ki fiin nibur na wutoa, a bin kpiro. <sup>14</sup> Li taakpaak ni ki Yiisaweira na

chab Pɔɔl nan binba chiantɔ na, ki bi nyii tɔkin sonu ki baar mɔkɔgbenjir na ni, ŋaan ki Sailas nan Timoti ŋarin biar Berea.

*Atens doo ni labaar*

<sup>15</sup> Niib nba din chiant Pɔɔl na din baar nanaɔ Atens-ewa, ki tan yaa bin ŋmat kun, ki Pɔɔl betib a bin saa bet Sailas nan Timoti ki bin yabir ki baar yian na. Ki niib na ji din ŋmat kun Berea.

<sup>16</sup> Pɔɔl nba din daa be Atens ki guu Sailas nan Timoti na, ki u la tingbana gbee doo maŋ ni, ki li biir u par bonchiann. <sup>17</sup> Ki u tuu kɔɔ Yenjiantu diiuk ni, ki faa labaar nan Juu teeb nan boorganu nba jiantir Yennu na, ki bia tuu saan bi linlakin boor daa kur, ki faa labaar nan binba baat leŋ na ki jiin Yiisa barŋanii na po. <sup>18</sup> Ki saakayandaansiab nna din be, ki bi yi bi yemm Epikurus teeb, ki yi leeb mun Stoik teeb, ki bi mun tan baar ki mɔk mɔniɔk nan Pɔɔl. Ki bi siab tan pak nan bi leeb a, “Barifofouok daana nba want u mɔŋ na mun yeen bee na?” Ki bi yemm jiin a, “Li taan tee nan u piak digbangana yennii poe na.” Bi din yet nna maŋ, kimaan Pɔɔl mɔontir Yiisa nan u kuunfiiru poe.

<sup>19</sup> Nanne ki bi jii Pɔɔl ki baar nanaɔ bi saakab tintaankaanu boor nba ki bi yi Areos Kunkonn na, ki yet Pɔɔl a, “Ti sii loon tin bann barsaann nba ki a want na, <sup>20</sup> kimaan a piak baryena, ki li tee barsaaniie ti peŋ, ki ti loon tin bann li paak.” <sup>21</sup> (Atens niib kur nan binba nyii tinganii ki baar be na, din tuu jii bi yoee ki faa labaar, ki bia gbiintir barsaani nba yɔont baar na.)

<sup>22</sup> Tɔn, ki Pɔɔl fiir bi tintaankaanu maŋ ni, ki set bi tɔonn, ki yetib a, “Atens teeb, n la nan i

benu kur ni, i loon jiantu bonchiann; <sup>23</sup> kimaan maa kak lin i doo na, n got i tingbana, ki bia la jiantu binbintir ki li sob li paak a 'Yennu nba ki ti ki miu na.' N loon ki n wannu Yennu nba ki i pukiio njaan ki miu nae. <sup>24</sup> Yennu mane din nan durinya nan bont kur nba be li ni. Njoo tee sanpaak nan tinj Yomdaano; u ki be poochianfei ni kaa. <sup>25</sup> Nisaarik kan fit tun siar nan u nuu ki turo ki lin pukiio siari, kimaan njoo tee daano nba teen nisaarii kur manfoa nan bona kur. <sup>26</sup> Njoo te ki nibooru kur nyii yeeja yenokoo ni, ki bia te ki bi be tingbouŋ na kur po, ki u moŋ moŋ senn yoo nba ki nibooru kur sii be, ki bia teen bi binbeboa terii. <sup>27</sup> U din teen nna maŋ a bin lomoe, a li pasiar bin turin ki tan nakin banno. Njaan njoo Yennu set ki fok nan ti soo, <sup>28</sup> nan soo nba din yet a:

'Li tee Yennu paake ki ti be ki tuun.'

I yandamm pinpakit mun bia lek want nna mane a:

'Ti mun tee Yennu waase.'

<sup>29</sup> Ton, timm nba tee Yennu waas na, li ki njan ki tin dakin nan Yennu tee nan siara bonninnaun nba tee salima, koo tann nba ki niru jii u yan koo u dudukit ki nammiri. <sup>30</sup> Yoo nba din gar, ki niib ki mi Yennu na, u din ki jii bi biiti. Njaan motana u yeen a soo kur n nyik biit tumu, <sup>31</sup> kimaan njoo Yennu poŋ senn daar nba ki u saa bu tingbouŋ na njaateeb kur buut chib chiba. U saa te ki wunba ki u ganno nae n bu buut maŋ. Waa set fiino kuun ni na, ki li tee nyinn ki tur soo kur a njoo sii tee barbuuro."

<sup>32</sup> Baa gbat ki Pool pak kuunfiiru po na, ki siab laa ki sarikito, njaan ki siab mun yaa, "Ti



bia loon ki tin namm gbiint linba ki a saa pak nae.” <sup>33</sup> Nanne ki Pɔɔl fiir n̄aan nyikib. <sup>34</sup> Ki bi siab mun teen yada ki lebit ki teen Yiisaweira. Ki bi yenɔ tee Dionisius, wunba din tee Areos Kunkonn barbuura na yenɔ. Ki poosɔɔ mun din be ki teen yada, ki u sann tee Damaris. Ki leeb mun be ki pukin.

## 18

### *Korint doo ni labaar*

<sup>1</sup> Li poorpoe ki Pɔɔl nyii Atens ki saan Korint doo ni. <sup>2</sup> Leɲe ki u din saa la Juu nisɔɔ, ki u sann tee Akuila, n̄aan bi din marɔ Pontus-e, ki n̄ɔɔ nan u n̄aapoo Prisila nyii Itali ki baar Korint, kimaan kpanbara yudaanɔ Klɔdius din tur mɔb a Juu teeb kur n nyi Rom. Bi din daa ki yukir Korint-i. Ki Pɔɔl tan baar bi n̄aak ni, <sup>3</sup> a wuu be namm, kimaan bi kur din tee gbanjabirae ki tuun nan leeb. <sup>4</sup> Ki foon daar kur Pɔɔl tuu kɔɔ Yenjiantu diiuk ni, ki faa nan Juu teeb labaar ki jiin Yiisa po, ki yiab u mɔɲ a wun tunn Juu teeb nan Griik teeb yan ki jiin li po.

<sup>5</sup> Li poorpoe ki Sailas nan Timoti tan nyii Masedonia ki baar. Ki Pɔɔl ji jii u yoo kur ki mɔɔntir Yiisa maan ki teen Juu teeb na, ki want nan ninmɔnn a Yiisa-e tee Yennu Niganntɔɔ Masia na. <sup>6</sup> N̄aan ki bi lek ki sak maan maɲ, ki sukiiɔ. Ki u pit u nii nan u taa, ki betib a, “Li-i tee ki i tan kɔɲ i manfoori, li jii i mɔɲ mɔɲ yura paake. N nuu ji kaa li ni. Laa jii dinna ki saa, see ki n nyiki, n̄aan wann boorganu Yiisa maan maɲ.”

<sup>7</sup> Nanne ki u nyikib n̄aan saan be soo n̄aak, ki bi yiu Titius Justus. Ki u tee boorganu ki jiantir Yennu. U n̄aak maŋ din kpia Juu teeb jiantu diiuko. <sup>8</sup> Ki jiantu diiuk maŋ yudaano Krispus nan u n̄aateeb kur teen Yiisa yada ki lebit ki waau. Ki Korint nilee bonchiann mun gbat Yiisa maan na ki teeno yada ki ji waau. Ki bi wurib Yennu nyunwuru.

<sup>9</sup> Dasiar nyiok ki Pool tan la yirintu. Ki u yirintu maŋ ni ki ti Yomdaano Yiisa beto a, “Daa tiin janmaanii, n̄aan kii moontir n maan maŋ ki daa nyikiti, <sup>10</sup> kimaan n be nana, ki soo kaa ki saa leka ki tura daŋi, kimaan niib bonchiann be doo na ni ki tee n yab.” <sup>11</sup> Li paak, Pool din be len binn nan n̄maarii n̄anloobe, ki want niib Yennu maan.

<sup>12</sup> Ton, yoo nba ki Galio din tee Akaya yent\* yudaano nae ki Juu teeb tan taan leeb ki lek Pool ki sooro, ki saan n̄ano buut boor, <sup>13</sup> ki saa yet a, “Joo na kpann niib ki bi jiantir Yennu bianinba ki waa ti sennu.” <sup>14</sup> Pool nba din yaa wun pak yoo nba, ki Galio yet Juu teeb maŋ a, “Yimm Juu teeb, li-i tee maan na tee mabiiuk koo moyetukue, li bo sii n̄an ki n di sukuru ki gbiint, <sup>15</sup> n̄aan laa tee maan nba jiin i moŋ momaan, nan i sana, nan i moŋ sennu po na, i moŋ n got li ni, kimaan n ki sak man bu li mabooru,” <sup>16</sup> n̄aan ber nyinnib buut boor maŋ. <sup>17</sup> Nanne ki bi soor Sosenes, wunba tee Juu teeb jiantu diiuk yudaano na, ki boou buut boor, n̄aan ki Galio baka taan kaa li po.

---

\* **18:12** 18.12 Korint doo din be Akaya yent nie.

### *Baa jen Antiok bianjinba*

<sup>18</sup> Pɔɔl din be nan Yiisaweira nba be Korint na n̄maarii bonchiann, ki tan chabib, n̄aan yaa wun saan Antiok nba be Siria yent ni na. Ki n̄ɔɔ nan Prisila nan Akuila saan Senkrea a bin kɔɔ n̄aruŋ. Baa yaa bin kɔɔ n̄aruŋ ki saan na, ki Pɔɔl nba senn mɔsonn nba nan Yennu na gbenn, ki u ji koor u yut.

<sup>19</sup> Nanne ki bi din saa ki saa baar Efesus, siaminba ki Prisila nan Akuila yaa bin biar na; ki Pɔɔl saan kɔɔ Juu teeb Yenjiantu diiuk ni, ki faa labaar nan Juu teeb maŋ, ki jiin Yiisa Masia po.

<sup>20</sup> Ki bi tan yaa wun biar namm ki yukir, n̄aan ki u ki saki. <sup>21</sup> Waa din yaa wun chabib ki saan na, ki u betib a, “Li-i tee ki Yennu saki, n bia saa jen i boora,” n̄aan kɔɔ n̄aruŋ ki saa.

<sup>22</sup> Waa tan baar Siisarea yoo nba, ki u toot gar Jerusalem ki saa foont Yiisaweira, n̄aan gar sik Antiok biak, <sup>23</sup> ki saa yukir len, ki bia tan nyii len ki saan Galasia nan Frijia yaka po, ki saa cheen Yiisaweira kur para.

### *Ki jiin Apolos po*

<sup>24</sup> Juu jasɔɔ din be, ki u sann tee Apolos, n̄aan bi din marɔ Aleksandria-e, ki u tan baar Efesus. U din tee banntɔɔe, ki mi Yennu gbouŋ fanu.

<sup>25</sup> Bi din poŋ wannɔ ti Yomdaanɔ Yiisa sɔnuwa. Ki u tan baar ki piak want Yiisa po bonŋann nan ninmɔnn, n̄aan u daa din ki bann Yiisa maan maŋ kuri, kimaan u kpan din mi Jɔɔnn nba din wuur niib Yennu nyunwuru bianjinba na kuukɔɔe. <sup>26</sup> Ki u piin piak Yennu maan nan parcheenn, Juu teeb jiantu diiuk ni. Ki Prisila

nan Akuila gbat u maan man, ki tan kun nano ki fiit Yennu sonu fanu ki wannɔ.

<sup>27</sup> Li poorpoe ki Apolos lor a wun saan Akaya. Ki Yiisaweira nba be Efesus na sommɔ, ki sɔb gbouŋ ki tur Yiisaweira nba be Akaya na, a wuu tanɔ baar, bin gaarɔ saauŋ. Waa tan baar len yoo nba, ki u set tot binba teen yada, Yennu ninbatinu paak na, <sup>28</sup> kimaan ɲɔɔ nan Juu teeb nba din tan nɔi nan leeb na, ki u jii Yennu gbouŋ, ki wantib a Yiisa-e set tee Yennu Niganntɔɔ Masia, ki pak nan pan ki nyannib niwor ni.

## 19

### *Efesus doo ni labaar*

<sup>1</sup> Apolos nba din daa be Korint na, Pɔɔl ɲarin din gar Galasia nan Frijia yentnba nie ki saan Efesus. Leɲe ki u la Yiisaweisiab, <sup>2</sup> ki boib a, “Yaa din teen Yiisa yada na, i gaar Yennu Seyeenja-a?” Ki bi jiin a, “Aaii. Ti poŋ ki mi gbat a Yennu Seyeen be kaawa.” <sup>3</sup> Ki Pɔɔl boib a, “Ki ɲann, bi wuri Yennu nyunwuru ɲmee sann nie?” Ki bi yetɔ a, “Bi wurit nan Jɔɔnn nba din wuur niib bianɲinba nae.” <sup>4</sup> Ki Pɔɔl betib a, “Jɔɔnn din wuur niib Yennu nyunwuru, ki li want a bi nyik bi biite, ɲaan beerib a bin teen wunba tan saa baar na yada, ki ɲɔɔe tee Yiisa.”

<sup>5</sup> Baa gbat nna yoo nba, ki bi ji wurib Yennu nyunwuru, ti Yomdaano Yiisa sann ni. <sup>6</sup> Ki Pɔɔl jii u nii ki yii bi paak, ki Yennu Seyeen sik bi ni, ki bi ji piak maboorganii, ki bia sɔkint Yennu maan.

<sup>7</sup> Jab manɔ din tee nan piik nan banlee niwa.

<sup>8</sup> Pɔɔl din be Juu teeb jiantu diiuk ni ŋmaarii ŋantaae, ki want niib na nan parcheenn, ki faa labaar namm, ki yiab a wun lebit bi yan ki jiin Yennu naan po. <sup>9</sup> Ŋaan niib na siab din tee tubkangbatae, ki ki sak maan na, ki piak barbiit nibur na ni, ki jiin ti Yomdaano weiu po. Ŋanne ki Pɔɔl nyikib, ŋaan jii Yiisaweira na ki saan namm Tiranus wannu diiuk ni; ki daar kur jik ki u faa labaar leŋ. <sup>10</sup> Li din teen nna bina ŋanlee-e. Li paak, niib nba din be Asia yent ni ki tee Juu teeb, nan nileebe na kura, din gbat ti Yomdaano maan maŋa.

### *Ki jiin Skefa waas po*

<sup>11</sup> Li yoo na ki Yennu te ki Pɔɔl tuun toonjaana nba be li koo. <sup>12</sup> Ki niib tuu jii u ninfianii nan u liat paatii gbaa, ki paa baatib paak, ki bi yiarii gbent, ki narinbiit bia nyi baatib ni.

<sup>13</sup> Li yoo na ki Juu nisiab be, ki tuu lin nyint narinbiit niib ni, ŋaan ji din tan yi ti Yomdaano Yiisa sann a bii nyint narinbiit, ki din yeen narinbiit na a, "Timme turi moɔb Yiisa nba ki Pɔɔl moontir u maan na sann ni, nyimin man."

<sup>14</sup> Binba din tuun nna maŋ din tee jab banlore nba din tee Juu teeb mannteeb yudaano Skefa na waase. <sup>15</sup> Baa tan yaa bin nyinn narinbiiuk jasoo nna ni, ki narinbiiuk na yetib a, "N mi Yiisa po, ki bia mi Pɔɔl po, ŋaan yimm muni, i tee lamme?" <sup>16</sup> Ki joo nba ki narinbiiuk na be u ni maŋ yukir ki tan chibib bii, ki turib danii, ki bia pat pat bi tiat ki nyannib, ki bi kur chiar gbananbira, ki nyii u ŋaak ni. <sup>17</sup> Yoo nba ki Juu teeb nan binba ki tee Juu teeb ki be Efesus na kur gbat nna, ki

janmaanii soorib, ki bi dont ti Yomdaano Yiisa sann bonchiann.

<sup>18</sup> Nanne ki Yiisaweira na bonchiann pak kat bi biit niib ni, ki wann linba ki bi tuu tuun. <sup>19</sup> Ki nyokdamm bonchiann ji tikir bi gbant nan bi saba ki baar nann, ki tan joo muu, niib kur nunii ni; ki bi bikin gbant na likirii, ki li yabint sii tee salimpeena\* tusaa piinḡmu.

<sup>20</sup> Nanne te ki ti Yomdaano maan na ji din ḡammit yat koo niib ni, ki pukii nan paḡ.

*Efesus doo ni kpikpiruk labaar*

<sup>21</sup> Li poorpo ki Yennu Seyeen te ki Pool lor a wun saan Masedonia nan Akaya, ḡaan saa paat saan Jerusalem, ki yet a, "Li poorpo, see ki n saan bann Rom." <sup>22</sup> Li paak ki u tun Timoti nan Erastus, u sommteeb na banlee, ki bi gar saan Masedonia, ḡaan ki u biar Asia yent ni.

<sup>23</sup> Li yoo maḡ kpikpiruk din fiir bonchiann, ti Yomdaano Yiisa weiu paak. <sup>24</sup> Jasoo mun din be ki u sann tee Demetrius, ki u tuu jii salima ki maa bi tingbann nba ki bi yiu Diana† na poochianfei bonninnana, ki koi; ki din jii niib ki bi tuun li toona, ki bi laat likirii bonchiann. <sup>25</sup> Nanne ki u tan yiimm ki taan bi kura, ki bia taan binba kur tuun li toonbooru na, ki betib a, "N ninjamm, i mi nan ti nyoot nyi ti toona na nie. <sup>26</sup> I moḡ moḡ poḡ gbat ki bia la Pool nba yeen linbawa. U yaa yennu nba ki niro maa nan u nii, a ḡann ki tee Yennu kaa, ki u maan na tunn niib bonchiann yan Efesus na, ki maan maḡ per lin cheb Asia

\* **19:19** 19.19 Salimpeenn din tee daar paauko. † **19:24** 19.24 U sanleere tee Artemis.

yent kura. <sup>27</sup> Li pasiar ti toona na sann n biir, ki bia jenna, ki ti tingbanjaann Diana poochianfeek tan saa teen yann, ki ti tingbann Diana baakir n waab, ηοοε ki σοο kur nba be Asia yent ni nan tingbounj na kura jiantiro.”

<sup>28</sup> Nibur na nba gbat nna yoo nba, ki bi wutoa fiir, ki bi tian ki yeen a, “Timm Efesus teeb tingbann Diana tee tingbanjaanne.” <sup>29</sup> Ki doo na kur muk. Ki bi soor Gayus nan Aristakus ki chiar saan koo namm tituk ni. Jab banlee manj din tee Masedonia niibe, binba ki Pool tuu tokii namm na. <sup>30</sup> Ki Pool loon wun koo niib na ni, ηaan ki Yiisaweira na ki sak wun koo. <sup>31</sup> Ki doo na yudamm na siab nba tee Pool yoo snba na tun toonii, a Pool n di sukuru, ki daa koo tituk manj ni.

<sup>32</sup> Li yoo na, tituk manj din tian ki yakii jak jak, ki niib nba tikir na yan ηmat saa gar, kimaan bi bonchiann din ki bann lakinn manj paaki.

<sup>33</sup> Ton, ki Juu teeb nyinn joo nba ki bi yiu Aleksander na, ki sennoo toonn, a wun pak bi paak. Ki Aleksander donn nuu sanpaapo, ηaan ji loon wun pak tur nibur na, ki nyinn Juu teeb moniok manj ni. <sup>34</sup> Naan baa tan bann nan u tee Juu niroe na, ki bi ji ki sak wun paki, ηaan tian ki yeen a, “Timm Efesus teeb tingbann Diana tee tingbanjaanne.” Ki bi kur tian nna ki li yukir bonchiann.

<sup>35</sup> Li joontu ki doo manj saakoo te ki nibur na ηmin, ki u betib a, “Yimm Efesus teeb, σοο kaa tingbounj na ni ki ki mi nan Efesus teebe guu yabint Diana poochianfeeki, ki bia guu tanjann nba nyii sanpaapo ki tan baa na. <sup>36</sup> Soο kaa

ki saa fit noi linba na. Li paak, li njan yin di sukuru, ki daa tee jatii. <sup>37</sup> I baar nan niib na nna na, njan bi ki jan ti jiantu diit bona, koo ki pak biir ti tingbanni. <sup>38</sup> Li-i tee ki Demetrius nan u toontunleeb mək maan nan soöie, njann buut boor poŋ be ki mək li daa, ki buut damm mun bia be. Njan bin saan kii sakii pootir bi leeb lej. <sup>39</sup> Njan li-i tee ki i mək barii nba ki tee yin saan nann buut boor maŋi, li njan yin saan i moŋ yudamm boor.

<sup>40</sup> “Li pasiar Rom teeb tan saa la ti biit, ki yet a ti tee doyeerteebe ki jiin linba tun dinna na po. Li ki mək paaki, ki ti mun bia kan fit wann kpikpiruk na paak.” <sup>41</sup> U yet nnae, njan ji yat niib na.

## 20

### *Pool saanu Masedonia nan Akaya yentnba ni labaar*

<sup>1</sup> Fuut maŋ nba din njmin na poorpoe, ki Pool ji yiin Yiisaweira na, ki tan chee bi para, njan chabib, ki yaat saan Masedonia yent ni, <sup>2</sup> ki lin Masedonia yent yaka ni, ki bia pak Yiisaweira nba be lej na Yennu maan bonchiann ki koomm para, njan gar saan Akaya, <sup>3</sup> ki ji be lej ki saa jan njmaarii njantaa. Li poorpo, ki u ji tee siir a wun saan Siria, njan bann nan Juu teeb lorin lorbiit u paak, ki u ji lor wun njmat ki saan gar Masedonia yent ni. <sup>4</sup> Pirus bija Sopata, wunba nyii Berea na, nan Aristakus nan Sekondus, binba nyii Tesalonika na, nan Gayus, wunba nyii Debe na, nan Tikikus nan Trofimus, binba nyii Asia yent ni na, nan Timoti, njamme



din saan nan Pɔɔl. <sup>5</sup> Ki bi gar tɔonn ki ji saa guut Trowas.

<sup>6</sup> Jaamm nba ki bi tuu di boroboro nba kaa datin na dinu poorpoe ki ti kɔɔ ɲarun, ki nyii Filipi, ki saa Trowas. Ki daa ɲanɲmu daar ki ti baar bi boor Trowas, ki biar len ki jan daa ɲanlore.

### *Trowas doo ni labaar*

<sup>7</sup> Tɔn, ki foon daar daajoouk ki ti tikir leeb, ki taan nan Yiisaweira nba be len na, a ti di ti Yomdaano jeet. Ki Pɔɔl mɔont Yennu maan dik dik nan tansuunii, kimaan laa saa yent ki wun gar na paak. <sup>8</sup> Ti din tikir ditɔotuk nna nie, ki bi joo fita bonchiann len. <sup>9</sup> Ki naasinsɔɔ mun din be ki u sann tee Yutikus, ki u kar ditɔotuk na takorbonn paak. Ki Pɔɔl mɔontir Yennu maan ki li wei, ki u kar tinjit, ki tan gɔon ki libit nyii ditɔotuk muntaa na ni, ki saa baa tinj ni. Ki bi sik jiiu, ki sɔɔ ki u kpowa. <sup>10</sup> Ki Pɔɔl nyii ditɔotuk na paak, ki somm sik ki tan wokin u paak, ki puur wabɔ, ɲaan yet a, “I daa te ki i para biiri. U fo,” <sup>11</sup> ɲaan ɲmat doo ditɔotuk na ni, ki saa dii jeet. Li poorpo ki u bia mɔont Yennu maan mɔkmɔk nan laa tan yent, ki u ji nyikib, ɲaan yaan gar. <sup>12</sup> Ki bi ji jii naasimɔ na, ki u mɔk manfoor, ki bi kun nanɔ nan parpeenn bonchiann.

<sup>13</sup> Li poorpo ki ti bia kɔɔ ɲarun, ki dɔn gar saan Asos. Lene ki ti din yaa ti jii Pɔɔl, kimaan ɲɔɔe betit a tin chetɔ. U din loon wun somm taatine ki baar len.

### *Pɔɔl nba baar Miletus bianjinba*

<sup>14</sup> Waa din baar Asos yoo nba, ki u lat. Ki ti jiiu ki koono narun na ni, ki saan Mitilene <sup>15</sup> ki bia tan toot lej ki baar Kios li sanyafannuk. Ki li yent ki ti baar Samos, ki li bia yent ki ti baar Miletus. <sup>16</sup> Pool din ki loon wun saan Efesus-i, kimaan u din ki loon wun yukir Asia yent ni, naan loon yian a li-i saa fiti, wun baar Jerusalem dajaann nba ki bi yi Pentekost na daar.

### *Bianinba ki Pool chabit Yiisaweira saakab*

<sup>17</sup> Nanne ki Pool tun toonii a bin nyi Miletus doo ni, ki saan Efesus ki saa yiin Yiisaweira saakab na. <sup>18</sup> Baa baar yoo nba, ki u betib a, "I mi n binben nba tuu tee bianinba, maa baar Asia yent ni na daar nba ki tan tuu dinna. <sup>19</sup> I bia mi maa din tuun Yennu toona ki mantik sikin n moŋ bianinba, ki be nan ninnyuut, ki bia dii biak Juu teeb lora ni. <sup>20</sup> Ki i bia mi nan maa din moontir Yennu maan, ki wanti niib ni nan i ŋei ni na. N din paki linba kur saa sommi, ki ki nyiki, ki bia ki tenn siari, <sup>21</sup> ki kpaan Juu teeb nan binba ki tee Juu teeb kur a bin nyik biit tumu kii waa Yennu sonu, ki teen ti Yomdaano Yiisa yada.

<sup>22</sup> "Ton, motana Yennu Seyeenje te ki n saa Jerusalem, naan n ki mi linba saa teenin lenji. <sup>23</sup> Naan maa lin doo na kur ni, Yennu Seyeenje tuu wantin nan ninmonn, a dansarik nan biak tan sii tee n yare Jerusalem. <sup>24</sup> Naan n ki jii n manfoor ki li tee siari, kimaan min narin loon ki n tun toona nba ki ti Yomdaano Yiisa turin nae ki gbenn, ki li toona tee mii moontir barnanii nba want Yennu ninbatinu na poe.

25 “I mi nan n din lin i kura ɲei ni, ki mɔontir Yennu naan labaar. Tɔn, ki mɔtana, n mi nan i ji kan mi lami. 26 Li paake te ki n beeri dinna na, ahoo, wunba kɔɲ manfoor nba kaa gbennu na, n nuu ji kaa u ni, 27 kimaan n ki mi fɔrint nan man mɔont Yennu maan maɲ kur ki wannini. 28 Li paak, ii dia i mɔɲ man bonɲann, ki bia dia Yiisaweira nba ki Yennu Seyeeɲ kubin i nuu ni, a yii tee bi yudamm kii goriib na. ɲamme ki Yennu jiib ki teemm u niib, kimaan u jii u Bija some ki daab. 29 N mi nan mi-i kaa, nibiit tan saa baar i sinsuuk ni, ki biir Yiisaweira siab nan kinkata nba tuu so pei bianɲinba na. 30 Yoo bia baat ki siab tan saa nyi i mɔɲ sinsuuk ni, ki fa fai ki jiin Yennu barmɔnii wannu na po, ki kpann Yiisaweira, ki tunii bi yan ki te ki bi waab. 31 Li paak, ii guu man, ki daa tammit maa din kpaan i kur nan ninnyuut, ki ki nyik, yonnu nan nyiok, ki tan jaɲ bina ɲantaa na.

32 “Mɔtana, n jikiti ki tee Yennu nuu ni, ki bia mi nan yaa bann u maan nba want u ninbatinu po na, maan maɲ saa fit te yin weio fanu, ki bia saa fit turi yiar sanpaapo, binba kur ki u teemm u niib na sinsuuk ni. 33 I mɔɲ bia mi nan n ki nian sɔɔ likirii koo tiati. 34 Maa din be i sinsuuk ni na, i mɔɲ mi nan n din dia n nii nae ki tuun, ki min nan n weinanleeb di ki bia lia. 35 Maa din tuun nna maɲ paake want nan see ki ti tun bonchiann ki fit somm talasdam. Li ɲan ki ti tiar ti Yomdaano Yiisa maan nba ki u yet a, ‘Parpeenn tee daano nba piin piinii yare, ki gar wunba gaan.’ ”

36 Pɔɔl nba gbenn maan maɲ yoo nba, ki bi kur

lakin gbaan ki miar Yennu. <sup>37</sup> Baa ji yaa bin chab Pɔɔl yoo nba, ki bi kura mɔ, ki jii bi nii ki kakino, ki mɔɔt u tankpin,\* <sup>38</sup> kimaan bi para din mantik biir nan waa yaa bi ji kan lau nae. Ki bi chiano ki saan nana mɔkgbenjir na boor, a bin saa chabo ki wun kɔɔ ɲaruɲ.

## 21

### *Pɔɔl nba saan Jerusalem bianjinba*

<sup>1</sup> ɲanne ki ti tat nyik Yiisaweira saakab maɲ, ɲaan tɔkin baar Kos, ki li yent ki ti baar Rodes, ki bia nyii leɲ ki saan Patara. <sup>2</sup> Leɲe ki ti la ɲaruɲ nba saa Fonisia yent ni, ki kɔɔ ɲaruɲ maɲ ki saa. <sup>3</sup> Taa tan laat Saiprus yoo nba na, ki ti gaar gaɲ po, ki tan baar Siria yent ni, ki nyii ɲaruɲ na ni, doo nba ki bi yi Taya na ni, ki ɲaruɲ maɲ damm yaa bin nyinn tiat leɲ.

<sup>4</sup> Leɲe ki ti la Yiisaweira, ki ji biar be bi boor ki saa jaɲ daa ɲanlore, ki Yennu Seyeeɲ te ki bi bet Pɔɔl a u ji daa saa Jerusalem-i. <sup>5</sup> Ki ti saanu yoo tan baar ki ɲamm nan bi poob nan bi waas chianit, ki saa nyinnit doo na. Ki ti kur gbaan mɔk-kpinɲ ki miar Yennu. <sup>6</sup> Li poorpo ki ti chab leeb, ɲaan yaan kɔɔ ɲaruɲ na ki saa, ki bi mun ɲmat kun.

<sup>7</sup> ɲanne ki ti nyii Taya ki baar Tolemais, ki saan foont Yiisaweira, ɲaan biar bi boor dayennkɔɔ. <sup>8</sup> Ki li yent sanyiɔk ki ti nyii Tolemais, ki baar Siisarea, ki saan Filip, wunba mɔontir Yiisa barnanii na ɲaak ki be. U din tee jab banlore

---

\* **20:37** 20.37 Bi binbeɲ ni, bi din tee nnae ki want lomm.

nba ki bi gannib Jerusalem a bii tee jetorteeb yudamm na yenc̄e. <sup>9</sup> U din m̄ok bonpoi banna nba ki kun jabi, ki bi mun tee binba s̄okint Yennu maan. <sup>10</sup> Ti din be lej ki teen nan daan̄anja nawa; ki Yennu s̄okinii nba ki bi yiu Agabus na tan nyii Judea ki sik, <sup>11</sup> ki baar ti boor, ki jii P̄ool gbann, ki lor u m̄oŋ taa nan u nii, ŋaan yet a, “Yennu Seyeŋ nba yaa bianjinbae na: Juu teeb nba be Jerusalem na tan saa lor gbann na daan̄o nnae, ŋaan jiiu kubin̄o binba ki tee Juu teeb na nuu ni.”

<sup>12</sup> Taa ji din gbat nna maŋ, ki ti kura barin P̄ool a u ji daa saa Jerusalem-i. <sup>13</sup> Ŋaan ki u jiin a, “Bee teen ki i m̄o ki saa k̄onn n kpinkpanti? Min poŋ teen siir nan ki n kpo ti Yomdaan̄o Yiisa paaka, li ki tee baa tan saa lorin Jerusalem na kuuk̄o paak kaa.” <sup>14</sup> Waa yet nna, ki ti ji bann nan ti gbar̄e na, ki ti nyik̄o, ki ji biar ŋmin, ŋaan yet a, “Ŋaant ki ti Yomdaan̄o loomm n tun.”

<sup>15</sup> Ti yukiru maŋ poorpoe ki ti ji teen siir ki saa Jerusalem. <sup>16</sup> Ki Yiisaweira nba be Siisarea na siab mun weit ki saan, ki jiit, ki saan nant Minasonn ŋaak. Minasonn maŋ poŋ din tee Yiisaweikpere, ki tee Saiprus nir̄o.

### *P̄ool nba ḡon Jeems bianjinba*

<sup>17</sup> Taa baar Jerusalem yoo nba, ki lej Yii-saweira gaarit nan parpeenn bonchiann. <sup>18</sup> Ki li yent sanyik̄, ki timm nan P̄ool saan a ti saa foont Jeems. Yiisaweira saakab kura mun din be lej li yoo.

<sup>19</sup> Ŋanne ki P̄ool foontib, ŋaan kat wannib linba kur ki Yennu tun ki tur binba ki tee Juu

teeb na, ki li nyii ɲoo Pɔɔl moontii na ni. <sup>20</sup> Baa ji gbat u maan maɲ na, ki bi kura pak Yennu, ɲaan bet Pɔɔl a, “Ti naa bik, a mi Juu teeb nba tee tusaa bianɲinba ki teen Yiisa yada, ki bi kura bia dia Moses sennu kenken ken, <sup>21</sup> ki bia gbat a po, a a tuu want Juu teeb kura nba be boorganu tinii ni a bin yêt Moses sennu, ki bia beerib a bi daa porii bi waas puna, ki bia daa waa Juu teeb sennii na. <sup>22</sup> Ki ti saa teen nlee? kimaan Juu teeb nba tee Yiisaweira na lek saa gbat nan a baara. <sup>23</sup> Li paak, ti-i beta bianɲinba, fan tun li bianɲ. Jab bannae be nna ki por nan Yennu. <sup>24</sup> Tɔn, fin nan ɲamm-ii saa ki saa ɲamm i mɔɲ, ɲaan ki a pa likirii bi paak, ki bin koor bi yura, ki soɔ kur n fit bann nan maan nba ki bi tuu piak a po na ki tee mɔnii kaa, ɲaan a mɔɲ poɲ waa Moses sennu maɲ nan li soɲu. <sup>25</sup> Binba ki tee Juu teeb ɲaan teen Yiisa yada ki waau na ɲarin, ti poɲ soɔb gbouɲ ki turib, ki betib a bi ji daa mi di jeet nba ki bi mann patiri, koo ki ɲman soɲi, koo bonkobuk nba ki bi ɲmakir kp̄ii, ki bia soor bi mɔɲ nan bonchonchontoona.”

<sup>26</sup> ɲanne ki Pɔɔl jii jab maɲ, ki li tan yent sanyiɔk, ki ɲoo nan ɲamm ji ɲamm bi mɔɲ, ki koo Yenjiantu ɲasaakak ni, a bin wann daa nba ki bi sii be nan baa tan saa baar nan piinii ki tur Yennu, ki gbeen bi mɔpora maɲ.

### *Pɔɔl sooru labaar*

<sup>27</sup> Daa ɲanlore maɲ nba tan per gbennu yoo nba, ki Juu teeb nba nyii Asia ki baar Jerusalem ki be Yenjiantu ɲasaakak ni na, tan la Pɔɔl, ki sooro, ki te ki niib na kur fiir jir jir, <sup>28</sup> ɲaan bia

tian a, “Juu teeb, sommit man. Joo nae lin lokir kur po, ki want niib ki biirib ki jiin Juu teeb, nan Moses sennu, nan Yenjiantu nasaakak na po, ki bia baat nan binba ki tee Juu teeb gbaa ti jiantu nasaakak na ni, ki biir ti njaak nba yeen man.” <sup>29</sup> Baa doŋ la Pɔɔl nan Trofimus nba din tee Efesus nirɔ, ki bi be doo na ni na, ki bi mi a Pɔɔl koo nana Yenjiantu nasaakak na nie.

<sup>30</sup> Nanne ki nmatir baar doo na kur po, ki niib na kura chiar, ki baar lek Pɔɔl, ki sooro ki pii nyinno Yenjiantu nasaakak na ni. Li taakpaak ni, ki siab loon njaak na tammɔi. <sup>31</sup> Ki niib na ji loon bin kpi Pɔɔl. Li yoo na ki Rom teeb lanjimanba yudaano ji gbat a Jerusalem teeb kur fiir nan kpikpiruka. <sup>32</sup> Ki u kakit jii lanjimanba nan bi saakab, ki bi wuur saan nibur na boor. Niib na nba lau nan lanjimanba na yoo nba, ki bi ji nyik Pɔɔl boot.

<sup>33</sup> Ki lanjimanba yudaano na saan soor Pɔɔl, njan tur mɔb a bin baano jarit nanlee, ki boib a, “Nirɔ na tee nmee? U biir bia?” <sup>34</sup> Ki nibur na ni, siab tian Pɔɔl paak jiaak jiaak. Bi barnmatuk man paak ki lanjimanba yudaano na ki fit bann li paak bonnanni. Li paak, ki u tur mɔb a bin jiiu ki saan nana lanjimanba diiuk ni.

<sup>35</sup> Baa baar li tammɔb taanmaata paak, ki lanjimanba na jiiu sanpaapo, kimaan nibur nba loon bin kpiu na paak. <sup>36</sup> Ki bi ji waa bi poor ki tian a, “Kpimɔ man! Kpimɔ man!”

### *Linba ki Pɔɔl pak tur nibur na*

<sup>37</sup> Lanjimanba man nba ji yaa bin koo nana na, ki u boi lanjimanba man yudaano na a, “Yiar sii

be ki n pak siar ki turani-i?" Ki u jiin boio a, "A gbia Griik maami-i? <sup>38</sup> N mi a tee Ijipt nirɔ nba te ki niib baar nan kunkɔnn doo na paak, ki jii nikpiirit tusaa nanna, ki saan namm ki be muuk ni yoo nba gar nae." <sup>39</sup> Ki Pɔɔl jiin a, "N tee Juu nirɔe, ki bi marin Tarsus ki li be Silisia yent ni. N tee digbangbenir ni nirɔe. N barimae, njaant ki n pak tur niib na."

<sup>40</sup> Ki lanjimanba yudaano na chabo mob. Ki Pɔɔl nmant set lanjimanba diiuk tammob taanmaata na paak, njaan nak u nuu ki tur niib na, a bin nmin. Baa nmin yoo nba, ki u pak namm Juu maan ni, ki yet a:

## 22

<sup>1</sup> "Chanbaanba nan n naa waas, gbiintir man maan nba ki n yaa n pak turi na." <sup>2</sup> Baa gbat ki u piak bi moŋ maan ni na, ki bi ji nmin soon nna. Ki u piak ki saa a <sup>3</sup> "N tee Juu nirɔe, ki bi marin Tarsus ki li be Silisia yent ni, njaan ki n tan nmant nirɔ Jerusalem na. N wantɔɔ din tee Gamaliel-e. Ki u din wannin ti yeejamm sennu chib chib. Ki n lek waa Yennu nan ninmɔnn, nan i kur nba wauu dinna bianjinba na. <sup>4</sup> Maa din tuu la niib nba waa Yiisa sonu na, n din tuu mukisiribe, ki poŋ kpib gbaa, ki bia so jasiab nan poosiab ki kɔontib dansarii.

<sup>5</sup> "Li-i tee ki i loon siara li po, mannteeb yudaano nan ti tɔondamm tituk kur saa fit teen siara linba ki n piak na po nan li set tee barmɔniie; ki dasiar ki n tan saan gaar gbant bi peŋ ki tur Juu teeb nba be Damaskus na, njaan saa leŋ maa n soor niib nba waa Yiisa na, ki



baamm bant, ki jen namm Jerusalem na, ki bin dat bi tuba.

*Pɔɔl nba betib u lebitu po bianjinba  
(Toona 9.1-19; 26.12-18)*

<sup>6</sup> “Tɔn, maa saa ki saa per Damaskus yonsuuk ni, min taantir na ki sɔɔ yentsaakar nyikint sanpaapo, ki sik yent ki lintima. <sup>7</sup> Ki n baa tin ni, ki gbat kunkɔr yin a ‘Sɔɔl, Sɔɔl, bee ki a mukisirimi?’ <sup>8</sup> Ki n jiin boi maa ‘N Yomdaano, fin n̄mee?’ Ki u betin a ‘Min, Nasaref niro Yiisa-e ki a mukis.’ <sup>9</sup> Niib nba din chiantin na n̄arin din la yentu nawa, n̄aan n̄amm din ki gbat kunkɔr nba piak nanin na.

<sup>10</sup> “N̄anne ki n boio a, ‘N Yomdaano, n saa teen nlee?’ Ki u betin a, ‘Fiit kii saa Damaskus, ki bi saa wanna linba kur ki Yennu nyinna a fan tun.’ <sup>11</sup> Tɔn, n din jɔona, kimaan yentu nba yent ki nyokit n ninbina ni na paak. Ki n tɔknanleeb na ji soor n nuu ki saan nanin Damaskus.

<sup>12</sup> “Jasɔɔ mun din be Damaskus, ki u sann tee Ananias, ki u tee yentinnɔ, ki bia dia Moses sennu fanu, ki Juu teeb kura nba be Damaskus na din teenɔ baakir bonchiann. <sup>13</sup> Ki u din baar n boor ki set, ki yetin a ‘N naa bik Sɔɔl, nyɔontir.’ Li taakpaak ni ki n nyɔont ki lau. <sup>14</sup> Ki u betin a ‘Yennu nba tee ti yeejamm Yennu na pon ganna, a fan bann u yanbɔotoona, ki bia la u popeendaano Masia, ki bia gbat u mɔn kunkɔr, <sup>15</sup> kimaan u loon fine n teen u siara daano, kii piak kii teen sɔɔ kur faa la linba ki bia gbat linba. <sup>16</sup> Li paak a ji kar guu bia? Fiit, ki n wura Yennu

nyunwuru ki a sii yi Yiisa sann ki Yennu saa nyik chab a toonbiit.’

<sup>17</sup> “Tɔn, ki n ji din ηmat Jerusalem, ki saa kɔɔ Yenjiantu ηsaakak na ni, ki mei Yennu, ki tan la yirintu. <sup>18</sup> Ki yirintu maŋ ni, ki n la ti Yomdaano Yiisa, ki u betin a ‘Kakitir ki nyi Jerusalem, kimaan li-i tee ki a beer Jerusalem teeb n maan, bi kan gaar maan maŋi.’ <sup>19</sup> Ki n jiin a ‘N Yomdaano, bi poŋ mi nan mine tuu lin kɔɔ Yenjiantu diit ni, ki so niib nba waa a sɔnu na, ki boob kɔɔntib dansarii. <sup>20</sup> Ki bia jenna, baa din yaa bin kpi a siara daano Stiifenn na, n moŋ din be leŋ, ki sak nan bin kpiu. Mine bia din dia niib nba kpriu na tiat.’ <sup>21</sup> Ki ti Yomdaano betin a ‘Finii saawa, mine yaa n tuma niib nba be banfɔka ki ki tee Juu teeb na tinii ni.’ ”

<sup>22</sup> Tɔn, Pɔɔl nba piak nna maŋ, ki niib na lek maak bi moŋ ki gbiin waa pak linba maŋ, ηaan waa tan pak joont ki bi ji ki saki, ki tian sanpaapowa a, “Jɔɔ na ki ηan nan wuu be tingbouŋ na ni. Yimm kpimɔ man.” <sup>23</sup> Ki bi yikin wuyikinii ki tian, ki liatir bi tiat ki pat ηakin, ki wo tant ki yarin sanpaapo, bi wutoa nba doo na paak.

<sup>24</sup> Nanne ki Rom lanjimanba yudaano na tur moɔ a bin jii Pɔɔl ki kɔɔ nana bi diiuk na ni, ki bia betib a bin boou, ki ηɔɔ yudaano\* n bann biit nba ki u tun ki Juu teeb tian tintianii maŋ. <sup>25</sup> Ki bi loro, ki ji yaa bin boou. Nanne ki u boi lanjimanba saakabik nba see leŋ na a, “Min nba

---

\* **22:24** 22.24 Li pasiar, yudaano maŋ din ki gbia Juu teeb maan nba ki Pɔɔl pak tur niib maŋ na.

ki Rom teeb chabin yaak, yaa daa ki bu n buut na, sennu na chabi a yin boomi-i?”

<sup>26</sup> Lanjimanba saakabik man nba gbat nna yoo nba, ki u saan bi yudaano boor, ki saa yeto a, “A kare-e? Rom teebe tur joo na bi yaak.”

<sup>27</sup> Ki lanjimanba yudaano na mun fiir, ki baar boi Pool a, “Betirin, Rom teeb set tura bi yaak nae-e?” Ki Pool jiin a, “Nn.” <sup>28</sup> Ki lanjimanba yudaano na yeto a, “Min narin din pa likirii saamewa ki bi chabin yaak man.” Ki Pool yeto a, “Min narin, bi pon marin nan yaak mane.”

<sup>29</sup> Li taakpaak ni ki lanjimanba nba bo loon bin boo Pool ki boio buboit na ji furin ki nmat potuntuna. Ki janmaanii ji soor lanjimanba yudaano na, kimaan waa bann nan Rom teebe chab Pool bi yaak, nan waa bia te ki bi loro jarit na.

### *Baa bu Pool buut bianjinba*

<sup>30</sup> Nanne ki lanjimanba yudaano man lek yiab a wun bann maan nba ki Juu teeb paan Pool na paak chib chib. Ki li ji tan yent sanyiok, ki u te ki bi loto, njan bia tur mob a mannteeb yudamm na nan bi toondamm tituk kura n tikir na, njan te ki Pool baar set bi toonn po.

## 23

<sup>1</sup> Nanne ki Pool got toondamm tituk man sirrr, ki tan yet a, “Chanbaanba nan n naa waas, maa be ki tan tuu motana, n mi nan li fan nan Yennu.”

<sup>2</sup> Waa yet nna, ki mannteeb yudaano Ananias bet binba see ki kpia Pool na, a bin faa Pool mob paak. <sup>3</sup> Ki Pool beto a, “Yennu saa faa fin kpinkpanni daano na. A kar lej ki bu n buut

nan ti sennu nba want bianjinba na, n̄aan yaa bin faa-n, ki sennu maŋ ki chab nna.” <sup>4</sup> Ki binba see ki kpia Pɔɔl na betɔ a, “A tan sukii mannteeb yudaanɔ-ɔ?” <sup>5</sup> Ki u jiin a, “N naa waas, n ki mi nan u tee mannteeb yudaanɔe. Yennu gboun̄ poŋ yet a ‘Li ki n̄an ki a pak barbiuk ki jiin a yudaanɔ po.’ ”

<sup>6</sup> Tɔn, Pɔɔl nba ji bann nan tɔɔndamm tituk maŋ siab tee Sajusiinba-e, ki leeb mun tee Farisiinba na, ki u yet sanpaapowa a, “N naa waas, n tee Farisii nirɔe, Farisii bike teen. Ki n mɔk dindann nan kpeemm tan saa fiira. Li paake te ki bi bu n buut na.”

<sup>7</sup> Waa pak nna maŋ yoo nba, ki mɔniɔk fiir Farisiinba nan Sajusiinba maŋ sinsuuk ni, ki bi ji bɔkit leeb, <sup>8</sup> (kimaan Sajusiinba na din yaa kpeemm fiiru kaa, ki malakanba bia kaa, ki sei bia kaa, n̄aan Farisiinba n̄arin teen li kur yadawa.)

<sup>9</sup> N̄anne ki bi tintianii na n̄ammit do ki pukii. Ki sennu wannteeb nba tee Farisiinba na fiir pak nan ninmɔnn a, “Ti ki la jɔɔ na biiti. Li pasiar Yennu-e set tun seek koo malaka, ki u pak turɔ.” <sup>10</sup> Ki mɔniɔk na n̄amm fiir bonchiann, ki lanjimanba yudaanɔ na mi a bi tan saa mann dat Pɔɔl ki pat patɔ. Li paak ki u tur mɔb a lanjimanba n saan ki nyinn Pɔɔl tituk kaanu damm maŋ ni, ki saan nanɔ bi n̄aak na ni.

<sup>11</sup> Li daar nyiɔk, ki ti Yomdaanɔ Yiisa baar Pɔɔl boor, ki tan betɔ a, “Ii mɔk parcheenn. A poŋ turin siara Jerusalem-a, ki li tee talase ki a bia tun nna Rom.”

*Bianjinba ki bi lorin a bin kpi Pɔɔl*

<sup>12</sup> Laa din tan yent sanyiok, ki Juu tesiab tikir, ki kar lor, ki por a bi kan di siar koo ki nyu siari, see ki bi tan kp̄ii P̄ool-a. <sup>13</sup> Binba din lor lor maŋ din yab gar niib piinnawa. <sup>14</sup> Nanne ki bi fiir saan mannteeb yudamm nan saakab boor ki yetib a, “Ti por por nba paare a ti kan di siar koo ki nyu siari, see ki ti tan kp̄ii P̄ool-a. <sup>15</sup> Li paak, yimm nan t̄oondamm tituk na n tun toonii Rom lanjimanba yudaano na peŋ, ki wun nyinn P̄ool ki baar nana i boor nna, ki lii tee nan i loon ki i boio bubeite, ki bann u maan maŋ po chib chib na. Nnaan ti saa kpiu ki u daa ki baari.”

<sup>16</sup> Nnaan ki P̄ool niipoo bija mun gbat bi lora maŋ, ki saan lanjimanba diiuk na ni, ki saa bet P̄ool li bannu. <sup>17</sup> P̄ool nba gbat nna maŋ, ki u yiin lanjimanba saakayeno, ki tan beto a, “Jiin naasimo na, ki saan nana a yudaano boor, kimaan u mok siare ki yaa wun beto.” <sup>18</sup> Ki lanjimanba saakayeno na jiu ki saan nana bi yudaano na peŋ, ki yeto a, “P̄ool nba ki ti diau yommik na yet a n baar nan naasimo na a boor, a ki u mok siare ki loon wun beta.”

<sup>19</sup> Ki lanjimanba yudaano na soor u nuu soon nna, ki saan nana kpiŋ, ki saa boio a, “A mok barlaniee ki loon ki a betimi?” <sup>20</sup> Ki u yeto a, “Juu teeb taan mob ki loon bin won boia ki a nyinn P̄ool ki sik nana bi t̄oondamm tituk ni, ki lii tee nan bi loon bin boio bubeite, ki bann u po chib chib na. <sup>21</sup> Nnaan a daa fin bi po, kimaan Juu tesiab yab ki gar jab piinnawa, binba saa bor guu a bin kpiu. Bi kura por pore, ki yaa bi kan di jeet koo ki nyu siari, see ki bin tan kpiiuwa. Bi kpan teen siirewa nnaan ji guu a mob.” <sup>22</sup> Nanne

ki lanjimanba yudaano na bet naasimo na a, “Ii mi ki a yet soo nan a kumiin li labaar,” njaan te ki u nmat.

*Bianjinba ki bi jii Pɔɔl ki saan nana Siisarea*

<sup>23</sup> Ki lanjimanba yudaano na yiin u saakab na ni banlee ki tan betib a, “Jiin lanjimanba kobiinlee, nan taanjakira piinlore, ki jii kpantɔɔra kobiinlee mun, ki teen siir ki saan Siisarea. Ii nyi gɔtommm yoo nyiok na, ki saan, <sup>24</sup> ki jii taamm ki tur Pɔɔl ki wun jak, ki tenn taanlei kii dia, kii saa nana soon nna, ki saa baar yudaano Fiiliks boor, ki daa te ki u laat danj.” <sup>25</sup> U din sob gbouno ki turib, a bin saa tur yudaano Fiiliks, ki li want a:

<sup>26</sup> “Min Klodius Lisias-e sobin gbouj na, ki teen chanbaa, yent yudaano Fiiliks, n foonta.

<sup>27</sup> “Juu teebe daan soor joo na, ki bo saa kpiuwa, njaan ki n gbat a Rom teeb turo bi yaaka. Li paak ki n jii lanjimanba, ki saan fato, <sup>28</sup> ki loon ki n bann linba paake ki bi paau mapipaata manj. Li paak ki n jiiu ki baar nana bi tɔondamm tituk boor, <sup>29</sup> ki bann nan li tee bi mɔnj sennu paake ki bi paau maan manj. Njaan li ki tee bisiat kaa ki li bo jan nan u kuumi, koo dansarkoonu.

<sup>30</sup> “Nanne ki bi kumiin a Juu teeb lorin a bin kpiu. Li paake ki n yaa lanjimanba n jiiu ki baar a pej yian yian, njaan ki n bia bet binba paau maan manj, a bin baar a boor, ki tan wanna u biit nba tee bianjinba.”

<sup>31</sup> Nanne ki lanjimanba na jii Pɔɔl nan bi yudaano nba turib mob bianjinba na, ki saa nana, ki saa baar doo nba ki bi yi Antipatiris na,

nyiok man. <sup>32</sup> Ki li yent sanyiok, ki lanjimanba nba somm taatiŋ na ji ŋmat kun Jerusalem, lanjimanba ŋaak na ni, ŋaan chab taanjakira na a bin saan nano.

<sup>33</sup> Ki bi jiiu ki saan nano Siisarea, ki saa jii gbouŋ na ki tur yudaano Fiiliks, ŋaan bia jii Pɔɔl ki kubino. <sup>34</sup> Ki yudaano man gaar gbouŋ na ki karin, ki boi Pɔɔl a, “A nyii tinlaje?” Ki u jiino a, “Silisia.” Waa bann nna man <sup>35</sup> ki u yeto a, “Binba paa-a maan man-i baar yoo nba, n saa bu a buut,” ŋaan tur mɔb a guuteeb-ii diau ŋaak nba ki kpanbar Herod din maa na ni.

## 24

### *Juu teeb nba paa Pɔɔl maan bianjinba*

<sup>1</sup> Tɔn, daa ŋanŋmu daar, ki mannteeb yudaano Ananias, nan saakab, nan looya nba ki bi yiu Tetulus na, tan baar Siisarea ki saan yudaano Fiiliks boor, ki bia yaa bin paan Pɔɔl maan. Ki Fiiliks te ki bi yiino.

<sup>2</sup> Li yoo na ki Tetulus jak ki paa Pɔɔl maan, ki yeen a, “Chanbaa Fiiliks, a paake ki ti tiŋ na mei, ki a minu paak ki a yiab ki ŋamii ti tiŋ na. <sup>3</sup> Siar kur po ti mɔk parpeenn linba na paak yoo kur, ki ti teena niipoouk bonchiann.

<sup>4</sup> “N ki mantik loon ki n biir a yoo, ŋaan n barimae ki a di sukuru ki gbiint ti maan na waan.

<sup>5</sup> “Ti la joo na ki u tee damii daanɔe, ki bia jenna, ki u tuk Juu teeb, tingbouŋ na kur ni. Njooe bia tee Nasariinn jiantii yudaano gbaa.

<sup>6</sup> U daan loon wun biir Yenjiantu ŋasaakake. Nanne te ki ti sooro ((ki daan bo loon tin bu u

buut nan ti sennu nba want bianjinba na, <sup>7</sup> ɲaan ki lanjimanba yudaano Lisias baar, ki tan kpir ti niib nan paŋ ki fatɔ ti peŋ, <sup>8</sup> ki bia tur mɔb a binba paau maan maŋ n baar a boor na.)) Chanbaa, li-i tee ki a boi jɔɔ na, a mɔŋ saa fit bann linba paake ki ti piak ki biirɔ.” <sup>9</sup> ɲanne ki Juu teeb mun bia yaa, “Li kpan set tee mɔniie.”

*Pɔɔl nba piak nyint u mɔŋ bianjinba*

<sup>10</sup> Li yoo na ki yudaano na wann Pɔɔl nuu a wun fiir pak. Ki Pɔɔl yet a, “N mi nan faa teen timm Juu teeb barbuurɔ, li dii bina bonchiann. Li paak, li turin parpeenn nan maa yaa n pak n mɔŋ paak a boor na.

<sup>11</sup> “Li-i tee ki a loon, a saa boi ki bann nan li ki gar dapiik nan ɲanlee ki n daan doo Jerusalem, maa n saa jiant Yennu. <sup>12</sup> Ki Juu teeb daan ki la ki n noi mɔniɔk nan sɔɔ Yenjiantu ɲasaakak ni, koo ki tikii niib ki fiint bi wutoa Yenjiantu diit ni, koo doo maŋ ni. <sup>13</sup> Bi bia kan fit wann nan maan nba ki bi paan na tee barmɔnii.

<sup>14</sup> “Min beerae nan maa waa sɔnu nba ki Juu teeb yeen a li sɔnu ki ɲan na, ɲaan min lek jiantir ti yeejamm Yennu-e. Linba sɔb Moses sennu gbant ni nan Yennu sɔkiniinba gbant ni na, n teen li kura yadawa, <sup>15</sup> ki mɔk dindann, ki binba paan maan na mɔŋ mun bia mɔk li dindann boorue, nan Yennu tan saa fiin binba tee niŋamm nan binba tee nibiit kur kuun ni. <sup>16</sup> Li paak, n yiab n mɔŋ yoo kur maa n tun linba took, ki n par-ii be fanu Yennu nan nisaarii boor.

<sup>17</sup> “Tɔn, maa din nyii Jerusalem, li din yukir bonchiann, ki n ji tan ɲmat lej maa n tur n niib



nba tee talas damm na likirii, ŋaan bia mann mannu ki tur Yennu. <sup>18</sup> Tɔn, sinsinn, maa daan ŋamm n mɔŋ gbenn na, ki n daa be Yenjiantu ŋasaakak ni, ki daa mann mannu maŋ, ki bi kɔɔ ki lan. Li yoo na niib daan ki yab ŋaak maŋ ni, ki fuut mun bia kaa. <sup>19</sup> Ŋaan ki Juu tesiab nba daan nyii Asia yent ni na ŋarin be Yenjiantu ŋasaakak na ni. Li-i bonni tee ki bi la n biiti, li bo kpaa talas ki bin baar ki pak biirin. <sup>20</sup> Ŋann-i kaa, fan ŋaan ki niib nba be nna n wann biit nba ki bi daan la ki n tun, maa daan see bi tɔɔndamm tituk ni yoo nba na. <sup>21</sup> Bi daan ki la n biiti, see bonyennkɔɔ nba ki n daan yet bi sinsuuk ni na a, 'Buut nba ki i bu nanin na tee maa yet a kpeemm fiiru be na paake.' "

<sup>22</sup> Fiiliks nba ŋarin mi Yiisa weiu po bonŋann na, ki u nyik maan na, ŋaan yaa, "Lanjimanba yudaano Lisias-i tani baar yoo nba, n saa bu i maan maŋ." <sup>23</sup> Ki u ji din bet u lanjimanba saakayeno a wuu guu Pɔɔl, ki wuu be u yamani, ŋaan bia chab Pɔɔl yɔɔsnba a bii teeno linba ki u loon.

### *Biaŋinba ki Pɔɔl pak tur yudaano Fiiliks nan u ŋaapoo*

<sup>24</sup> Ŋanne ki daanŋanna nna gar, ki Fiiliks baar u buut boor nan u ŋaapoo Drusila, wunba din tee Juu nirɔ na, ki te ki bi yiin Pɔɔl ki baar nano. Ki Pɔɔl piak biaŋinba ki nirɔ saa teen Yiisa Masia yada. Ki ŋɔɔ Fiiliks gbiin.

<sup>25</sup> Tɔn, Pɔɔl nba piak ki want yentinu nan mɔŋdianu nan buut daar baaru po yoo nba, ki janmaanii ji soor Fiiliks, ki u yet a, "Mɔtana, i

daa kii saa, ḡaan li-i tee ki n la yaak, n bia saa ḡamm yiina.”

<sup>26</sup> Naan ki Fiiliks daan a Pɔɔl n koou nan likirii. Li paake te ki u din tuu yoo yi Pɔɔl ki piak nano.

<sup>27</sup> Tɔn, bina ḡanlee poorpo ki Posius Festus mun gaar Fiiliks setu ki gaar yudant manḡ. Fiiliks nba din yaa wun nyik toonn na, ki u loon wun penn Juu teeb para, ki ḡaan ki Pɔɔl be dansarik ni.

## 25

*Pɔɔl nba gaan u maan ki tur kpanbar Siisa bianjinba*

<sup>1</sup> Yudaano Festus nba baar Siisarea, li daa ḡantaa poor poe ki u nyii leḡ ki doo Jerusalem.

<sup>2</sup> Leḡe ki mannteeb yudamm nan Juu teeb yudamm baar Festus peḡ ki paan Pɔɔl maan, ḡaan miar Festus <sup>3</sup> a wun te ki bi para-ii mei, ki te Pɔɔl n baar Jerusalem, ḡaan lor a bin bɔr ki kpi Pɔɔl sɔnu ni.

<sup>4</sup> Ki Festus jiin a, “Pɔɔl be dansarik ni Siisarea, ḡaan n mɔḡ saa ḡmat saan leḡ daa ḡanlelee na.

<sup>5</sup> Li paak, ḡaant man ki i yudamm n wein, ki tin sik Siisarea. Li-i tee ki joo na tun bonbiirie, bin biiro.”

<sup>6</sup> Festus din dii nan daa ḡanniin koo piik na ki be namm, ki tan fit ḡmat Siisarea. Ki li yent sanyiok ni, ki u ji kar u buut binbintir paak, ḡaan te ki bi nyinn Pɔɔl ki baar nano. <sup>7</sup> Pɔɔl nba baar yoo nba, ki u ji jak buut bunu. Ki Juu teeb nba nyii Jerusalem na fiir ki lint Pɔɔl, ki pak bonbiir bonchiann ki biiro, ḡaan bia lek ki fit wann nan bi maan manḡ tee monii.

<sup>8</sup> Nanne ki Pɔɔl pak u mɔŋ paak, ki yet a, “N ki tun biir Juu teeb sennu. N bia ki tun biir Yenjiantu nasaakak siari, koo Rom kpanbara yudaano.”

<sup>9</sup> Nnaan ki Festus loon wun penn Juu teeb para. Li paak, ki u boi Pɔɔl a, “A loon ki a saan Jerusalem, ki n saa bu a buut leni-i?” <sup>10</sup> Ki Pɔɔl yeto a, “N kpan daa see Kpanbar Siisa buut boore na, siaminba nan nan ki a bu n buut. N ki tun Juu teeb bisiatu, ki a mɔŋ mun bia mi nna. <sup>11</sup> Mi-i bonni tee moyêtdaanoie, ki tun bonbiir nba jan nan kuun, n kan yet a n nyi kuun ni. Nnaan li-i tee ki bi paanin maamie, soɔ kan fit jiin ki kubin bi nuu ni. Nnaan see ki n gaan n maan manj ki tur kpanbar Siisa.”

<sup>12</sup> Nanne ki Festus pak nan u saakab maan manj po, nnaan bet Pɔɔl a, “A gaan a maan manj ki tur kpanbar Siisa-wa. Li paak, a set saa saana.”

### *Bat Agripa nan u naapoo nba gbiint Pɔɔl maan bianjinba*

<sup>13</sup> Daa nanlee nna nba gar, ki Bat Agripa nan u niipoo Beniis tan baar Siisarea a bin foont yudaano Festus. <sup>14</sup> Bi din teen lej daanannawa, ki Festus tan wann bat na Pɔɔl maan nba tee bianjinba, ki yet a, “Fiiliks daan yaat, nnaan nyik soɔ dansarik ni, <sup>15</sup> nnaan maa daan saan Jerusalem yoo nba na, ki Juu teeb saakab nan mannteeb yudamm pak biiro, ki yaa n bu u maan manj ki biiro. <sup>16</sup> Ki n mun jiin ki betib a ‘Timm Rom teeb yaa boor narin, li ki tee ti kaar kaa ki tin chab niro nba ki bi yaa u tee biirtsoɔ ki bin kpiu, nnaan ki u biir teeb daa ki baar buut boor,

ki η̄oo nan η̄amm daa ki took leeb ki u pak a wun nyinn u m̄oŋi.’

<sup>17</sup> “Li paak, bi kura nba daan tan baar nna yoo nba, n ki taantiri, ki li yent sanyiok ki n kar n buut binbintir paak, η̄aan tur m̄ob ki bi k̄oo nan P̄ool.

<sup>18</sup> “Nanne ki binba biir̄o maŋ fiir set a bin pak ki biir̄o, η̄aan ki fit la u biit nba tee linba nan maa daan bo dukii laa sii bi bianjinba na, <sup>19</sup> η̄aan bi kpan n̄oi m̄oniok ki jiin bi m̄oŋ Yenjiantu poe, nan j̄oo nba din kpo, ki u sann tee Yiisa, wunba ki P̄ool yeen a u be u manfoor ni na po.

<sup>20</sup> “Ki li maan jarin. Li paak ki n bet P̄ool a li-i tee ki u loon wun saan Jerusalem ki n saa bu u maan lenje, wun yetin. <sup>21</sup> Ki u yet a bii diau dansarik ni m̄okm̄ok nan yoo nba ki bi tan saa saan nan̄o kpanbara yudaan̄o boor, ki wun saa jiar u maan maŋ. Nanne ki n tur m̄ob maa bii guu-u, ki n tan te ki bin saan nan̄o kpanbara yudaan̄o maŋ peŋ.”

<sup>22</sup> Ki Bat Agripa yet Festus a, “N m̄oŋ loon ki n gbat nir̄o maŋ m̄ob ni.” Ki Festus jiin̄o a, “Wonnewa ki a won saa gbat u m̄ob ni.” <sup>23</sup> Ki li yent sanyiok, ki Bat Agripa nan u niipoo Beniis muk mokit, ki lanjimanba yudamm nan doo na yudamm wei bi poor ki baar k̄oo buut diiuk na ni ki kar. Ki yudaan̄o Festus ji tun toonii a bin jii P̄ool ki baar nan̄o.

<sup>24</sup> Nanne ki Festus yet a, “Bat Agripa nan yimm nba kur be nna na, i la j̄oo nba na, η̄ooe ki Juu teeb nba be nna, nan binba kur be Jerusalem baar n boor nan u maan, ki biir̄o, ki yakii nanin, ki yaa li ki η̄an ki wuu be. <sup>25</sup> Nnaan min η̄arin la ki

u ki tun bisiat ki li jan nan kuumi. Ki u mɔŋ bia yaa u loon ki wun gaan u maan maŋ kpanbara yudaanɔ peŋe.

“Tɔn, li paak ki n dukin maa n te ki wun saan. <sup>26</sup> Nnaan n ki mi maa saa sɔb gbouŋ ki tur kpanbara yudaanɔ na, ki pakɔ linba ki saan gaan u po. Nnane te ki n baar nanɔ i kur numm ni na, nnaan li mantik kpaa fin Bat Agripa-e. Ki u buboit fiitu poorpo, n saa la maan nba ki n saa fit sɔb ki tur kpanbara yudaanɔ maŋ, <sup>27</sup> kimaan li kaa paak nan ki n te ki dansarkɔɔrɔ n saan kpanbara yudaanɔ boor, nnaan ki n kan fit wann waa biir linba.”

## 26

### *Bianjinba ki Pɔɔl kɔn u mɔŋ paak, Bat Agripa boor*

<sup>1</sup> Li yoo na ki Bat Agripa yet Pɔɔl a, “N chaba mɔb. Pakin nyinn a mɔŋ.” Ki Pɔɔl donn u nuu a wun pak ki nyinn u mɔŋ, ki yet a:

<sup>2</sup> “Bat Agripa, li maŋin bonchiann nan maa see a tɔonn dinna, ki yaa n pak ki nyinn n mɔŋ, ki jiin linba kur ki Juu teeb biirin na po. <sup>3</sup> Ki bia jenna, n mɔk parpeenn bonchiann nan maa see a tɔonn na, nan faa tee banntɔɔ, ki mi Juu teeb sennu nan bi mɔniɔk nba tee bianjinba kur na. Li paak, chanbaa, n barimae, dimin sukuru ki gbiint maa yaa n pak linba na.

<sup>4</sup> “Maa fir n bisin niwa nan mɔtana, Juu teeb kur mi maa din tuu be bianjinba, n tin ni nan Jerusalem. <sup>5</sup> Bi poŋ mi-n ki li fɔk. Li-i tee ki bi loon, bi saa fit wann nan n tuu waa Farisiinba Yenjiantu sɔnu nba mantik paar nae.

<sup>6</sup> Ki mɔtana n ji see ki bi bu n buut, kimaan n mɔk dindann nan mɔsonn nba ki Yennu din senn tur ti yeejamm na. <sup>7</sup> Mɔsonn maŋ paake ki timm Juu teeb booru piik nan munlee tuu mɔk dindann ki dukii nan ti tan saa lar. Li paak ki bi jiantir Yennu nan ninmɔnn yonnu nan nyiɔk. Chanbaa Agripa, dindann maŋ paake ki Juu teeb piak ki biirin na. <sup>8</sup> Bee ki li paar i boor nan ki i teen yada a Yennu fiint kpeemmi?

<sup>9</sup> “Sinsinn, n mɔŋ din dukin nan li kpaa talase ki n tun bonsiar kur ki biir Nasaref niro Yiisa sann. <sup>10</sup> Nnae ki n din tuun Jerusalem. Mannteeb yudamm din tuu chabin yiikoo ki n so Yennu niib ki kɔontib dansarii. Baa din tuu bu bi maan ki tan gbenn ki chab a bin kpib na, n mɔŋ mun din tuu taa binba tuu chab a bin kpib na po.

<sup>11</sup> “Yoo kur n din tuu yɔɔ ki mukisiribe, Yenjiantu diit kur ni, ki loon ki bii nɔi a bi ki waa Yiisa. N din mantik donn wutoor bi paak, ki li saa yakira. Li paak, n bia lek din tuu saa doi nba be tinganii ni, ki saa dintib biak.

*Pɔɔl nba betib u lebitu po bianjinba  
(Toona 9.1-19; 22.6-16)*

<sup>12</sup> “Li paake ki n yaan tan fir saa Damaskus, maa n dinn Yiisaweira biak nan mannteeb yudamm nba chabin yiikoo, ki bia turin mɔb a n tun na.

<sup>13</sup> “Tɔn, Chanbaa Agripa, li din tee yonsuuk nie ki n be sɔnu paak ki saa, ki tan la ki yentu nyii sanpaapo ki yeen gar yonnu, ki yent nyokit ki lint min nan n tɔknanleeb na. <sup>14</sup> Ki ti kura baa tin ni. Ki n gbat kunkɔr pak timm Juu teeb maan

ni, ki yin a ‘Sool, Sool, bee ki a mukisimi? Li tee jatiie nan fii kɔn nanin.’

<sup>15</sup> “Ki n jiin a, ‘N Yomdaano, fin ηmee?’ Ki ti Yomdaano jiin a ‘Min Yiisa-e ki a mukis maŋ.

<sup>16</sup> Naan fiit ki set. N nyinn fine a a teen n toontunno. Linba nae te ki n dokit a paak. Teent siara ki wann niib faa lan bianjinba dinna, nan linba ki n sii fiitir wanta yoo nba waa. <sup>17</sup> Maa tan saa tuma siaminba na, n bia tan saa nyinna daar ni Juu teeb nan nileeb nii ni. <sup>18</sup> Fine tee wunba saa yent bi numm po, ki bin nyi bunbonn ni ki koo yentu ni, ki bia nyinnib Sintaanii nuu ni ki bin koo Yennu nuu ni, ki wun nyik bi biit ki chabib, ki bin la yiar, binba ki Yennu teemm u niib na sinsuuk ni, kimaan baa teenin yada na paak.’

*Pool nba want u toona po bianjinba*

<sup>19</sup> “Li paak, Chanbaa Agripa, n din ki yet Yendoun ni yirintu maŋi. <sup>20</sup> Naan sinsinn, n din moont Yennu maan ki tur Damaskus teebe, ki pukin Jerusalem nan Judea yent ni dolia nba be lokir kur po. Li poorpoewa ki n tan moont tur binba ki tee Juu teeb. N wannu nba ki n teen niib na kur tee bin nyik biit tumue kii waa Yennu sonu, kii tuun bonjana, ki lin wann nan bi set nyik bi toonbiit nan monii.

<sup>21</sup> “Li din tee linba na paake ki Juu teeb soorin, maa daa be Yenjiantu nasaakak ni na, ki loon bin kpin, <sup>22</sup> naan laa jii ki tan tuu dinna, ki Yennu guun, ki n ji be ki see ki moontir u maan ki teen tatimm nan paarib kur. Maa piak linba na, nann nan Moses nan Yennu sokiniinba nba din tuu

piak linba kur ki mək bokit. Namm din piak linba tan sii tuune, <sup>23</sup> a Yennu Niganntoo Masia tan saa fabir di biak ki kpo, ki ɲooe bia sii tee sinsinn daano nba tan saa fiir kuun ni, li paak ki u bia saa moont ki tur Juu teeb nan binba ki tee Juu teeb, ki beerib barrii nba sii yentir bi numm po.”

<sup>24</sup> Pool nba din piak a wun nyinn u moŋ na, ɲanne ki Festus tian u paak a, “Pool, a waata. A bannchion na paake te ki a waat.” <sup>25</sup> Ki Pool jiin a, “Chanbaa Festus, n ki waat kaa. Maan nba ki n piak na tee barmoniie, ki bia mək paak. <sup>26</sup> Chanbaa Agripa, n mək parcheenn ki saa pak tura, kimaan a moŋ mi linba na po, ki n bia teen yada nan barrii nba jiin Yiisa po na ki bor a boori, kimaan linba din teen maŋ din ki woon kaa. <sup>27</sup> Chanbaa Agripa, a teen Yennu sokiniinba maan yadawa-a? Naaan n lek mi nan a teen yadawa.”

<sup>28</sup> Ki Bat Agripa jiin Pool a, “Fin mi a a pinpauk mintik na saa fit dakin ki n teen Yiisaweiroe.”

<sup>29</sup> Ki Pool jiin a, “N pinpauk-u fok koo laa ki fok, min yaa Yenmiaru tee ki fin nan niib na kura nba gbiint n maan na dinna na n teen Yiisaweira nan maa tee bianjinba nae, ɲaan jarit nba na kuukooe ki i kii moki.”

<sup>30</sup> Nanne ki Bat Agripa, nan yudaano Festus, nan Beniis, nan binba kur kar leŋ na fiir ki nyii. <sup>31</sup> Baa yaa bin yat yoo nba, ki bi ji beer bi leeb a, “Joo na taan ki tun biit ki li jaŋ nan bin kpiu, koo ki koono dansariki.” <sup>32</sup> Ki Bat Agripa yet Festus a, “Niro na-i daan bonni kii miar a wun



gaan u maan na ki tur Kpanbar Siisa, ti bo saa fit njaauwa.”

## 27

### *Pɔɔl nba piin Rom doo saanu bianjinba*

<sup>1</sup> Baa ji din tan lor a bin jii Pɔɔl ki saan nano Rom, Itali tinj ni na, ki bi jii nɔɔ nan dansarkooleeb, ki tur Rom lanjimanba saakoo nna, ki u sann tee Julius, ki u be lanjimanba paabu nba ki bi yi Kpanbara Yudaano Paabu na ni, ki u jii lanjimanba na, <sup>2</sup> ki ti\* kur koo narun nba nyii Adramitium, kimaan narun man pon teen siir nan wun nyi Siisarea ki saan Asia yent ni doi nba kpia mɔkgbenjir na; ki Masedonia niro Aristakus, wunba nyii Tesalonika na, chianit. <sup>3</sup> Ki li tan yent sanyiok ni, ki ti baar Sidonn. Ki lanjimanba saakoo Julius dia Pɔɔl fanu, ki chabo a wun saan Yiisaweira nba be leŋ na peŋ, ki bin turɔ u bonloŋa. <sup>4</sup> Ki ti tan nyii leŋ ki yaat saa, ki wouŋ fukit ki da tookit, ki ti pek kpian Saiprus tinj ki saa, ki tinj man tia wouŋ na ki turit. <sup>5</sup> Taa puur mɔkgbenjir na paak yoo nba, ki ti per Silisia nan Pamfilia tinii ki ji baar Maira doo, Lisia yent ni.

<sup>6</sup> Leŋe ki lanjimanba saakoo na la narun nba nyii Aleksandria ki saa Itali tinj ni. Ki u te ki ti loor narun man, <sup>7</sup> ki saa soon-soon nna, ki li tan gbatit. Ti din jii daa saamewa, ki tan baar Kinidus doo boor, Kret tinj ni. Ki wouŋ na bia lek ki nyik tin saan taa saa siaminba po na. Li

---

\* **27:2** 27.2 Luk nba sob gbouŋ man mun bia din tok namm ki saan.

paak, ti din bokin ki gar Kret tinj manj poe. Li poe ki wouj din ki paari, ki ti tan kpian Salmone, Kret tinj ni, ki gar. <sup>8</sup> Taa din saa na, li din paar bonchiann nan taa tan baar Kret doo nba yi Sinsetbonjann na. Lenj ki fok nan Lasea doo, Kret tinj ni.

<sup>9</sup> Taa yukir bonchiann na, Juu teeb moloru dagbenjir ji din gara, ki yoo nba ki ninboj tuu baar mɔkgbenjir paak na tan baar; li paak ki Pɔɔl kpaanib a, <sup>10</sup> “N yɔɔsnba, n mi nan ti sɔnu na ni, ninboj saa baarit bonchiann, li ki tee tiat nba be naruj na ni, koo naruj na kuukɔɔ paak kaa, njan ti mɔj manfoa gbaa sii be danj ni.” <sup>11</sup> Njan lanjimanba saakɔɔ na baka din taan kaa linba ki Pɔɔl pak na po, u din fiin naruj na saakɔɔ nan li daanɔ na poe. <sup>12</sup> Njan naruj manj nba din see siaminba na din ki njan nan tin set lenj sakoouko, li paak, bi bonchiann ji din yaa bin njan ki bin fiir lenj ki saan, a li pasiar bi saa baar Fiiniks-a. Lenj din tee Kret tinj dooe, ki naruj sinsetboor be ki took yonbaa po, ki bi loon bii be lenj sakoouk.

*Ninboj nba din baar mɔkgbenjir na ni labaar*

<sup>13</sup> Li yoo na ki bi la wouj da niiganj po soonsoon nna, ki bi ji dukin a li tee wounjanj nba saa te ki bin fit nyann baa dukii bianjinbae, ki bi ji fiir ki dat kutkpiatir nba so naruj ki sent na, ki kɔɔn naruj manj ni, ki yaan jak bi sɔnu ki saa, ki bok Kret mɔk-kpinj.

<sup>14</sup> Li ki yukiri ki wonpaaruk nba nyi yonput po na fikit tinj na ni, ki da siik mɔkgbenjir na ni, <sup>15</sup> ki tan baar wurrr naruj na paak ki tutir, ki li ji paar bonchiann nan nirɔ n fit kan naruj manj

ki took wouŋ na; ki ti tat nyik wouŋ na tooku, ki wouŋ na ji tut ŋarun maŋ ki saa nann, <sup>16</sup> ki li jiit, ki ti saa baar ki gar tinbik nba ki bi yi Koda na boor. Taa gaar yoo nba ki tinbik maŋ gɔɔr wouŋ na ki u barik, ki ti gbaa gɔɔr burgbetir nba tuuk ŋarun paak na, <sup>17</sup> ki bi ji dat burgbetir na ki koon ŋarun na ni, ki bia lor ŋarun na ŋmiit kenkema ki lint. Bi din tiin jaŋmaanii, ki mi a bi tan saa kpet kpian Libia tin, siaminba ki nyun ki sumii, ki li tee ninboŋ boor na. Nanne ki bi sikin ŋarun chinchenn na ki ji nyik ki wouŋ na yaan jiiib ki saa.

<sup>18</sup> Wonpaaruk nba din mantik da na, ki li yent sanyiok ni, ki bi piin ki nyint jika ŋarun maŋ ni, <sup>19</sup> ki li sanyafannuk, ki bi jii bi moŋ nii ki nyinn ŋarun maŋ bona, ki lu mɔkgbenir na ni. <sup>20</sup> Li din jii daa bonchiann ki sanpagbant dɔkin sanpaapo, ki ti ki fit la yonnu koo ŋmaabira, ki wouŋ na lek bia da nan paŋ. Ki ti ji ki mɔk dindann nan ti saa tinni.

<sup>21</sup> Li din yukir bonchiann ki bi ki dii, ki Pɔɔl tan fiir set ki yet a, “N yɔɔsnba, i-i daaŋi bonni sak n mɔb, ki ki nyii Krete tin ni, li bo sii ŋan. I bo tan kii laat ninboŋ ki di fara na booru. <sup>22</sup> Naaan mɔtana, ii sak n mɔb kii mɔk parcheenn man. I sɔɔ nan yenokɔɔwa kan kpo; ŋarun na kɔɔe saa biir. <sup>23</sup> Kimaan Yennu nba ki n tee u yɔɔ ki jiantiro na, u malaka won baar n boor nyiok, <sup>24</sup> ki tan betin a ‘Pɔɔl, daa tiin jaŋmaanii. See ki bi tan jiia ki saan nana Kpanbar Siisa boor. A paake ki Yennu yaa wun tinn niib kur nba be nana ŋarun na ni.’

<sup>25</sup> “Li paak, n yɔɔsnba, ii mɔk parcheenn man,

kimaan n teen Yennu yada nan li kpan sii tee nan waa betin nae. <sup>26</sup> Wouŋ na lek saa tutit nan paŋ, ki daamiit, ki te ki tin baar tinsiak nba ki nyun lintira.”

<sup>27</sup> Laa din tan teen nyotunmuna piik nan ŋanna ki wouŋ na lek da, ki saa nant mɔkgbenjir nba ki bi yir Adria<sup>†</sup> na paak, ki tansuunii ki ŋaruŋ kannna na ji mi a ti per tiŋe. <sup>28</sup> Ŋanne ki bi jii bonbikinkar, a bin bikin ki laan li sumii amii li ki sumii, ki bikin ki soo li sumii baar taapaun kobik nan piinleewa. Ki li yann waaminna, ki bi yaan bikin, ki soo li sumiiu ji tee taapaun piinyiae. <sup>29</sup> Ki janmaanii kɔɔb, kimaan bi dukii a bi ŋaruŋ na tan saa kpet do tana paak. Li paak ki bi ji jii kutkpiata ŋanna nba so ŋaruŋ ki sent na, ki lu nyun ni, ki gaan ŋaruŋ maŋ poorpo, ŋaan lek ji mei Yennu a lin yent sanyiok. <sup>30</sup> Ŋanne ki ŋaruŋ kannna na ji loon bin bot ŋaan nyik ŋaruŋ na, ki sikint burgbetir na nyun paak, ŋaan ji tee ser ki li tee nan bi yaa bin sikin kutkpiata ŋaruŋ maŋ tɔonn poe na.

<sup>31</sup> Ŋaan ki Pɔɔl yet lanjimanba nan bi saakoo na a, “Ŋaruŋ kannna na-i kaa ŋaruŋ na ni, i soo kan tinni.” <sup>32</sup> Ŋanne ki lanjimanba na pot pot ŋmiit nba ki bi lor burgbetir maŋ, ki te ki li baa nyun ni.

<sup>33</sup> Tɔn, ki li yaan tan per yentu, ki Pɔɔl bet bi kura a bin di jeet, ki yet a, “Dinna li pukii daa piik nan ŋanna na ki i mɔk janmaanii ki ki dii siari. <sup>34</sup> Li paak, n barimie ki i lek di jeet, kimaan li tee linba saa te ki i ŋamm la paŋe. I soo kan

---

<sup>†</sup> **27:27** 27.27 Li sanleere tee “Sinsuuk ni mɔkgbenjir.”

la danj.” <sup>35</sup> Pɔɔl nba pak nna, ki u jii boroboro, ki tur Yennu niipoouk bi numm ni, ki ŋmit dii. <sup>36</sup> Ŋanne ki bi para ji chee, ki bi kura jak jeet na ki di. <sup>37</sup> Ti kur kann din tee kobiinlee nan piinlore nan banloobo. <sup>38</sup> Soɔ kur nba dii jeet na ki jaŋ yoo nba, ki bi jii boroboro dii nba tenn ŋaruŋ maŋ ni na ki lu mɔkgbenjir na ni, a ŋaruŋ na n fukit.

### *Ŋaruŋ na yakitu labaar*

<sup>39</sup> Laa tan yent sanyiɔk, ki ŋaruŋ kanna na la tiŋ na ki ki banni, ŋaan la lotuk nna mɔkgbenjir na kpiŋ, ki li mɔk gbingbannann, ki bi bikin a li-i saa fit, bin te ki ŋaruŋ na n saan koo leŋ ki fer tant ni. <sup>40</sup> Ŋanne ki bi ji pot ŋmiit na, ki kutkpiata maŋ baa nyun ni, ŋaan bia lot ŋmiit nba lor daat nba ki bi dia kan ŋaruŋ na, ki ji fit donn chinchenn ŋaruŋ na numm po, a wouŋu da kii saa namm. Ŋanne ki bi tan per gbingbann, <sup>41</sup> ki ŋaruŋ na tɔɔnn po fer tiŋ ni. Li tɔɔnn po nba fer tiŋ ni bianjinba na, ki ŋaruŋ na gbar saanu, ki nyunpana ji lia li poorpo nan paŋ ki li yakit yakit.

<sup>42</sup> Tɔn, ki lanjimanba na ji loon bin kpi dansarkɔɔra na kur, a nna-i kaa, li pasiar bin duk poot ki chiar bot. <sup>43</sup> Ŋaan ki lanjimanba maŋ saakoo na ŋarin loon ki wun tinn Pɔɔl. Li paak, ki u tiab a bi daa kpibi, ŋaan tur mɔb a binba kur mi nyunduku, bin yukir baa nyun na ni sinsinn ki duk poot. <sup>44</sup> Ŋaan binba biar ki ki mi duku na n mun soor ŋaruŋ daat koo ŋarin-yaka ki wob ki duk poot. Ti kura ji din teen nnae ki tinn.

## 28

### *Malta teeb nba gaarit bianjinba*

<sup>1</sup> Taa din tinn na poorpoe ki ti bann nan tinj manj sanne Malta. <sup>2</sup> Leŋ niib din diat bonŋann. Saak din baa, ki waat be bonchiann, ki bi joo mugann ki turit a ti nanii, ŋaan teen ti kur sommir sommir. <sup>3</sup> Ki Pɔɔl tan tikir daginganii ki kpab nan waauk, ki teen muu na ni, ki muu na tonu gbat waauk na, ki u nyii, ki jun Pɔɔl nuu. <sup>4</sup> Ki leŋ niib nba la ki waauk na jooŋ Pɔɔl nuu paak na, ki bi ji beer leeb a, “Joo na kpan tee nikpiiruko. Waa lek tinn u moŋ mɔkgbenjir ni na, ŋaan kpeemm ŋarin kan nyiko ki wuu be u manfoor ni.” <sup>5</sup> Ki Pɔɔl ŋak u nuu, ki waauk na baa muu na ni, ŋaan ki li ki teen Pɔɔl siar nan waama. <sup>6</sup> Ki bi ji daan a bin laan u siar po saa mɔr, koo u tan saa baa ki kpo-o. Baa ji daan daan ki tan bak ki ki la siar teeno na, ki bi lebit bi dudukit ki yaa u tee yensaue.

<sup>7</sup> Leŋ bia din ki fok nan bat Publius kpaanti. Njooe din tee tinj manj ni bat. Ki u din gaarit saauŋ ki saa janj damunjaa ŋantaa. <sup>8</sup> Ki Publius manj baa mun doo yiar gbanantouŋ nan noniikak ni. Ki Pɔɔl tan koo u diiuk ni, ki yii nii u paak, ki miar Yennu, ki u la laafia.

<sup>9</sup> Li paak ki baatleeb nba be leŋ na kur baar, ki u te ki bi la laafia. <sup>10</sup> Ki bi pit piinii bonchiann. Taa bia din tan fi a tin koo ŋaruŋ yoo nba, ki bi baar nan linba ki ti tan sii loon sonu ni, ki kooŋ ŋaruŋ ni ki turit.

### *Taa saan Rom bianjinba*

<sup>11</sup> Ti benu lej ηmaarii ηantaa poorpoewa ki ti koo ηaruη nba nyii Aleksandria ki be Malta sakoouk na, ki bi yi ηaruη maη Yenjaasnba. Ki li fiir saa, <sup>12</sup> ki yaan tan baar doo nba ki bi yi Sairakus na, ki biar lej daa ηantaa, <sup>13</sup> ki tan toot baar Regium doo. Ki li tan yent ki wouη yaan jak danu, ki nyii niigan po ki tutit. Ki ti jii daa ηanlee ki yaan baar Puteoli doo. <sup>14</sup> Leηe ki ti la Yiisaweisiab. Ki bi yaa tii be namm ki jaη daa ηanlore. Ki ti be namm, ki tan nyii lej ki saa Rom doo ni.

<sup>15</sup> Yiisaweira nba be Rom doo ni na nba gbat ti po, ki bi fiir chetit Apius daak na ni, ki siab mun chetit Saamηei ηantaa nba kpia Rom na. Pool nba lab yoo nba, ki li turo kpaan-moη, ki u tur Yennu niipoouk.

### *Pool benu Rom doo ni*

<sup>16</sup> Taa baar Rom yoo nba, ki bi chab Pool ki u be ηaak ni, ki bi te ki lanjima guu-u.

<sup>17</sup> Ton, li daa ηantaa poor poe ki Pool yiin Juu teeb yudamm ki lakimm, ki yetib a, “N naa waas, n lek ki tun bonbisiar ki biir ti niib koo ti yeejamm sennu, ηaan bi din soorin ki koonin dansarik Jerusalem-e, ki jii kubinin Rom teeb.

<sup>18</sup> Ki bi boin buboit, ki tan loon bin nyikin, kimaan bi ki la maa tun bonbisiar nba jaη nan bin kpimi. <sup>19</sup> Naan Juu teeb nba din ki sak bin nyikin na, li paak ji din te ki n yaa n saa gaan n maan ki tur kpanbara yudaano Siisa-e, ηaan li din ki tee n loon ki n pak biir ti niib kaa.

<sup>20</sup> “Li paake ki n yiini maa n tan lai ki beti labaar na. Maa moontir Yennu Niganntoo,

wunba ki Juu teeb mək dindann u po na, ɲanne te ki bi baanin jarit na.”

<sup>21</sup> Ki bi beto a, “Ti ki la gbant nyii Judea ki baar ki want a po, koo ti soo bia ki nyii lej ki baar nan labasiari, ki soo mun bia ki pak bonbisiar ki gaan a po. <sup>22</sup> Naan ti loon ki tin bann a dudukite. Ti ponj mi nan siar kur po, niib bonchiann piak ki biir jiantu nba ki a waa na.”

<sup>23</sup> Li paak ki bi senn daar. Ki niib bonchiann tan baar Pɔol peɲ daar maɲ ni. Ki u kat wannib nan ninmɔnn, Yennu naan na po, sanyioƙ ni mək mək nan daajoouk, ki wantib Yiisa barii nba be Moses sennu ni nan Yennu sokiniiinba sobu ni bianjinba, ki yiab a wun tunn niib na yan ki jiin Yiisa po. <sup>24</sup> Ki bi siab yan din tunn ki koo Yiisa ni, Pɔol maan maɲ paak, ki siab mun ki teen yada. <sup>25</sup> Ki bi jak leeb nan mɔniok, ki yaa bin yat. ɲanne ki Pɔol pak bonyennkoo a, “Yoo nba ki Yennu Seyeen din te ki u sokinii Aisaya pak tur ti yeejamm na, u din pak mɔniie, <sup>26</sup> ki yet a,

‘Ti saa ki saa bet niib na a:

I tan saa gbiint ki gbiint, ɲaan lek kan bann li paaki,

ki bia tan saa got ki got, ɲaan lek kan la,

<sup>27</sup> kimaan niib na tee yankpeenae,

ki bi bia kpaa bi tuba a bi daa gbia,

ki bia mun bi nunii a bi daa laat.

Bi-i bonni kii mun bi nunii, bi bo saa lawa,

bi-i biaki bonni kii kpaa bi tuba, bi bo saa gbata,

ki bi-i biaki bonni kii tee yankpeena, bi bo saa

bann li paaka.

Li-i kii teen nna bonni, bi bo saa nyik bi toonbiite,



ki n te ki bin la laafia.' "

<sup>28</sup> Ki Pɔɔl ɲamm yet a, "Li ɲan ki yin bann nan Yennu tinnu maan baar niib nba ki tee Juu teeb paaka, ki bi saa gbiint."

(( <sup>29</sup> Pɔɔl nba din pak nna yoo nba, ki Juu teeb na ji yat saa, ki jak leeb nan mɔniɔk bonchiann.))

<sup>30</sup> Pɔɔl nba din be siaminba na, u din pa likiriie, ki be lej bina ɲanlee. Niro nba kur tan baar u boor, wun gaaro bonɲann. <sup>31</sup> Ki u din tuu mɔontir Yennu naan na po, ki want niib ti Yomdaano Yiisa Masia po, ki piak u yamani nan parcheenn.

**Yennu Gbouj Moor**  
**Bimoba: Yennu Gbouj Moor Bible**

copyright © 2003 Wycliffe Bible Translators, Inc.

Language: Bimoba

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source  
files dated 29 Jan 2022

00d89ba0-4677-52d9-9bc5-aa3d7c5c966d